



BIBLIOTHECA  
UNIV. JAGIELL.  
CRACOVENSIS

587010

Mag. St. Dr.

I

( ut p  
tis negotia, que in hunc etiam obisse  
excolit, utinam semper reddat, & pro  
portibus et tempus transigant, dum quib-

thia  
rit.

Seria  
torumque



587010


|

Mag. St. Dr

nei, ut vocantur: inter istos partica

808





ut p  
his nego  
xcolit,  
poribus  
Sei  
form

po

D

=

T



V  
D A R E S  
P H R Y G I U S ,

POETARUM & HISTORICORUM  
Omnium Primus,


DE BELLO TROJANO  
L A T I O J U R E

à

CORNELIO NEPOTE

*Carminè festivo,*

D O N A T U S



L U B L I N I  
Typis S.R.M. Colleg: Soc: JESU:

A. D. 1748.

V I T A  
DARETIS PHRYGII,

EX ANTHROPOLOGIA  
RAPHAELIS VOLATER-  
RANI.

**D**ARES PHRYGIUS Historicus,  
*scripsit bellum Trojānum, in quo  
ipse militavit, ut ait Isidorus, primus  
ferè Historicorum: qui tandem ca-  
pto Illo cum Anthenoris factione re-  
mansit ut scribit Cornelius Nepos,  
qui Opus ejus in sex libros è Græci  
convertit, dicavitq; Crispo  
Sallustio.*

587010

I

1973.K.141.5+Dr.DA.

Bibl Jag





# DARETIS PHRYGII,

D E

*Excidio Troiano.*

## LIBER PRIMUS.

*applicavit bibliot. Con. Ambr. & Petrus Svor*

**I**LIADUM lachrymas, concessaq; Pergama fatis,  
Prælia bina ducum, bis adactam cladibus urbē  
In cineres querimur: flemusq; quod Hercules  
ira,

Hesiones raptus, Helenæ fuga fregerit arcem,  
Impulerit Phrygios, Danaas exusserit urbes.  
Ut quid ab antiquo varum proscripta tumultu  
Veri sacra fides longum sylvescis in ævum.  
An quia spreta lates? mundoq; infensa priori  
Nos etiam noscenda fugis? mecum inclyta, mecum  
Exorire, & vultum ruga leviori resumens  
Phæbeam dignare tubam, sterilisq; vetustas  
Erubeat dum culta venis, dum libera frontem  
Exeris, en aures blandas, en pectus amicum  
Mulees, vulgarem levius passura cachinnum.  
Si nostris nil dulce novum, nil utile visum  
Quod teneri pariunt anni, si sæcula tantum  
Aurea Saturpi memorant, & nulla recentis

Gratia virtutis: aude tamen ardua, pubes.  
 Mento canescant alii, nos mente: capillo,  
 Nos animo: facie, nos pedore. Tempora certè  
 Virtutem non prima negant, non ultima donant.  
 Quod duplex ætas varios contendat in usus,  
 Hæc viget, illa jacet, hæc pullulat, illa fatiscit.  
 Mira quidem dictu, sed vera (advertite) pandam,  
 Nam vati Phrygio Martem certissimus index  
 Explicuit præsens oculus! quæ fabula nescit.  
 Hunc ubi combiberit avida spes ardua mentis,  
 Quis superos in vota vocem? mens æmula verâ  
 Proscripsit longè ludentem ficta pœtam.  
 Quin te Cætopii mentita licentia pagi  
 Et lædant figmenta Pater, quo præfide floret  
 Pontia & in prisca respirat libera leges.  
 Felices quos non trahit ambitus, ardua nactus  
 Non in se descendit honos, non cæca potestas  
 Quid possit fortuna vider: non perfida sentit  
 Prosperitas, flevisse humilem, qui ridet in altis.  
 Parcite, venales quisquis venatur honores:  
 Unde ruat tabulata fruit. Premit ultio noxas  
 Tunc gravior, cum tarda venit: tunc plena timoris,  
 Quum terrore caret: blandâ nil sævius irâ,  
 Quum floret miseri felix injuria voti.  
 At tu dissimilis longè, cui fronte serena  
 Sanguinis egregii lucrum, pacemq; litatâ  
 Emptam animâ Pater ille pius, summumquè ca-  
 cumen,



In curam venisse velit, cui cederet ipse  
 Prorsus vel proprias lætus sociaret habenas.  
 Hæcæneus hæc, tuq; (ore tuo) da maxime vati  
 Ire iter incceptum, Troiamq; aperire jacentem.  
 Te sacræ assument acies, divinaq; bella,  
 Tunc dignum majore tuba, tunc pectore toto  
 Nitari, & immensum mecum spargere per orbem,

Luserat omnificæ quondam solertia curæ,  
 Ignotas molita rates, auriq; cupido  
 Audendi transgressa modum, trans æquora misit  
 Qui caperent thalamos, spoliarent templa metallis.  
 Siccine mortalis finem metitur hiatus?  
 Egestæ sic Ditæ opes, quas ambitus audax,  
 Quas prædo pallens, Stygiis extorquet ab antris  
 Sufficiunt? cui jam satis est quodd regna, quodd urbes  
 Ipsaq; quod pateant rapiendis tartara gazis?  
 Itur in ignotos fluctus, ultroq; procellis  
 Insultare juvat, & soli vivere læto.

\* Æsonides primus undas assumpsit in usus,  
 Phryxeam rapturus ovem: cui laudis alunus  
 Alcides socias indulxit in ardua vires.  
 His Peleus, Thelámonq; duces, his cætera pubes  
 Emathia, casus pelagi conjurat in omnes.  
 Pars munita ratem, pars famæ prona petendæ,  
 Pars mundum visura novum, gentesq; remotas.  
 Ergo sequi docilis quas nondum noverat undas;  
 Thecyos in gremium migrat præcepta Dianæ

A<sub>3</sub>

\* *Argonautarum ad Colchos profectio.*

Pinus, & è ramis remos habet: inq; profundum  
 Ornatu contenta rudi plus robore, cultu  
 Fisa minus, paucis exul peregrinat in armis.  
 Nondum sava Deos ponto objectare natantes  
 Religio, non fluxa sinu tumuere recurvo,  
 Carbasa delicias dat fastidior usus,  
 Exornatq; suum novitas operosa periculum,  
 Prima inopem pirus cultum, quo stabat in Heme  
 Detulit in fures, autor ratis Argus, & Argo  
 Navis erat, sed uterq; rudis: nil illa superbe,  
 Non auro superos læsit, non rupibus aurum.

(fugamq;

Stat dubius novus hospes aquæ, reditumque  
 Ludentis pelagi miratur, & æquora visu  
 Metitur, Patriæq; pium consultat amorem,  
 Virtuti nutu facili cessurus & undis.  
 Sed rapit aura ratem, quonâ? quò naufraga tendis?  
 Quò populos in fata trahis? te ne angue vel armis  
 Patrandum fastidit opus? scio tædia tollis,  
 Delicias lethi quæris, nunc utere saxo  
 Terra petens, atq; inje cæ Symplegadis istu.  
 Nulla prius cecidisse refer, ferat ipsa cruentum  
 Quod peperit fatum, primâq; superbiat ira  
 Fata obstant, hominum prædatrix Atropos arcet.  
 Plus superi quàm fata queunt, trabs Thessala divos  
 Præsentes quos fecit habet, contemptus in antris  
 Hippotades, in aquis Triton, in carcere Corus,  
 Hac rate præcepta summos senuisset in annos.

Quip



Quippe Deum genitore metu mens cæca creavit.  
 Ditem umbris cælo superos, & numina ponto.  
 Vix pelagi sensere minas, jamq; Æole clamant,  
 Æole, tuq; dato mulces qui cerula sceptro,  
 Undarum Neptune potens, date numen ituris,  
 Si reduces, meritis nomen sacrabitur aris.  
 Mox ierant in vota Dei, gaudentq; vocati.  
 Hic faciles proclinat aquas, hic evocat antro  
 Qui vela imprægnat zephyrum, qui purget abacta  
 Nube diem cursu tandem producta sereno  
 Labitur in portus Phrygios ratis, improba pubes  
 Emicat, & vetita certant tellure potiri.

Fama nocens subitum Sygea in regna tumultum  
 Spargit, & infidias populo regi; minatur,  
 Dardana si coeant peregrinæ ad littora classes.  
 Plebs excita furit, nec abest qui Laomedontem  
 Intentet Danaïs, ultrô ni litore cedant.  
 O superis invila manus, sic pignora cœli  
 Crescentesq; Deos in syrtes cogis? an unam  
 Extimeas gens tanta ratem? sed cæca quid horres?  
 Huc ho'spes, non hostis adest, cui nostra potenti  
 Debentur frangenda manu, reverere tonantem,  
 Vel talem cognosce hominem. Si pendimus æquâ,  
 Si rerum iustis metimur partibus usum,  
 Omne homini commune solum sed jura perosus  
 Publica sacra legis naturam barbarus ausis.  
 Contrahit, & proprius Phrygiam phariscat in usus.  
 O Asiæ pollentis opes, ô Pergama nulli

Tranquillo cessura Deo, nil dura sororum  
 Licia, nihil superi peccant, gens incola fatum  
 Ipsa facit, cœlo Phrygius parcente meretur  
 Exilium, gladios, incendia: Pellitur Argo,  
 Armatumq; Jovem mediis exorat in undis,  
 Ac Danaï flagrant animis poscentibus arma  
 Quô rapit ira sequi, gladioq; ultore pudendam  
 Excusare fugam, contra, prudentia, turba  
 Rara comes, raro Phrygiam cum milite pendit,  
 Excipit ancipites docti tuba Nestoris aures, \*  
 Suspensosq; regit irataq; pectora mulcet.

O qui magnanimo domuistis remige fluctus;  
 Qui freta, qui ventos primi libastis & astra  
 Iratum didicistis iter non nota sequuti,  
 Discite dura pati, sola est quæ conterit hostem  
 Virtutesq; regit patientia: sola triumphis  
 Militat innocuis, & honestæ consulit iræ.  
 Est tempus quando, locus est ubi, lædimur omnes  
 Lædimur immeriti, patimurq; indigna priores,  
 Ut causâ meliore frui superisq; secundis  
 Marte dato liceat, non hic injuria nobis,  
 Sed Danais facta est: veniet qui probra suorum  
 Ense pio redimat. Sic fatur, & accipit omnes  
 Delinita Thetys, gremiumq; exponit ituris.  
 Jam fluctus emensa vagos, in Phasidis undas  
 Declinat Pegasæa ratis: pelagoq; relicto.

\* Nestor sociis.

Pau-

Pau-  
 Mule  
 Disce  
 Impe  
 Phelis  
 Cessu  
 Potan  
 In vac  
 Ipsa e  
 Cont  
 Nec  
 Cont  
 In cu  
 Fluctu  
 Suspe  
 Quo  
 Consi  
 Pellic  
 Littor  
 Inter  
 Arua  
 Qu  
 Oeta  
 Terrig  
 Excub  
 Eripie  
 Neptu  
 Altijs



Pauperiore sinu, sed liberiore potita,  
Multa prius metuenda tulit, dum litore in alto  
Discordes agerent undarum praelia motus,  
Improbis audaci suspendit gurgite pontum  
Phasis, & obnitens castigat in arua ruentem,  
Cessoram miseratus humum furit ille, feroxq;  
Potandas incescit aquas, bilemque refundit  
In vada blanda suam, dedignaturque teneri.  
Ipsa etiam clavisque notis, coeloque sereno,  
Continuas hyemes portus angustia volvit.  
Nec spacio laxum languet mare, crescit arena  
Consumptura rates, tellusque occulta vadosa  
In cumulum suspendit aquas mentita profundum.  
Fluctuat ambiguus Tiphys prope litora spectat:  
Suspectam formidat humum, discitque timere  
Quo tutum sperabat iter timor elicit artem  
Consultura vadum medias minor alnus in undas  
Pellitur, & conto metitur iudice pontum.  
Littoris insidiae postquam patuere, coacto  
Inter utrumque solum decurrens limite puppis  
Arua petita premit, fractasque offendit arenas.

Quid moror Aesonidae duras incumbere leges  
Oetae imperio? quid femina iacta? quid hostes  
Terrigenas, Martisque boves, saevique draconis  
Excubias? ignis virtuti cedit & ensis.  
Eripiturque emptum summo discrimine vellus.  
Neptunū sensisse putes fugientibus aequor  
Altius intumuit, fractaque in litore fluctus

Intonuère simul. Procul ô procul ite prophani,  
 Non libet in sanctum cum præda tendere pontum  
 Has notus aut passus causas instare timoris,  
 Præripuit voces, nec iter concessit in aures.

Navigat auricomo spoliatis vellere Colchis  
 Prædo potens, culpæ mercedem quæ prima per undas  
 Ad facinus molita vias, atq; Atropon auxit?  
 An causa potiore probem? sine remigis usu  
 Non nosset Memphis Romam, non Indus Hiberum,  
 Non Scythæ Cecropiden, non nostra Britannia Gallæ.  
 Primus ab excubiis montes Proreta pelægos.  
 Anticipat salvere iubens: at cætæra pubes  
 Remorum assurgit studio, victrixq; carina  
 Thessalicis reddit quos in freta duxerat arvis,  
 Quis varios memoret plausus, quis gaudia vulgi?  
 Si parcus meminisse velim, vel nolle fateri,  
 Vel feriem non nosse putent si prodigus, auris,  
 Fastidita neget, facies ad singula nutus.  
 Pelea miratur reducem Larissæ, Pylonq;  
 Nestor habet, Telamone suo Salamina superbie  
 Leda Cerauneis & fratribus Orithyia  
 Hysmariis, laudatq; suum Calydonia Mater  
 Oeniden, nondum tantum soror, Orpheatracæ,  
 Archades Admetum, Thalaumq; & Thelea & Idam,  
 Anthaumq; urbes varix, sua mania quengq;  
 At Peloponnesum cura præda divite Jason

*Reditus Jasonis cum aureo vellere.*

Occu-



Occupat, insigni lascivit regia cultu,  
Victoriq; suo gratas plebs obvia voces  
Elicit, & vero dispensant gaudia vultu.  
Soluta inexplicita Pelias sub fronte serena  
Invidia ægrefcit sese causatur, in omnes  
Vota Deos consumpta gemit, Martemq; laceffit  
Qui gratis domitos tulerit deservere tauros.  
Eluctata diu rapidis impulsibus ira  
In verbum singultat atrox, quæstusq; superbos.

O superi quòd thura meant, ò fata, quis error  
Imperat? ò hominum casus, paucosne reservat  
Ut multos fortuna premat? jam sentio, traxi  
Invito mea regna deo, cape maxime tandem  
Quorum fastidit usus regnare negantem,  
Quæ longo emisti voto tumeasq; relictis,  
Non raptis, tenui certè non sponte deorum.  
Hisq; velim regnis emptum vicisse tonantem.  
Me mage (si qua fides) votorum offensa laceffit.  
Quàm sceptri jactura mei volui ne sub Arcton  
Proscripsisse virum? regnat fregisse? superbic.  
Extinxisse? viget, titulos minuisse? triumphat.  
Ergo neos dico ingratos, da thura tonanti:  
Quum dederis, sperata neget, donisq; retentis  
Rideat elusum melius fortuna pianda est,  
Quæ pacem, quæ fulmen habet. quæ prima tyrannis  
Imperium partita tribus concessit, abegit.

*Querela Pelie de reditu Jasonis.*

Mu-

Mutato ludit cælo, rursusq; jubebit.  
 Quos fecit reges mecum migrare sub umbras,  
 Et Jove proscripto Saturni leniat iras.  
 Sic fatur, diroq; animam depascitur æstu.  
 Has tamen has cordis rugas, hæc prælia mentis  
 Frontis oliva domat, facietq; dolosa sophistam  
 Mendicat vultum, & blandos peregrinat in usus.  
 Gaudia prima ducum, solenni menia tumultu  
 Excipit. At cæli prædo terræq; marisq;  
 Ambitus, acceptas venatur regibus elcas.  
 Juno lyram volucrum langvescere sentit, alumnos  
 Aequoris emungi Thetys dolet: aspera Phæbe  
 Indignata sui numerum rarefcere civis,  
 Excubat, ultoremq; humeris accommodat arcum,  
 Venantes venata viros, prædamq; petentes.  
 In prædam petit, & lucos vigilantibus ambit.  
 Ergo thoros conviva premit, donumq; dearum  
 Interpres blandus hilarat Deus, humida siccis  
 Mire concilians, comptos discreta clientes  
 Cura agit: hi cererem cumulant hi fercula mutant,  
 Illi hilares iterant calices, at rege superbo  
 Emeritum libante merum mensalibus hærent,  
 Summissiq; haustum Bacchi regalis adorant,  
 Has mensæ genialis opes, hæc otia curæ  
 Dapsilis, hoc grati certatum dulce laboris.  
 Incolumi virtus delibat sobria gustu,

*Convivium.*

Non



Non ignava gravi peperere oblivia menti.  
Delicia, non in somnos elanguit ira  
Amphitrioniadoe. Troiam his terq; resumens  
Se vultu referat, animumq; his asperat ægrum.  
Ergo Jovem meritis cunali Marte parentem  
Cælestes docui mecum vagire dracones,  
Præveniq; minas? pudet heu vir, victor, adultus  
Barbaricis cessi, non viso milite, terris,  
Ergo minis frangendus eram? proh fata pudenda,  
Proh crimen superumq; fato immanior omni  
Nescio quis facinoræ meritum scidit: arma tenebam  
Nec deerant hostes, i nunc, & prisca revolvens  
Privignum mirare tuum, Jovis inclyta conjunx.  
Vicisti, fateor, fugi, victoria summa  
Alciden fugisse fuit, rursus ne severum.  
Dignere artificem nostris Eurysteâ panis?  
Si Lernam edomui, si Cerberus ore trifauci.  
In scopulos Dodona tuos aconita refudit:  
Si grav's Anthæus, gratam suspensus arenam  
Dedidicit mirante Rhea: si cœtera mundi  
Monstra triumphali potui consumere dextra,  
In Phrygios dicam ne viros? humanaq; bella  
Depotuisse pudet, sed cur clarè acta revolve?  
Degeneri gravius succedit gloria facto.  
Quin potius feris gladius quid conferat ausis  
Monstrorum domitor reminiscere, Pergama pænas  
Pendant, & meritis perjuros perde ruinis  
Sic Phæbo liquideq; Jovi ductore triumphum,  
Sic

Sic tibi. sic Danaïs, docileſq; inſtare Pelasgos,  
 Non fugiſſe ſciant, qui quum potuère minari,  
 Et potuère pati. Tacitis ſic queſtibus iram  
 Exacuens, ſummos animum profudit in auſus.  
 Haud ſecùs exilium gratæ dequeſtus arenæ  
 Armenti princeps lunatum robur in orſos  
 Aſperat abiectas, & ſe præmenſus in hoſtem  
 Otia dura gerit, & prælia pulchra figurat,  
 Fronte furens, pullasq; pudet non fringere ſylvas  
 Inde thoro meliore redit, veteremq; repulſam  
 Excufans, victor regnat, lauroq; ſuperbit.

Vix primos belli motus libraverat heros,  
 Et jam fama loquax rapiens ex ore potentum  
 Quod ſerat in vulgus, pavidas quod ſpargat in urbes  
 Prælia mota canit, illam ne nocentis àverni  
 Progeniem, cœli nerear? quæ murmura rerum  
 Occulta extenebrat, redditq; latentia luci.  
 Immo quis è ſupera contendat pace creatam  
 Turbatricem hominum? quæ ſancta ſilentia regum  
 In mundi perfert aures, & plebis in ora  
 Diſſipat, arcanum curæ furata ſilentis.  
 Haud mora non juſſi lituis, non ære vocati  
 Conſpirant ad bella viri, ſed & arma tumultu  
 Plebs rapit, & vibrans quos non bene noverat enſes  
 Ingenuè irasci diſcit, multumq; minatur,  
 Sed factura parum, terit hic in frena jugales,

*Apparatus Herculis ad bellum.*

Non

Non longum mansurus eques, rapta ille superbit  
Casside, & jam acies captas decrescere visus.  
Hi furas riguisse stupent, hi pondere victi  
In clypeos nutant, pars barbara regna lacescit  
Litigiis audax & citra praelia fortis,  
Obiecto secura freto gemit anxia matrum  
Turba: nec in faustis solatia mœsta querelis  
Ire negant lachrymæ, lachrymis certatur, & omnem  
Excellisse putat flendi parcissima luctum  
Hæc inter medios enses timet, illa Charybdim  
Incurrit, pietas nunquam secura quiescit.  
Mens ô prona virum, non hæc suspiria virtus  
Infracta admittit, non dant cum lexibus artus.  
Oscula non iterant, ne vel sic bella morentur  
Vix memores dixisse vale, mulcerur alumnus  
Fatorum Alcides, & spe meliore superbit  
Assidet inceptis, fremitu navalia feruent  
Ægeosq; sinus ter quino remige frangit  
Lecta cohors, totidemq; movet per cœrula pinus  
At Notus incumbens humeris, puppiq; sequaci  
Ducit in offensam Simountis in ostia classem.

Puppibus emigrat primus Thelamone secunda  
Larissæ pollentis honos, cui cœrula nupsit  
Nereis amplexus non aspernata minores  
Mortalemq; thronum, quo principe gloria spirat  
Myrmidonum, quem tota suis obnoxia fatis,

*Bellum Herculis & Troianorum.*

De.



Dorica castra tonant Danaïs hic debet Achillem  
 Ajacem Thelamon, æquale in Pergama fulmen.  
 Dividit ergo acies æqui libraminis instar  
 Alcides, pars in Phrygios armata penates  
 Jam dictos sortita duces, pars cura relicta  
 Classis disponit cum Nestore, prorsq; lequuta  
 Amphitriniaden, sociis partitur utrisq;  
 Excubias hinc inde suas, spe agmine trino  
 Consulitur bello, patriumq; armaverat orbem  
 Principis eductum Phrygii, ruit omnis in arma  
 Barbaries, flammisq; rates consumere fesus,  
 Et Danaos sparsurus aquis, ad littora Martem  
 Dux migrare jubet, paretur, & ocyus omnes  
 Fluctibus insiliunt solitæ nil tale timere  
 Nereides visa arma stupent, horrentq; tumultum  
 Hi telis instant, alii face: pectora telum,  
 Fax puppes injecta petit, cunabula Mavors  
 Cypridis infestat armis, & lemnus ignes.  
 Tunc primum bellis rubuit mare, sanguinis illos  
 Murex hausit opes, quas nondum oblitus in antros  
 Præsentes meminit, regumq; expendit in usum.  
 Scyllæos nova præda canes ad funera mæsti  
 Gurgitis invitat coeunt latrantibus undis  
 Monstra sinus Siculi, dehinc hausto necdare dirc  
 In freta sparguntur similem venantia potum.  
 At fremitu accepto Nereus excussus ab antris,  
 Mutatis horrescit aquis, fontiq; relapsus

Nac

Naico  
 Que  
 In  
 Dii  
 Evolu  
 Excu  
 Ferre  
 Spum  
 Excit  
 Si ne  
 Elicit  
 Exer  
 Pron  
 Ar  
 Iliac  
 Pro ju  
 Ambi  
 Et no  
 Bella  
 Primu  
 Torqu  
 Hæc  
 Pulsan  
 Portu  
 Ceu be  
 Ira mi  
 Jussa  
 Bella g

Nascentem explorat. lunam, visloq; meatu  
 Quem genitrix natura dedit, securior exit.

Immo agitè, immisso bellum consumite ponto,  
 Dii si qui undarum: raptæq; Achlante repulso  
 Evoluantur aquæ, fatis injuria prima  
 Excusanda fuit, an & hos impunè furores  
 Ferre juvat? misero completus sanguine pontus  
 Spumat, & incensum fumât mare, Scylla Charybdim  
 Excitat, & nostris pingvescunt monstra ruinis.  
 Si neutros superesse ratum, si judice pœna  
 Elicitis pœnas, Phrygios perjuria mergent,  
 Exemplum sceleris Danaos quæ jam mora segnes  
 Pronius in facinus tardis ultoribus itur.

Ardua jam trepidis murorum septa catervis  
 Iliacæ traxère manus, stat Dardana pubes  
 Pro jugulis armata suis: nec enim invida regni  
 Ambitio ludit pugnas, sed & ira, minæq;  
 Et non extorti per vulnera cruda furores  
 Bella cient, hinc inde odiis flammata superbis.  
 Primus in adversos vibrata cuspide muros  
 Torquet equum Peleus, fractaq; accenditur hasta.  
 Hæc (ait) hospitibus aditus, & inhospita tecta  
 Pulsanti referenda manu, nos urbe fruamur,  
 Portu alii: dixit, cunctisq; instare Pelasgi  
 Ceu belli tunc causa recens, nec tempore longo  
 Ira minor, minus accendant in prælia mentes  
 Jussa, tubæ, promissa, preces: asperrima cernas  
 Bella geri: non præcipites telluris hiatus,

B

Non

Non undas timuere viri: sibi quisq; videri  
 Dux aliis, milesq; sibi, pars cratibus instat  
 Continuas molita vias, vallemq; profundam  
 Molibus injeclis vincunt: pars aspera clivi  
 Impatiens hæsisse subit: jam copia muri,  
 Jam silices laxare licet, sed desuper urgent.  
 Dardanidæ, incussasq; trabes, & saxea voluunt  
 Fragmina pars jaculis audax, pars aspera flammis  
 Flagrantes immergit aquas, septum arbore Dymus  
 Affectabat iter, fixoq; in mœnia vultu  
 Hæserat, hunc latices decaluvare profusi,  
 Flumineiq; imbres, nudum spoliatur utroq;  
 Crine caput penetratq; fluens in viscera vulnus.  
 At testudineo Telamon defensus amictu  
 Occultum furatur iter, silicunq; tenorem.  
 Ære domat, jamq; in præceps pendente ruina  
 Cedit, & effracta tandem prior urbe petitur.

Interea flammæ populari vela parantem  
 Percellit vox dira ducem. Cui strenue ductor  
 Dardanidum, cui bella geris? civisne perosus  
 Monstripari pacem pelagi sancire laboras?  
 An pavidis profugisq; instas; & ne qua superstes  
 Sit fuga, consumis classes? propioribus ausis  
 Intendere manus hostes, huc flumina flecte,  
 Atq; urbem miserere tuam, vix credulus hæret  
 Lamedon, cernitq; tamen jam pergama rumpi,  
 Stare bestes, nutare Phryges: rapit ocyus agmen  
 Attonitum belliq; rudis non colligit alas,

Sed

Sed  
 Exc  
 Qui  
 Exil  
 Sæve  
 Sum  
 Sic  
 Tho  
 Dissi  
 Elic  
 Fit f  
 Civil  
 Innu  
 Calli  
 Pa  
 Labe  
 Qui  
 Citra  
 Urbs  
 Ut m  
 Esse P  
 Castr  
 At pe  
 Hanc  
 Amph  
 Hæsi



Sed sparsis properat signis, quem præpete gaudens  
 Excipit occurſu Tirinthius: hiſq; ait, olim  
 Quum premerent portus optataq; littora feſſi,  
 Exilem telluris opem tenuemq; negaſti  
 Sæve moram, ſprætâ pacis dum fronde Minervâ.  
 Sume vices, rediit hoſtis, qui venerat hoſpes.  
 Sic fatur, ſtriſtoq; dūcem tranſverberat enſe:  
 Thoraciſq; moras, clypeiſq; umbramina raptim  
 Diſſipat, atq; animam tot deſenſoribus uſam  
 Elicit, & Stygios jubet irrupiſſe penates.  
 Fit fuga Dardanidum maſtato principe, at hoſtis  
 Civiles prædatur opeſ, pars cædibꝯ irâſ  
 Innumeriſ explere ſiſit, vox regia tandem  
 Caſtigat rapidos Danao graſſante tumultuſ.

Parcite victores Danaï, compereſcite dextraſ,  
 Labe pari peccat, pariter crudeliſ uterq;  
 Qui cunctiſ, & nulli, nobiliſ iræ eſt  
 Citra iram punire reoſ, jam copia regni,  
 Urbs cecidit, ceſſit hoſtiſ, cæſoſq; tyranno  
 Ut miſeriſ facileſ Grajorum exempla ſecuti  
 Eſſe Phrygeſ diſcant, damꝯ ultrô rura colonô,  
 Caſtra viriſ, pontum nautiſ, & civibuſ urbem,  
 At pereat dira ſi quîſ de ſtirpe ſuperſteſ,  
 Hanc quoniam delere juvat. Sic fatur & ecce  
 Amphituſ, Hyſiphiluſ, Volcontuſ, & inclyta vultu  
 Heſione, ſæviſ vincti poſt terga cateniſ,

*Inomedontiſ cædeſ.*

Bz

Tra-

Traduntur ducibus, hi dira in funera rapti,  
 Hæc Telamon tibi præda datur, quod Pergama vider  
 Quod prior effractis facilem das hostibus urbem.  
 Illic et Argolici præda Hefioneq; potiti  
 Incumbunt pelago, laurumq; insigne triumph  
 Puppibus exponunt, penetrantq; ad sidera plausu.

His aberat Priamus, aliam servatus in iram  
 Fatorum, casusq; alios: cui Marre secundo  
 Eoos populata Phryges victoria lata  
 Faverat, & reducit comites plausere triumph  
 Dura hominū Lachesis, fors perfida, luditur anceps  
 Imperium, Priamus natales ampliat agros,  
 Troia ruix: sceptraq; novus dum quæritur orbis,  
 Sceptri natat honos, frustos in regna meatus  
 Fata dabunt reduci: sed dira, sed aspera donis  
 Invidit fortuna suis, quæ quum ardua donet,  
 Gustatos gravior favos ulciscitur ira,  
 Jamq; urbis trepido conspectum pectore ductor  
 Houlerat, occurrit luctus, vitiumq; salutat  
 E muris manuum plausus, lachrymabilis, horror  
 Aggreditur, turbatq; ducem, totamq; perterat  
 Infelix planctus aciem, stant undiq; cives.  
 Solanturq; suam Priamo spirante ruinam.  
 Ille autem licet interno complura dolore  
 Corda gemant, vultu lachrymas castigat adultas,  
 Ut saltem speret ducis ad solatia vulgus.  
 Nam summe miser est, cui nec sperare relictum est.  
 Nec mora, diffusam spatiis majoribus urbem  
 Inte-

Integrat, ac potior constructio barbara Græcam  
 Excludit Nemesim, medicati vulnera muri  
 Respirant meliore manu, contemptaq; moles  
 In favu n potuisse aditum: & quâ taxa recedunt,  
 Continuat valvæ duplices, hæc cardine laxo  
 Aternos pandit aditus, hæc robur acernum  
 Pectine ferrato tacitos suspendit in usus.  
 Jamq; arces cecidisse juvat, jam machina major  
 Et lucro jactura fuit, muralia primas  
 Propulsura manus, pinnarum culmine denso  
 Conspicuos tollunt apices, nec moenia munit  
 Rarior excubias turris factura secundas.  
 Celsior in superas contendens vertice nubes  
 Illos, æquaret gemini discrimina mundi,  
 Si spatio contenta suo, minus improba cælo  
 Parceret, atq; alium jam non præsumeret orbem.  
 Si Phlegram conferre velis, si virginis arces  
 Assynæ, feret hæc potius discrimina lingvæ.  
 Tela Jovis, nulli spaciosior æthere tractus  
 Contigit, aut tantum patiens indulgit Olympus,  
 Penè parces totam turres sparguntur in urbem  
 Cyclopu n fuisse studium, civisq; superbus  
 Celsa petens, fastidit humum: surgentia passim  
 Exhalant piceas incensa pyralia flammæ.  
 Igenti Ucalegon consumens aera tecto  
 Arduus alta petit, Athenor moenibus æquis

*Troia. descriptio.*

B3

Cer-



Certat: at inconstans, nec major, nec minor, agris  
 Anchises parcit pedibus, gressuq; perosus

E speculis videt orbis opes, plaususq; viarum.

Haud procul incumbens urbi mediantibus aruis

Idæus confurgit apex, vetus incola montis

Sylvæ viret, vernat abies procera, cupressus

Flebilis, interpretes laurus, vaga pinus, oliva

Concilians, cornus venatrix, fraxinus audax,

Stat comitis patiens ulmus, nunquamq; senescens

Cantatrix buxus: paulò proclivius arvum

Ebria vitis habet, & dedignata latere

Canoclam poscit Phæbum, vicinus aristas,

Pregnantes fecundat ager, nec plura Phalernus

Vina bibit, non tot pascit Campania messes.

Proxima rura rigant, alio peregrinat ab orbe.

Vilurus Troiam Simois, longoq; meatu

Emeruisse velit, ut per tot regna, tot urbes.

Exeat æquoreas tandem Troianus in undas,

Dumq; indefesso miratur Pergama visu

Lapsurum suspendit iter, fluviumq; moratur

Tardior, & totam complecti destinat urbem.

Suspensis infensus aquis violentior instat.

Nereus, atq; amnem cogens procul ire minorem

Proximus accedit urbi, contendere credas,

Quis propior: sic alternis concurritur undis,

Sic crebras iterant voces, sic iurgia miscent.

Undiq; fiderei majestas conflua mundi

Iliacum dignata solum, juga, moenia, pontum

Vestit.

Vestit, & astringero dat respiramina collo.  
Idæos Cybele colles colit. ipsa superbis  
Regnatura jugis, reliquos tibi Delia saltus  
Donat & Idæis pensat venatibus orbem,  
Pampineum te Baccha nemus, te spicea cingit  
Sylva Ceres Neptunus aquas, navalia Phæbus,  
Arces Pallas habet, & habetur Pallade fatum.

Est sacer urbe locus media, modicumq; laborat  
In cumulum Pygmæus apex, quem surgere plenè,  
Quem planè residere neges, hic celsa superbi  
Fulgurat ara Jovis, non sceptro & fulmine nudi,  
Non qualem Tyrius, non qualem prædicat Indus.

DARETIS PHRYGII LIBRI PRIMI

E I N I S.

HYPOTHESIS LIBRI SECUNDI.

Mittitur à Priamo legatio sancta secundo  
Ad proceres Danaûm; repetant qui pace sororem  
Hesionam, magna vi nuper ab Hercule raptam.  
Judicium Paridis sequitur, quo iudice disces,  
An venus, an Juno, vicine decore Minerva.

## DARETIS PHRYGII

*De Excidio Troiano*

## LIBER SECUNDUS.

**J**Am floret Priamus populoſo pignore felix;  
 Felix conjugio, felix natalibus armis,  
 Si ſuperi, ſi ſata ſinant, ſi ſtare beatis  
 Permiſſum videt Aleſto quas fregerat arces  
 Fortuna meliore frui: videt, ardet, & hydriſ.  
 Irascens circumq; genas & tempora crebris,  
 Me ne, inquit, reginam Herebi, mundi; potentem,  
 Atq; utinam cæli, regnum mortale laceſſet  
 Æternum? pudet heu, laſcivit terra ſuperſtes  
 Poſt Danaos quibus uſa fui, noſtris ne triumphis  
 Contendit, vinci; negat, ruat ocyus ergo  
 A cunis conceſſa mihi. Sic quæſta, quietem  
 Invidet exiguam Priamo raptumq; ſororiſ,  
 Servilem; colum, & lachrymas obſectat inultas.

O hominum ſuperumq; Pater, ſi numina curas,  
 Cur hominem plectiſ? miſeræ ne quodd incolæ terræ  
 Deſpicitur? certè lachrymiſ noſtiq; dediſti  
 Proſcriptas à luce animas, Pater optime tandem  
 Flectere, redde polo reduces, vel funera ſaltem  
 Exiliū tutare tui Cur impia ſevit  
 Aleſto in miſeros? cur Pergama dia fatigat  
 Tot ſuperiſ conſiſa ſuiſ? tolle inclyta, tolle  
 Virgo moras, nec paſſa premi quas incoliſ arces

Gor-



Gorgone prætenta, Stygias perstringe Medusas,  
En aras, en thura sibi communia poscunt  
Nutrices scelerum Furia: noctisq; tyrannos  
Exorare jubent, cœlum inter mœnia clausum,  
Concives habuisse neos, hem, inquit inultum  
Tisiphone: regiq; suo cultore negato  
Quam dedit invidiam Phrygius luet. Ecce profundis  
Curarum furiis, vigiliq; impulsa dolore  
Mens Priamum in diversa trahit, nec Marte reposcit  
Hætionem, nunc bella timet? sententia tandem  
Fertior, inniti precibus, tentare Pelasgos  
Blanditiis, voce hac legatum Anthenora demum  
Instruit, & parva claudit mandata libello.

Hactenus invicti gens imperiosa Pelasgi,  
Libertas Asiæ nullis concussa vigebat  
Casibus, invidit solitum fortuna favorem,  
Et rerum decrevit apex verum Hercule vinci  
Turpe minus, tantoq; leves authore ruina.  
Nunc quia conciliat humiles favor, exuo regem,  
In miseras descendo preces, sic India Bacchum,  
Sic Cyrum Cræsus, Thamirim sic Cyre rogabas.  
At si Parca prior quâ cœperat ire mearet,  
Ipse orandus eram, geminumq; impensus in usum  
Aut pacem regerem iudex, aut prælia princeps.  
Proh superi, quæ dira orbem deludit Erynnis?  
Exieram miles, tractabam prælia ductor,

*Priami epistola ad Græcos.*

Victor

Victor eram: sed quid Eoo blanda triumpho,  
 Si mœstos læto reditus fortuna parabas?  
 Hæccine post tantos mihi debita pompa labores?  
 Sic me tibi Troia dari, quæ læta parabas.  
 Quum rediit? læva illa dies semperq; gemenda,  
 Quâ reduci primùm patriæ mœstissima clades:  
 Visa audita simul, melius quem fecimus hostis,  
 Aut cui factus eram, vitam hanc tot tristia passam.  
 Rupisset gladio, sceptro ne & culmine regni.  
 Dulce frui? sic sic fratrum patrisq; perempti,  
 Sic raptæ memor Hesiões? miserelcîte magni  
 Mirmidonum proceres cæsum lugere parentem  
 Exhaustam vidisse domum lapsosq; penates,  
 Sic satis Hesionem lacrymis solatia tantis:  
 Reddite, parva quidem posco, sed muneris instar  
 Majoris, vitæ pariter, pariterq; salutis.  
 Exanimem dabitis. Sic postquam questus, & ipsi,  
 Et cui charta datur, tepidus fuit humor in ora.  
 Anthenor-zephyris blandum splendentibus æquor.  
 Haurit iter: rapiensq; ducis mandata per undas  
 Magnesi fines, Sparten prætervolat altam,  
 Fatididemq; Pylon, paucis ubi tracta diebus.  
 Oria dequestus cedit: non Pelea magnum,  
 Tyndaridæ geminos, Pyliam flexere senectam  
 Verba ducis, læti tandem Telamonis ad urbem  
 Flecit iter. Lachesisq; fugam vestigat in omnes.

*Hesiões & Telamonis nuptiæ.*

Re-

Regia  
 Purpu  
 Solen  
 Juno  
 Conce  
 Ventri  
 Et me  
 Fœcun  
 Et viro  
 Indulg  
 Heus  
 Invitar  
 Certat  
 Plebej  
 Regali  
 Rara  
 Lingv  
 Coeter  
 Pars sy  
 Nativ  
 Arteria  
 Ad vo  
 Musa  
 Non ca  
 Aetaru  
 Cum se  
 At mo  
 Præviu

Regia celsa niter, complutaq; murice multo  
Purpura Sydonios dispergit in atria luxus,  
Solemne confessi diem, quâ jungit herilem  
Juno thorum, læto cuncti connubia plausu  
Concelebrant, populoq; suo certamina prima  
Ventripotens ponit genias, cœnare decorum,  
Et mensas variare juvat: nec pocula desunt  
Fœcundam factura sicim, repetisse voluptas,  
Et vires conferre libet, civiliter ipsi  
Indulgent proceres, cyathis, bibuliq; clientes  
Heus Hymenææ sonant, & in aurea pocula fusi;  
Invitant sese pateris plebs mixta Britannis  
Certatura siti longiq; potentior haustus  
Plebejos gaudent calices & sobria vina  
Regali mutasse mero, redimitq; voluptas  
Rara moras, nec cessat hians, dum pectore victo  
Lingva fluat, crescant lychni, vestigia nutent,  
Cœtera multiplici lascivit curia plausu,  
Pars syrtis, pars grata lyris, pars ore canoro  
Nativas ostentat opes, contentaq; nervis  
Arteriæ non artis opem, non carmina nervi  
Ad vocis mendicat opus; se quælibet ornat  
Musa libens, quæ vocæ placet, quæ dote superbit.  
Non tamen indulgent studiis communibus omnes.  
Ætatum parium similis concordia: narrat  
Cum sene canities, ludit cum pube juvenus,  
At moduli alternat libamina prima choraules  
Præviis, & dociles hoc explicat ore choreas:

Plau-



Plaudite concives, Salaminæ ditis alumni  
 Plaudite: victori nubit Priameia nostro  
 Hefione, clamant unâ feliciter omnes:  
 Congeminantq; iterum feliciter. Ille canoros  
 Concilians in plectra modos, his exit in aures:

Quid gentis Danaæ proavos, quid prisca stupem?  
 Prælia? miremur potius quem protulit ætas.  
 Qua fruimur, rerum Patrem, mundq; patronum.  
 Amphitrioniam, axis quem laudat uterq;:  
 Cujus opem sævos debellatura Gigantes  
 Astra petunt, geminoq; armari fulmine poscunt.  
 Hunc non Juno ferox, non accusator iniquus  
 Non labor exhaustit, redolent cunabula primum.  
 Vix ortæ virtutis opus. Nemeæus adætos  
 Expavit terror humeros. Erymanthus abactus  
 Respiravit apro, victricis victima clavæ  
 Absolvit Creten taurus, dux flebat Hiberus.  
 Damantis quas Cacus opes absconderat antris.  
 Non angues Lernæ reduces, non Cerberus ingens,  
 Non Lapithæ domuêre virum, vigilata draconi  
 Poma tulit, pestem Lybicam libravit in auras.  
 Edocuitq; hostem nocituris artibus astra,  
 Qui quondam geometer erat, Achelous in armis  
 Nessus in effugio nimis effugisse queruntur.  
 Othrisios mactavit equos, revocavit ab armis  
 Hyppoliten, domuitq; fero Stymphalidas arcu.

*Herculis laus.*

Nec

Nec solum tibi se tellus, sed sidera debent.  
Vektor eras, & vektor eris, da maximè felix  
Auspicio, latum tribuas nubentibus omen,  
Et profic cecinisse tibi, si jusseris, ibunt  
Monstra procul, ridebit Hymen, vinoq; favebit,  
Jam tu sic Hebe pariat Saturnia cælo,  
Et nostro nova nupta duci. Plaudentia rursus  
Tecta sonant, festoq; favet plebs læta tumultu,  
Sola tamen tristi turbat convivium luctu  
Helione, spernit plausus, oditq; faventes,  
Nil titulis permoti suus, non dote superba,  
Non cultus mirata novos, sibi capta videri,  
Mœsta queri, & quotiens sibi plaudit regia, nomen  
Reginæ captiva pavet, nec libera fidit,  
Sed jussa inestramos timidè ventura coactos.  
Cumq; alii modulentur aves, quæ conjuga fata  
Exhilarat meliore lyra, sibi credula fingit  
Nocti vagas ulalasse striges, bubone sinistro  
Tecta premi, Stygiq; latus Acheronte sorores  
Funebras gessisse faces, heu cæca futuri,  
Quàm lævum Patris paritura nepotibus hostem.  
Quin etiam oblatos calices, oblata recusat  
Cymbia: nunc tacito perfundit pocula luctu,  
Et lachrymas bibit ipsa suas, segniq; morantes  
Crescentesq; cibos gustu jejuna fatigat.

Tristior interea Phrygius delabitur hospes  
In portus Salamina tuos, ramoq; verendus  
Palladio, cellas subit arces, cœtera nosse

Curia cunctatur, concivem sola Phrygemq;  
 Agnoscit nova nupta virum, pudibundaq; vultum  
 Flectit, & orantem miratur talibus illum:

Incluta sceptrigeri proles Jovis, & minus uno  
 In natum perducte gradu, reverende Pelasgis  
 Justitiâ, belloq; potens, tibi supplicat omnis  
 Cum duce Troia suo Telamon miserecrite cives,  
 Tuq; prior: non tot terraq; mariq; labores  
 Incassum fluxisse finas, post aspera multa  
 Huc tandem huc veni, cerno quam quærere jussus  
 Hesionem, cerno: non hæc commercia certe  
 Juno probat: victore suo captiva fructur,  
 Flens hilari, famulans domino, vel barbara Græco,  
 Redde magis, tot vestra nurus Europa superbas,  
 Tot celebres habet illa faces: melioribus ortam  
 Quære altam fatis: hæc edita fidere diro  
 In raptus damnata fuit, facilisq; vel omni  
 Præda venit, semperq; suis rapienda minatur.  
 Noverat Argolicas Alcides, noverat alter  
 Cum polluce error, novit cum Nestore Peleus,  
 Quum levis ascensu facili tibi præda daretur  
 Hesione, meq; haud fines truxisset in istos  
 Infelix Priamus, si quid de gente superstes  
 Cognatâ, patriæ pensaret damna ruinæ,  
 Hanc tibi, non superis, animam debere fatetur  
 Quam sibi servatam gaudet, non sibi, sed Telamoni

*Antenor's Oratio.*

Die

Die po  
 Oscula  
 Emeru  
 Direc  
 Pul  
 In par  
 Civibu  
 Jura se  
 Suspic  
 Dardan  
 Non si  
 Molitu  
 Qui su  
 Saucia  
 Ibo, ib  
 Terruc  
 Non ac  
 Indulg  
 Mira q  
 Dese  
 Process  
 Solvera  
 Certam  
 Indaga  
 Ocyus  
 Fraude  
 Fallunt



Dic potius subicit Telamon, invitaq; flentis  
Oscula prædatur, & in hos ait ire lacertos  
Emerui gladio. Sic interfatur & illud  
Dircaum memorat, Teneo longumq; tenebo.

Pulſq; abijt Phrygiæ relegēsq; quod hauſerat æquor  
In patrios delatus agros, iter explicat omne  
Civibus: Heſiones thalamos, & nulla Pelasgos  
Jura ſequi bellumq; hortatur. Ac æger iniqua  
Suspiciōne Paris, ne credite, ludimur (inquit)  
Dardanidæ, miror hilarem, ſibi commodus uni  
Non ſperata refert, non quod commune decorum,  
Molitus ſpeciale bonum, malè publica curat  
Qui ſua pluris habet: gelidoq; haud utitur enſe  
Saucia proximitas, mihi claſſem ac vela parate,  
Ibo, ibo, non me pavidus quas objicit Hector  
Terruerint Syrtēs, non arma adverſa vel hoſtes,  
Non aditus in regna graves: mihi numen ab alto  
Indulget, dicatq; vias, ſpemq; addit ituro,  
Mira quidem, ſed vera (duces advertite) pandam.

Deſertura virum flebat Pallantias ortum  
Proceſſiſſe diem, ſed jam maturior ætus  
Solverat argenteſ lachrymas, me dulce trahebat  
Certamen nemorum, populari luſtra, fugaces  
Indagare feras, faciliq; inſtare moloſſo.  
Ocyus exciti qui caſſe, vel ore, vel aure,  
Fraude, ſono, ſenſu, ludentes prælia caſſe  
Fallunt, ore ciēt, me nutu numinis error

De

Deuius in spatium seductius in nemus altum  
Egit, venariq; dedit secreta dearum.

Idæi regina sinus dignissima Phæbo

Laurus in offenso frondosum vertice crinem  
Explicat, & nemoris proscrip̃ta plebe minoris  
Sola viret, nulliq; suās communicat umbras.  
Cœtera Cyrrheam veneratur sylvā iuventam  
Celsum submittens apicem, longeq; reducta  
Majorem temerè poscentes àëra frondes  
Castigat, metuitq; sacris occurrere ramis  
Huc Deus aut casus, certè gravissim. us error,  
Pertulit ereptum fociis, hæc latus in umbra  
Mirabar laurum vivacis lege iuventæ  
Nil Jove mutato passam, mirabar & Eurum  
Murmure adulantem foliis, & frondibus auram  
Secretum spirare suum, quum languida sensim  
Fur oculi somnus invitans otia, blandum  
Pectoris elusit studium, curasq; fefellit.  
Sic caput herboso projectum cespite fultus,  
Delicias hausi superũm: nec frivola s̃vetus  
In plebem lusisse sopor, sed somnia regum  
Dignatus subiit, magni nox nupta tonantis.  
Et Venus, & Pallas, sese langventibus ultro  
Ingressere oculis, quarum quæ maxima, fando  
Vix bene maturam vita est soluisse quietem.

*Certamen dearum de præiudicio fortuna.*

Veni-

\* Venimus in saltus Phrygios ô Dardane, venit  
Magni nupta Jovis, venit Mavortia Pallas.  
Venit blanda Venus, grætare, en noster alumnus  
Quod dare Parca neget, timeat promittere votum,  
Sideræ libram formæ dedit ipsa tonantis  
Unica, quæ trini dispenso fœdera regni,  
Cui parent undæ Néptuni, tartara Ditis,  
Astra Jovis, non si laudor censore caduco,  
Indignor, non grata minus reditura tonanti  
Si nostro dubius hæsit mortalis in ore.  
Quod longum est mirantis erit, neu fortè putetur  
Mendax, quem debet famulatrix fama favorem,  
Quod rarum superis, nudos en aspice vultus:  
Talis in amplexus venio Jovis, ergo quis ausus  
Pallada Gorgoneam bellatricemq; Medusam  
His conferte genis? non sic pudor exulat omnis,  
Ut populi terror, vulgi fuga, bajula lethi.  
Quod terret, placuisse velit, vis dira doceri,  
Diva tamen dictura fui, non hic opus ense,  
Angues tolle tuos, armatos exue vultus,  
Da facilem visu faciem, frontem exere, cedat  
Castis. & inclusum sine respirare Cerasten:  
Detege quod galea horrendû, quod parma pudendû  
Oculis, atq; aude præconia vera mereri.  
Hicne nitor chalybis, hoc aurum hostile, decoris  
Extorquebit opem? nescis lævissima, nescis.

\* Oratio Junonis.

C

In

In chalybe horror inest, in casside fulgurat aurum  
 In capulo crudescit ebur, sic docta minaces  
 Delicias adfert, & vult placuisse Minerva.  
 Tunc Jovem mentita patrem? qua pellice nostra  
 In luctus audente suos? Sed matre carere  
 Creditur, ô superûm pudor, hæcne animosa superbis  
 Solius meminisse viri? diciq; virago  
 Emeruit? certè supercos invisa fatiget,  
 Mortales consumit. At est Mavortia, dicunt.  
 Ergo mares vorat. At Pallas, sit: sed quia pallet  
 Vel quia Pallanti jugulum scidit: hinc color, inde  
 Dextra nocens nomen alterno jure meretur.  
 Tuq; sed ô facinus, tu ne, inquam, prodiga sexus  
 Fœmina plus quàm jura sinant, & mollior æquo.  
 Tunc ergo Venus ausa venis in præmia formæ?  
 An nescis cui jura peris communia? sed quis  
 Credet? tot Juno similes habet, unica quondam  
 Et nullis æquanda fui, quum provida mundum  
 Digereret natura suum, sine conjuge conjux  
 Stabat & in florem cultu crescente severum  
 Stabat adhuc, cùm sic mater natura, quid hæres  
 Coeli hæres? quid poscis habes, hæc sanguine junctæ,  
 Junctior amplexu: soror est, conjunx erit, una  
 E numero selecta tibi, una, sed unica, cujus  
 Ne e similem memoret tellus, nec sidera norint.  
 Abiq; pari parit illa tibi, sic fata negantem  
 In fratris cupidi dedit oscula, conscius ille  
 Optati sceptrum tribuit commune sorori

Ergo



Ergo eat, & vultus nostros Erycina laceſſat.  
 Nuptum iſi ſelecta Jovi: ſed fallitur, iſſet  
 Diva Paphi potius: quoniam ortus naſta ſerenos  
 Concrevit ſpumante freto, cæſiſq; pudendis  
 Hæc patrem factura Jovem, tibi bellice Mavors  
 Et populo pareret: hac anceps ætheris hæres  
 Aurea degeneri violaret regna metallo.  
 Quiq; nec indicio Phœbi, nec vindice textu  
 Securam potuit noctemq; fidemq; mereri  
 Lemnius, ultum itet alieni probra pudoris  
 Lemnius, & proprios non ſuſpiraret amores.  
 Ut Phrygium ſileam, quis vulgatiffima neſcit  
 Furta deæ? ſed blanda, ſed alma, ſed aurea neſcit  
 Blanda dolos, alit alma malum, petit aurea donum.  
 Olim (nam memini) certandi ſola poteſtas  
 Cum Jove noſtra fuit, ubi tunc Venus? illa ne venit  
 Tertia? ubi Pallas? an quarta juſſa venire?  
 Tireſia certè ſteterat ſub iudice Juno.  
 Sed taceo, tu Phryx potior, cuidiſce mereri  
 Junonem, quæ ſceptra ferat, quæ commodet aurum  
 Tot mundus miratur opes, tot regna comete  
 Diſpenſant: quæ ſceptra velis, quas elige terras  
 Quidquid agas quacunq; fluat ſententia, noſti  
 Junonem placuiſſe Jovi. Juſtiſſime iudex  
 Cenſorem ne ſperne Jovem. Sic alta profundo,  
 Reginæ multum meminit, vultumq; ſuperbum  
 Vocibus ingeſſit, contempta fronte precantis.  
 Prodis in aſpectum Pallas, ſandiq; ſecundas

Nacta vices, propriæ fidens & conscia causæ  
 Irriguo lacrimas haurit de pectore voces. (tis  
 \* Magna parens Iuperū, nec enim nego magna tonā-  
 Nupta, nec invidet: meritū Phryx inclyte nostræ  
 Si quod erat, carpit, testor frata, testor olympum,  
 Testor humum, non armatus in prælia lingvæ  
 Credideram venisse deas: hac parte loquacem  
 Erubescere sexum, minus hic quàm scēmina possum.  
 Martem alium didici, victoria foeda, ubi victus  
 Plus laudis victore feret, nostrisq; triumphis  
 Hic haud notus honos sed quo regina decoro,  
 Effatu tendit? dea sit cede, immo dearum  
 Maxima: non dextræ sortiri sceptrā potentis,  
 Partirive Jovem certatim venimus: illa,  
 Illa habeat quæ se ostendat, nos gloria saltem  
 Quum titulis opus est, ornat minor, & quia cogor  
 In laudes ire, haud omni sine dote Minerva,  
 Si gena. si generis autor, si deniq; mores  
 Quærendi, in cunis regnat pudor, à Jove sanguis,  
 Censori facies oculo patet, hæccine forma,  
 Hoc genus, hic mentis cultus? si conjuga divo  
 Gaudia, nuptiarum dotes, & pignora jactant:  
 Virginitas me sola juvat, nil passa pudendum  
 Non lætura thoros, non deprehensura maritos.  
 Macie Paris, mea bella viri, mea pensa puellæ,  
 Et mea laurigeri meditantur carmina vates:

*Oratio Palladis.*

Sic

Sic po  
Sed qu

Moribu  
Ostenta  
Decit  
Viribu  
Accipe  
Qua  
Terrar  
Emersi  
Nacta  
Jam m  
Velux,  
Strenu  
Sobriu  
Non v  
Justiti  
Visura  
Posceba  
Copia,  
Cessave  
Contre  
Intonu  
Lux lu  
Divum  
Virtute  
Hac ill

Sic populus utriq; fruor, sic grata per omnes.  
Sed quid ego hæc? quid ad hæc subnectere plura  
laborem?

Moribus indignum, fateor, studiisq; pudicis,  
Ostentare suum: propriæ nam venditor artis  
Detitulat titulos, quos ingerit, at quia prælens  
Viribus & vitiis armatur causa, Minervam  
Accipe plus tacitè meritam, quàm voce loquutam.

Quum vetus efflueret in regnum mobile mundq,  
Terrarumq; notas ultrix detergeret unda,  
Emersit cum sole fides, mox cœtera dudum  
Nacta fugam virtus terris offensâ prophanis,  
Jam mundo meliore redit, prudentia nunquam  
Velox, indulgens pietas, patientia victrix,  
Strenua simplicitas, hilaris pudor, ardor agendî  
Sobrius, & nullo nutans constantia casu,  
Non vaga pax aderat, rerum concordia custos,  
Justitiæ rectiq; tenor, sine indice stabant  
Visuræ populos & Deucalionis sorores,  
Poscebantq; ducem: nec enim secura meandi  
Copia, nec prorsus furiis in tartara pulsis  
Cessavère metus, tandem genitura Minervam  
Contremuit frons celsa Jovis, totusq; rotatus  
Intonuit majore polus, nec gratior unquam  
Lux superis, hoc patre fluens, hoc edita partu  
Divum pandit iter, diras, & monstra relegat  
Virtutum custos, virtutum prævia Pallas.  
Hæc illa est quæ Juno notat, quæ Dardane cernis.

C; Mar.

Marte Minerva potens hæc cujus dextra minacem  
 Exhaust Phlegram, vidi, dicamne? sed omnes  
 Novimus. Enceladi consumpsit flamma cyclopes,  
 Centimanus pharetras centum. Niobeſq; ſagittas  
 Sprevit, anhelanti jam major Marte Typhœus  
 Cœlum poſcebat, ubi nunc Mævortia Juno  
 Juviffet numero ſaltem, propiorq; ſteriffet  
 Pro ſcep̄tris armata ſuis? jam penè ſupernos  
 Perſephone-thalamos. Ditem complexa tenebat:  
 Quum tandem exiliens trepidis Saturnia ſtratis,  
 Exclamat Pallas, Pallas. proh fata, moraris?  
 Pellimur, acceſſi, ſenſit valuiſſe Meduſam  
 Gorgoneamq; deam, ſenſit quod fulgurat aurum  
 Plus ſplendore potens, cùm cœlum, ſcep̄tra penates  
 Reddidimus trepidæ, ſit nunc ingrata, ſit hoſtis:  
 Noſtrum eſt quod regnat, noſtrū quodcū Jove ſc̄mo  
 Securo fruitur, at curam imbellis Olympi  
 Quum ſubij, tunc diva fui, tunc dicta virago.  
 Vos ſuperi teſtor, quantis ſudaverit auſis  
 Hoc caput, hoc pectus noſtrum (ac oſtendit utrūq;  
 Cœlum ſuſpiciens) pudor hic, hic Caſſidis horror  
 Et parmæ quam Juno notat. genuitne cerasſas;  
 Juppiter advertat cujus convitiis tractat  
 Diva memor, parcatq; ſuis, parit illa potentem  
 Vulcanum, periatq; velim, non quodd pede molli  
 M litat invideo, nec tunc quodd arte catenas.  
 Sic ſatur, Veneremq; obliquo ſigit ocello,  
 Atq; iterat. Res ô vatum digniſſima riſu,

En



En generat voces, evolvit nomina, nugas  
Pieridum, & nostras dignatur noscere frondes.  
Sed malè vel didicit, meminit vel millius æquo:  
Vera voce fuit à Polleo, Pallas, & alti  
Splendorem meriti vix gloria nominis æquat.  
Maeste Paris, quid enim numerandis improba verie  
Effluo, & in titulos suspiro prodiga? læsi  
Fortè Daos, exempla sequor, veniamq; coactus  
Error habet, nosti Junonem indigna locutam  
Sed taceo, prompsi (fateor doleoq;) superba,  
Vera tamen, sed molle decus formæq; triumphum  
Non hac mente peto, viles ut solvat in usus  
Vulgaresq; jocos, hac fronte, hoc oris honore  
Venatrix hominum vernet Venus & fuga morum,  
Diis utinam libranda forem. Nunc Cypris in omnes  
Bella q̄iet ritrix placet, mundumq; superbit  
Imperiis cecidisse suis, heu rara securis  
Aures, rarus amor morum, quippe ardua frangit  
Virus dulce, piæ syrtes, amentia supplex,  
Molle malum, morbus hilaris, sic vendicat orbem  
Exitium venale Venus, sic exit in omnes  
Teligerum complexa suum: exemplumq; datura,  
Vulcano Martiq; parit. moderatior olim  
Mortali contenta iugo non astra coegit  
In numerum laqueumq; suum, non fulmine blando  
Fulminis autorem fregit, non Cynthius ignes  
Majores miratus erat, non cura tridentis  
In medus feruebat aquis, sed nomine vero

Bacchus liber erat. pudet, Ægæonis alumna  
 Sera ultrix superos vexat, cœlumq; reposcit  
 Cum patrio projecta gelu, cumq; exule mentis  
 Erubeo ulteriora loqui me strenua certè  
 Omnipotensq; Venus tentabat flectere, cessit,  
 Sensi etenim, mecumq; utinam deprenderet orbis  
 Quàm fallax & blanda venit, nil hosteposito.  
 Sævius, omnifico vultu mentita favorem  
 Amplexum in luctus solvit, defoderat urbes,  
 Arces frangit, & in subitum rapit omnia Martem.  
 Quum ventum in cædes, cedit: quum prælia fervēt,  
 Frigescit, tunc arma juvant, tunc Pallas in usu,  
 Et venus in probris commercia turpia, molles  
 Exacuit, duros emaseulat, & rapit orbem  
 In prædam cui præda venit, sic mutuus error  
 Invenit alterni solatia digna pudoris.  
 Non cogo in certos numerosum Prothea vultu,  
 Non Venerem semper variam moresq; pererro  
 Implicitos, satis est aliquo si cognita casu  
 Non trahat incautum prorsus, sed voce monentis,  
 Exemplum cui mundus erit, quis dicat egere?  
 Maxime Priamidûm, nostra est si gloria quicquid  
 Mars audet, quod Clio docet, quod certat Arachne  
 Si tibi mixta manus & partitura Manervam.  
 Si tutoris egent arces, & in arce triumphat  
 Pallidum, formæ titulum si virgo meretur,  
 Anoue, & Iliacum Judex ne despice fatum.  
 Desierat, vultuq; animum vocemq; sequuto.

In gi-

In girum flectens aciem, sedet. Emicat axe  
 Idalio provecta Venus, tandemq; profatur  
 Mæsta parum, sed blanda oculis, & fronte serena.  
 \* Heu quibus exilium populis positura relinquo  
 Libera Saturni proles? cui grata vel æqua,  
 Si superis invisâ vagor si transfuga cœli  
 Fata sequor? vos, ô spirat quibus orbe secundo  
 Indefessa fides, qui non liverscere certum est,  
 Si pia, si facilis, si nulli dura Dione,  
 Pendite quis causam casus premat, unde tumultus.  
 Unde minæ? cum prima meos lux extulit ortus,  
 Fovi hominem, duos tenerè solata labores,  
 Et casus miserata graves: sic publica grati  
 Templâ mihi struxêre viri, sic thura merebar.  
 Hinc iræ, hinc odii causæ, miserescite saltem  
 Vos quibus exul agor, cœli rea deprecor orbem  
 Quem colui, vestram populi defendite civem,  
 Flos juvenum, spes nostra paris, non vexo locutas,  
 Non incuso deas: quis enim vel carpere possit,  
 Vel sacros æquare modos? at si qua fatendi  
 Libertas, veri, nosti puer inclyte, nosti  
 Quæ rerum series, steterit quo cardine causa,  
 Quam bene rem termo digesserit, indice vultu,  
 Eloquio frontis, oculo censore secanda.  
 Lis erat: unde igitur armata licentia fandi.  
 Infremuit, si dura minus reverensq; pudoris

\* *Oratio Veneris.*

Et

Et Jove progenita, & virgo Tritonia credi  
 Posset? At emeruit Musarum maxima dici,  
 Non nego fingit enim, nulliq; hac parte secunda  
 Falsigraphos commenta docet, docet auribus uti  
 Mollibus & cæcos per frivola ducere sensus.  
 Cumq; per ambages nugis pœmposa venustis  
 Philidas, Hyſiphilas. & prælia nostra retrahet,  
 Lucratur sacram venalis fabula laurum.  
 At si militiam fingendi facta facultas  
 Hanc habitura fuit, saltem discrimen habendum  
 In quam, quid, quare, nec enim si nata cerebro  
 Noſtri plena Jovis, gelidæ, nil improba fando  
 Virginis elidit titulum doctiſſima virgo.  
 Illa virûm titulos raptis mendicet ab armis,  
 Sit se contenta Venus: tumidè illa minetur.  
 Non humiles facilesq; pati: rorantia rabo  
 Signa ferat victrix, noſtri ſine cœde triumphî  
 An quia naturæ non obluctata, fatigor?  
 Anchiſæ ſi blanda fui, ſexumne reſelli?  
 Si peperî, cui facta nocens? meus aſtra Cupido.  
 Æneas Phrygiam veſter colit, hæccine culpa?  
 Hoc Venus exitium ſuperis molitur & orbi?  
 His homines, his dono deos, ergo innuba Pallas  
 Sic merita mores Veneris notet, illa ne grata,  
 Grata, viris, quos Marte vorat? placanda puellis,  
 Quarum faſtidit ſexum? diis digna ſerenis.  
 Quos reſidos timidofq; vocat? ſic exit in omnes,  
 Sic telis placitura ſuis, ſic omnibus æqua.

At



At virgo est: negat Aglauros, negat angvis opertus  
At taceo. At facie pollet: consulta reclamat  
Unda tumorq; genæ, gladiis ac strenua sumptis:  
Non proprium quod fingat habet, mentita potestas  
Lata brevi, probrosa diu: post pauca serena.  
Spuria perpetuo sordescit gloria luctu.  
Quondam certa fides, bella imperiosa deorum  
Non una confecta manu, laurusq; per omnes  
Dicta dari, at victrix Perseæ Gorgonis umbra  
Extorsit titulos, palmamq; in bellis Olympi.  
Sic de se meminit Pallas, sic credere oportet.  
Crede Paris, res digna fide, tradendaq; fastis.  
Plus Jove, plus Phæbo potuit, plus fœs nina Marte,  
Marte utinamq; meo: nec enim tibi Juno nepotes  
Invideo, si digna tamen: nec turpe Minervam  
Ut socium numerare genus, tot freta Dione  
Vindictibus potuit saltem, si fata tulissent,  
Serpentum non esse parens, miseriq; per urbem  
Exulis, explicito raperet vestigia giro.  
Hermione Martis, vidi, vidi ipsa nefandè  
Cæsum quem peperit populum. Sic fata madentē  
Inclinat vultum, rursusq; accensa profatur.

De face nil læsa queror, metuenda Deorum  
Invidia est, blando Semele conceperat astro,  
Plena Deo, paritura Deum, denuoq; tumebat  
Mensis, quum Juno vultum mentita severum  
Accedit, persvadet, abit: quid credula, simplex,  
Inscia, jurato premitur Jove! sic tua longis  
Cadine fides perfecta viis, sic annuus error

Emeruit, cum rapta soror, viduamq; parares.  
 Junonem sancire Jovi, te luctibus ecce  
 Munerat, inq; tuos flammis armatur alumnos.  
 Gaudeat, an quali deitas rugosa triumpho  
 Molitur titulos, tremulâ dum militat hastâ.  
 Altriciis mentita fidem: nam cœtera nullus  
 Confixisse labor, faciles ad tempora cani,  
 Ad faciem rugæ veniunt, fallenda senectus,  
 Non fingendâ fuit, ô si ad certamina forma  
 Illa potens Beroë staret socianda Dionæ,  
 Incuteret celebrem simulatrix simia risum.  
 Stulte quid Europem genero Jove quaris Agenor?  
 Illa rapi meruit, raptorem excusat egestas,  
 Et thalami potioris amor, sibi maxima debet.  
 Quod totiens vidua est conjunx Jovis: alite fausto.  
 Nupsisset stabiliq; thoro, si prima tulissent.  
 Fœdera plus formæ, lingvæ minus, improba, turpis.  
 Garrula, legitimi mores incestat amantis.  
 At soror est conjunxq; Jovis, bene cessit, in uno  
 Conjugis offensam redimit, soror ardua regnat:  
 At patris in solio, fruiturq; jugalibus astris,  
 Stirpis non thalami meritò, fuit aureus olim  
 Ille senex, quo nata feror, fuit unicus hæres:  
 Nec dum sortilegam mundus nutabat in urnam,  
 Cum pia Saturni proles, æquanda minervæ,  
 Vel saltem non exul erat, regnoq; tyrannis.  
 Concede te tribus triplicem processit in orbem  
 Communis regina Venus, quod cum Jove Juno,  
Cum

Cum Jove, cum Titone fuit, cum Dite Dione.  
Non aërea syderibus famulis contenta potestas,  
Tartara solatur, mulcet freta: vos pia ponti  
Turba Dei vestræ scelus excusate sororis,  
Si scelus hinc traxille genus, tuq; optima vindex  
Imperiola Thetys cœcum Junone fugata  
Polce tuum, raptatq; faces jam pellice pulsa,  
Jam non sollicito venies paritura tonanti.  
Fatis nulla fides, precium Saturnia formæ  
Perdet opes, perdet, non hunc emptura decorem  
Venisset, si pulchra domi, malè Dardane mores  
Consultuit dare prompta duos, non flectitur auro,  
Qui titulum paritat s habet. victricibus olim  
Armentis impensa fides, librantis habenæ  
Non vendit nutum, veteris non immemor æqui.  
Ilane blande Paris vultu victore fruetur,  
Cui gemit Hesiōne, sangvis cui fluxit avitus,  
Alcidæ quæ tela sui libravit in arces  
Bellica virgo tuas? ubi tunc quæ prælia jactas?  
Fatum ubi? plus actum est rapto Phryge, pocula natæ  
Eripuit, thalamumq; deæ, sic molliter ultus  
Aspera miscet adhuc superis dotatus Olympo  
Flos Asiæ, veneranda deûm regumq; propago.  
Non meus instabilis labor est, aut gloria verius  
Texere, non trepidas pensis urgere puellas.  
Non mecum Phæbus, mecum certavit Arachne:  
Hos Pallas tibi pacta pedes, hæc stamina nectat  
Plurima, dii (fateor) faciles & summa pacisci  
Et da-

Et dare: sed quid opes, quid regna, quid arma potēti  
 Adiiciunt? cujus sceptrum pars amplior orbis,  
 Cujus opes Phrygiæ, cujus gens Dardana vires,  
 At si solanda est thalami regalis egestas,  
 Si vires, si sceptrum nihil sine conjugis usu,  
 Munus habe Veneris, munus quo Sparta superbit,  
 Munus quod dicit Juno velit esse Minerva.  
 Quid moror? internam propius rimare Dionem.  
 Res agitur tractanda palam: jam pectora nuda  
 Pandimus, hac facie Phæbe duce metior astra,  
 Hoc vultu produco diem, formose merenti  
 Gratare & similem iudex ne despice vultum.  
 Sic effata, genas raptō depromit amictu,  
 Nuda humeros. exerta sinus, totoq; diescit  
 Ore, pudet divas Veneri cēssisse triumphum.  
 Contulite ultores Phrygii, Venus excitat agros.  
 Hac constant mihi visa fide: vel somnia certē  
 Pondus habent, hic fata sequor, parete Diona:  
 Quæ civi lachrymas, rīlus quæ terminet hosti.

LIBRI SECUNDI FINIS.

PERIOCHA LIBRI TERTII.

Tertius extremum Troiæ divinat & inde  
 Ad raptus Helenæ Paridem transmittit ad Argos,  
 Qui prius Hesionem captivam reddere nollent.  
 Agmina Græcorum conspirant illico ad arma,  
 Et duo nimbofo merguntur in æquore fratres  
 Tyndaridæ, tumido, extendunt in gurgite palmas.

DA:



DARETIS PHRYGII  
*De Excidio Troiano.*

## LIBER TERTIUS.

Solvuntur vario consulta silentia plausu:  
Idalium Pœana canunt, plebs, aula, senatus.  
Hic fatis vovet, ille dies. una omnibus una  
Voce, animoq; frequens, plaudit Venus, altus ubiq;  
Sangvis obit, sacris ultrò cessantia cedunt  
Aura, coronato luget spoliata marito  
Inachis, & raptos gemebunda reposcit alumnos.  
Illustres superis epulas molita potestas,  
Sacrificis bibulos licitoribus instruit ignes.  
Totaq; thuricremis Panchaia spirat in auris  
Venales emptura deos, at pauper acerræ  
Principe digna Deo, nostro placitura tonanti,  
Mante litat pura, votis exorat honestis  
Celsior explicitas rapturus in ardua flammæ,  
Regius extruitur comestis floribus ignis.  
Perstringitq; aciem, procul his expirat ab aris  
Hostia dira cruor, Veneri quod dulce propinat  
Ductor, Aristæos latices, Melibea fluents,  
Icarios haustus, fracti phœnicis odores.  
Frondæ comas nexæ, sanctæq; astare parenti  
Iliades iussæ, spumantia lacte serenis  
Cymbia devolvunt flammis, rex ipse ministrans  
Idaliæ delibat avem, sic ante precatus:

Diva

\* Diva potens, hominū, divū imperiosa voluntas,  
 Vera deū soboles, nostri Tritonis aluna  
 Alma Venus, seu te convivam Thetyos urna  
 Poscit, seu nectar superum, seu ferre papaver  
 Elisium, flecte hæc ceneros ad dona jugales,  
 Hos dignare favos: nec enim macitante securi  
 Grata manus pia sacra tibi: si digna litamus,  
 Exorata veni, partemq; haustura recumbe.  
 Celsa licet caleant cuncto thure Cithæra,  
 Idalias modulos nesciat nemus ardua Cypri  
 In flores crescant varios. incensa Cithæræ,  
 Idalias volucres, Cypri thyma, Pergama vincent:  
 His mentis, (his si qua tamen) veneranda Dione  
 Adde fidem visis, sponsi memor adde favorem,  
 Solatam solare domum, non improbus oro,  
 Ut tuus Inachias prædo prædetur alumnas:  
 Hesiōne contentus eat, Tritonia certè  
 Non neget, horq; velit melior Saturnia raptus  
 Olim Asiæ (sed quid vulgata ac flenda revolvo?)  
 Claruit imperium formandusq; Pelasgis  
 Phryx erat, inversa est verus alea, respice Divæ:  
 Æneadas miserare tuos. Sic fatus in ignes  
 Hybleas inclinat opes, jejunaq; spirans  
 Nidor odorifero solatur sidera fumo.  
 Jam votis sacrisq; modus, jam fessa reclinat  
 Flamma apices: alios Helenus prorumpit in æstus,

\* Bacchantemq; Deūm flagranti pectore nactus,

\* *Vaticinium Heleni.*

Voca-

Vocales tripodum furias angustat in usus,  
 Orsus ita: Heu Phrygii, gens non præmensa futuri  
 Quid noster spoliator abit? quæ nam illa carina,  
 Quæ Troiam mensura venit? jam littora tangit.  
 Ite duces contra; sic interrupta profatus,  
 Plus dubios urit, pleno tamen arguit ore  
 Deiphobum, cui summa fides & sola medendi  
 Copia, iussa sequi Veneris, raptum ire Lacænas,  
 Authores sperare Deos. Quæ nam ista nefanda  
 Spes? inquit superumne fides, coeliq; potestas  
 Incestum dispensat iter? prædantibus adsit?  
 Macte Paris sceleris, alios molite ministros,  
 Et somnum tibi finge novum, non fallere norunt  
 Qui falli nequeunt, orâtem haud sustinet ultra  
 Troilus, utq; animo præceps, belliq; sit itor  
 Et gladio consultor erat: Timidissime fratrum  
 Vade [ait] ô tenebris antri damnate loquacis:  
 Vade, inquam, & quotiens visum tibi fallere plebē,  
 Finge Deum: nobis alius jam constat Apollo.  
 Ibit Alexander, non si Cumana senectus  
 Aut aries Libycus, aut Chaonis obstrepat ales,  
 Jussum flectet iter: ibit miseramq; reducet  
 (Quod nolles tamen) Hesionem, conclamat herile  
 Præceps ad nutum plebis, excire tumultus  
 Quos nequeat sopire potens, nec mensa futurum,  
 Audet, cum præsens metuat nihil omnibus arma,  
 Arma animis, mentiq; frequens illabitur Argo,  
 Laomedonq; jacens, & inultæ dedecus urbis.

Conclamantq; iterum: quonam usq; ð libera pubes  
 Dardanio cognata Jovi, patiemur inultum  
 Tot jugulos rubuisse senum? tot colla parentum  
 Argea nutasse manu? non impia sanxit  
 Atropos, **hos** etiam nostris incumbere fatis  
 Ultorem non posse dari si numinis iram  
 Troia merens sensit, pœnam quoq; iudice Phœbo  
 Dyræ Mycenæ debent convivium mensæ.  
 Ite duces, Venus hæc, hæc certior augur Apollo  
 Bella jubet, fratrumq; exhausta funditus urbe  
 Poscit in offensos Phrygiæ ductore meatus.  
 Unde metus, metus unde viri? concessit in ignes  
 Indutus Nessum Tyrinthius ecce timoris  
 Causa prior cessit spirat par Herculis Hector,  
 Ecce animos gens nostra dabit si prima Pelasgis  
 Laureæ, fas Phrygibus palmam sperare secundam,  
 Et nostros rediisse deos vos inclita saltem  
 Pignora, cœsorum jugulos lugete parentum.  
 Vos quibus uberior lachrymas injuria necdit.  
 Vos pietas armata vocat. Sic voce precamur,  
 \* Intenduntq; manus: ægras quum Pantus in aures  
 Priscos fatorum monitus serit, & quod ab ipsis  
 Extorsit genitor adytis Euphorbius index,  
 In medium pandit proles: Lapsura sub Argis  
 Pergamæ, si Phrygiæ Helene conscendat in urbes.  
 His jam facta fides ducibus, vulgiq; tumultus

\* *Vaticinium Panthi.*

Flecti-



Flectitur ò quanto priscis nova mollius urgent.  
Plus superi constant Pantho memorante futura,  
Quam dicente Heleno. Priami tamen agra laceffit  
Concilia Hefione, superos premit: audit & audet  
Dux falli: fatisq; favet, quam fata recuset.  
Atq; ita, dic [ inquit ] alio dic ordine fata  
Anthenor: memora jam facta, necesse per actum  
Constat: venturum, mutabile transit, habemus  
Jam cunctis graviora minis, perfusa cruore  
Pergama nuptarum lachrymas, planctusq; parentum  
Tu quoq; visa refert Phrygiæ repetitor alumna.  
Atq; ita quæ passus, obiter tot cladibus adde.  
His saltem cedat bacchantis fabula foeni,  
Et moneat potiora fides, prius esse negabit  
Unda fluens. ignis urens, spirabilis àër,  
Quam dicter facienda furor, sic fatur. At ille,  
Ergo (ait) ô cives, rerum testanda priorum.  
Historia? an lapsa est nondum vetus? indice quæstu  
Non opus est, ubi regna dolor & bella loquuntur.  
Vidimus emeritis fæcundam civibus urbem,  
Atq; alium regnare ducem: nondum Ilion Argis  
Cesserat, Has ne vices velox oblivio transit  
Immemor, & longi præcidit tædialuctus  
Impatiens langvere diu? quia inclita pubes,  
Si juvat inviso mentes absolvere quæstu,  
Armata decurre diu, fortuna sequenda est,  
Dum præclarum aliquid dolor inde coctus anhelat.  
Nil grande & longum: segnem timor, obruit iram.

Dz. Ha-

Hæretis, quia fana vetant, hæc scilicet angit  
 Cura Deos, ævi tacitos vexare recessus,  
 Et rerum librare vices: stant fata tenore  
 Fixa suo certam miseris si parca ruinam  
 Indixit Phrygibus, moriendum Marte triumphum  
 Si pepigit, meritum minuit victoria segnis.  
 O falli facilis si fas depromere verum,  
 Deprendi insidias superûm. Lerneus Apollo  
 Nostras vexat aves: & quæ metuenda minatur,  
 Dardanidis timer ipse suis. Sic facta loquutus,  
 Accinctos ad bella Phryges prævertere tenta.  
 Vos contra cunctis potiora eyenta futuris  
 Pendite, donatos Tirynthius induit ignes,  
 Aecidæ senuère duo, nulliq; timendus  
 Aut puer, aut virgo quem fata minantur Achilles,  
 Ipse videt, vidi ipse viros & moenia, vidi  
 Urbes, sed gelidos nil excitat, ite potentes,  
 Et jugulos aptate iugo, spretoq; triumpho  
 Reddite fatidicis victores ensibus enses.  
 His virtus accensa viris, procul omnis abacta  
 Relligio, cedit Helenus, vittasq; minaces  
 Abjicit, & lachrymis inculsat fata sequutis.  
 \* Dux cœpti legitur pastor Paris advena quondâ  
 Regis, nunc regni hæres: nec proficit urbi  
 Fatalem damnare facem, quum læderet ardens  
 Prægnantem somnus Cisseida, pullulat altè

\* *Paridis ad rapiendam Helenam professio.*

Flam-

Flamma vetus, revehuntq; fidem prælagia plena.  
It faci imperio Danaûm rapturus alumnam  
Dardanus, & blande debellaturus Achivos  
Prævelat fraudes, cælas non induit alnos,  
Pinnarum suspecta strues, numerosa vagatur  
Tranquillo classis cultu: regalis olivam  
Prætendit pinus, tandemq; erepta furori  
Semimarîs galli, non adversante Cybele,  
Miratur similes bacchæri ad littora voces.  
Hanc decor insignit, qualem progressior usus  
Post longum lucratur opus, tabulata superbis  
Præradiant inscripta notis, vestitur herili  
Prora Tyro, pûppisq; Tago, nitor erigit Indus  
Antemnam, spargitq; in transtra cupressus odorem  
Vela regens: certant venti quis linthea tendat.  
Purpureos distincta sinus at lene fluentes  
Arcessit zephyros puppi præscripta Dione.

Instabat jam dicta dies, qua classis in altas  
Propulsum poscebat aquas cum lecta juvenus  
Priamiden sortita ducem per littora ferri  
Dilursu rapido, qualisq; abeuntibus ardor,  
Certatim fremere: & varios miscere tumultus.  
Haud mora, succinctos Nabathæos agmine ducens  
Hæctor in arma Phryges comites per cœrula fratr  
Ire jubet, certantq; rates stipare secuti  
Pœonidæ duce Deiphobo quin ipse Diones  
Spes Anchisiades cum Polydamante secundo  
Jungit opes, tamq; effractas rapiebat arenas

In pelagus classis, humerosq; manusq; secuta:  
 Cum tandem exclamans adytis Cassandra relictis  
 Fata aperit, turbatq; Phryges, at sæva morantes  
 Impellit Lachesis pinus, uncosq; tenaces  
 Rumpit, & intento percellit flamine vela.  
 Ultimus in socias fatalis prædo carinas  
 Provehitur, multum Priamo frustra; rogatus  
 Ne quicquam temerè victori supplicet hosti,  
 Hesiōne contentus eat, sin reddere raptam  
 Velle negent bellum intentet sic format iturum,  
 Venturosq; Phryges accepto interprete spondet.

Vix in conspectu Paridi patuere Cythæra  
 Cum patrias permensus aquas, ad Nestora casu  
 Atride molitus, iter, Simountide pinu  
 Aspecta, secum volvit cur, quò, unde: stupentq;  
 Alternis reges figentes lumina velis.  
 En qua fata fide rerum discrimina nectant.  
 Hostis adest, Menelaus abest, geminosq; Lacones  
 Hernione sibi nacta duces Agamemnonis urbem  
 Visum ierat, matrem cupide visura secundam.  
 Plebs quoq; Junoni celebrem confluxerat Argos  
 Ludificum ductura diem, pontusq; vacabat  
 Et tellus exuta viris, sic omnia casus  
 Expediit ventura potens viatrixq; Dione.

Prodit in abruptum prætentis insula saxis  
 Myrtigeræ sacrata Deæ, pars una recessu  
 Abditore latens refugos falcatur in artus  
 Deprensos furata sinus, huc littore blando

Freta



Freta Phrygū pubes, puppes agit ipse propinquas  
 Sanguine sacrfico Latoidos irrigat arās  
 Principes, & larga cumulat promissa securi.  
 Ergo Cythæriacas præceps it fama per urbes  
 Priamidem venisse Parim, plebs undiq; portus  
 Decursu complet: ac pollens ore Lacæna  
 Ignotos visura viros ad littora gressus  
 Dirigit, acclivemq; freto defertur Helæam.

Postquā Helenes Paridi patuit præsentia, classē  
 Deserit: ac formæ fidens, & conscius eris,  
 Huc illuc gressum librans, qua Tyndaris ibat,  
 Indefessa vagis incessibus otia texit.  
 Certantesq; offert vultus, incendia nutrit  
 Mutua, captatumq; brevi lucratur amorem.  
 Quippe nec ad cursum præceps, nec segnior æquo  
 Librato pectus formam juvat, actus in armos,  
 In caput erectus, tenero delibat arenam  
 Incessu, figitq; oculo mirante Lacænam.  
 Oblitosq; gradus sistit: suspectus haberi  
 Mox metuens, transfert celeres ad cœtera visus.  
 Ceu stupeat quicquid spectat, moderantius illa  
 Obliquos vultus & non ridentia plenè  
 Ora gerit totasq; velit cum pectore nudo  
 Ostentare genas: sed castigatorem adultos  
 Comprimit excessus animi pudor, ægraq; mixtus  
 Pulsat corda metus, sentit Paris, ardet & audet:  
 Præmissorq; ingens facilis præsentia prædæ  
 Ducit, amor, dum signa juvant, dum hucus oberrat

Interpres, cordisq; vagi præsentior index  
 Leno oculus taciti garrit præludia voti.

Ut verò explicitas peregrini Tyndaris auri  
 Blanditias hausit, complutaq; murice vela,  
 Conspexit, quid agat hæret, præbere rogatas  
 Prompta manus cogiq; volens: ac turba precandi  
 Stipatrix, juveni fas invidet, inclyte prædo  
 Ne propera, dabit illa manus, manus aurea vincet  
 Plus opibus, minus ore potes Cicerone secundo  
 Non opus est, ubi fantur opes, quin ipsa rapinis;  
 Blanditur fortuna tuis, urbs, aura, Lacæna  
 Nuda, favens, facilis, coëptum juvat urbis Helææ  
 Nomen, in hac pelagus undis declivibus actum  
 Proxima littoreis delambit testa procellis,  
 Et medias impingit aquas, clauditq; profundo.  
 Hic Latonigenis cognatas fluxerat aras  
 Prisca fides, jubet hic noctem regina propinquā  
 Excubiis hilarare sacris, templum ipsa superbum  
 Prima petit, solitoq; deos implorat honore,  
 Res cupido perlata Phrygi, temeraria sancit  
 Consilia indulgetq; aditus in vota secundos  
 Pollicito majore Venus: rapere haud mora nuptam  
 Victor, & imbelles populari destinat aras  
 Tantaq; præcipitem pulsat lascivia mentem,  
 Vix noctem expectat suspensò vespere credens  
 Zelotypum Titana suis livere secundis.

\* Fregerat Hesperias radiis langventibus undas

\* *Helena raptus.*

Phæ

Phebus, & astrorum medio poscebat in alto  
Nauta diem: tellus, àér, mare, celsa remenso  
Conspira Deo, strepitu defuncta filebant  
Undiq; & in teneros mutabant otia formos.

At Paris obsequio noctis præsentius audet  
Impatiens differre, deos veneremq; secutus  
Primus ad imbellès thyasos, & debile vulgus  
Armatum maturat iter, ludentia turbat  
Phana feròx, non hospes Hymen non conjuga sacra  
Asperior tutela Deus temerè omnia præceps  
Aspernata Venus, nil respectura decorum,  
In facinus votumq; ruit, rapit ergo Lacænam  
Tendentem manus, & lata fronte vocantem  
Dardanus: aut rapitur potius, gratare trophæis  
Prædo tuis, agnosce deos, post aspera multa  
Excidium luctatus abis, revehisq; parenti  
Quas nolle peperisse faces, heu perditæ nescis  
Quas tecum clades, quantos fugiente tumultus  
Classe refers, tuq; Herculeæ corruptior unda  
Bellerophontæo flagrantior igne, sereno  
Certa minus, thalamos linquis Lædæa jugales  
Et spreto totiens iterum quærenda marito,  
Nunquam rapta fugis, nunc ô Lilybæa vorago,  
Latratus Syculi, Libycus tenor, & quod in omni  
Sævæ tristè mari, mixtis huc confluat undis,  
Has infestet aquas, primosq; ultrice procella  
Amplexus medium solvat mare multa nocentes  
Mutat, si vetitis velox occurrerit ausis.

Post

Postquam exempta quies, & mœsto pulsa fragore  
 Inscia turbatas hausere silentia voces.  
 Aure prius mensi fremitus, ubi & unde tumultus  
 Armati cognata petunt oracula cives.  
 Hic tritas stridere lyras, hic pocula cernunt  
 Effuso calcata Deo, funalia lucem  
 Ponere & effracto lacrymari lampada vitro.  
 Mirati qua clade nova jucunda fileret  
 Relligio, quæ causa pios inopina tumultus  
 Flexerit, advertunt alias ad littora voces  
 Et toto sonuisse mari: Quò perfide leno  
 Hospitii temerator abis? sic digna rependis  
 Regales prædate thoros? his nobile vulgus  
 Excitum, arma fremit, raptâq; superstitè turbâ  
 Invadunt Phrygios, illi nec pandere vela  
 Moliriq; fugam cessant, nec jungere bello  
 Dignantur dextras: contentâ paupere pugnâ  
 Sola tamen tumidos pertentat gloria, captis  
 Injectare manus, proprium quum quisq; trophæum  
 Ostentare paret, aut cive aut virgine raptâ.  
 Ecce redit Paphiæ meritis virgulta coronæ  
 \* Victrices vindictura comas, Tenedoq; positus  
 Jam minus audentem solatur prædo Læcanam  
 Jam tandem patriæ memorem, sed gnarus adulter  
 Pollicitus flexis mœchæ fancire favorem  
 Et fictos lenire metus, ebur aggerat Indum.

\* *Reditus Paridis.*

Thura



Thura Sabæa, Midæ fluvios, & vellera serum,  
Ac mundi majoris opes, quodq; educat àér  
Jucundum, pontus clarum, vel fertile tellus.  
Hæc faciles emêre thoros, domuêre rebelles  
Amplexus, pepigere fidem non jam oscula reddit  
Non reddenda negat Helene, sed pectore toto  
Incumbens, gremium soluit, premit ore, latentem  
Furatur Venerem, jamq; expirante Dione,  
Conscia secretos testatur purpura rores.  
Proh scelus, an tantis potuisti pessima votis  
Indulisse moras? expectabatq; voluptas  
Emptorem? ô teneri miranda potentia sexus,  
Præcipitem in lucrum suspendit fœmina luxum,  
Nec nisi conducto dignatur gaudia risu.

Res hilarat vulgata Phryges, Priamoq; sereni  
Clarescunt vultus, rugas rarescere sentit  
Infelix animi morbus, dolor, improba paulum  
Cedit hyems mentis, voto duro angere sperat  
Reddendam Hesionem, Helenam si reddat Achivis.  
Nondum Sygæas portu digressus arenas  
Dardanus attigerat, meritos mentita triumphos  
Obvia turba subit, pars curru vecta superbo  
Aerium suspendit iter, pars cœtera calum  
Haud metuens, gressu vestigia paupere rexit  
Obsequio contenta pedum: & quæ cura novorum,  
Inachiam visura nurum plebs currit anhela  
Contemptrix operæ nutricis, & immemor artis,  
Nec lucri meminit, prædam dum spectat amænam

At

At cui sublimes humeros proceraq; colla  
 Invidit natura brevis, vel desuper altis  
 Incumbit tectis, vel recto calce fatigat  
 Articulos, humilesq; gradus suspendit in altum,  
 Hoc populo dederat vulgati fama decoris  
 Certamen mirandi Helenam, subit, illa, pudicè  
 Ora gerens, oculis nusquam vaga, voce faventi  
 Spectantium pudibunda parùm, mixtoq; nitore  
 Sideas neutrata genas. At regia vares  
 Ut venisse Parim certo Cassandra relatu  
 Audit, & adductam monstrum fatale Lacœnam  
 Adtripodas questura fugit, ramosq; loquaces  
 Ore premis, poscensq; Deum, non irrita longum  
 Fatis plena redit? claret interprete vultu  
 Extorti vindicta Dei, furiosa potestas  
 Imbelles vexat artus, cervice rotata,  
 Crine umbrante humeros oculis spargentibus igne  
 Et facies prodente fidem nunc livida vitrum,  
 Nunc flammata facem superat, nunc pallida buxū.  
 Tali se mediis procerum tot millibus infert.  
 Ore ferens, tremulosq; gradus vix ebria figit,  
 \* Atq; ita Tyndaridem cernens: Tunè illa juvenca  
 Quæ saltus ingressa novos, præsepe paternum  
 Incesta liquisse fuga taurumq; jugalem  
 Diceris & nostros petis importuna penates?  
 Ite viri, Deus ire jubet, pontoq; vel igne  
 Maternas abolete faces, ne dura sequatur  
 Quam cecini clades, sic paucis quæsta quiescit.

Expe-

Expediuntq; Deum suspiria longa relictum.

His hilares hærent animi, totusq; faventum  
 Sopitur strepitus, favissent agmina vatis  
 Imperio, motas reverentia principis iras  
 Obruit, indignisq; datur Cassandra catenis.  
 Rex Helenam lenit, inopinaq; proba gementis  
 Solatur blandis: suspiria vasis anhelas  
 Excusat furias, celeretq; ad jurgia voces;  
 Et vitio capitis solitos sævire tumultus.  
 Nec mora, lascivit solenni rægia cultu  
 Imperiis ornata ducis, tædæq; pudendas  
 Tollit adulter Hymen, melius caligo profunda  
 Pollutum merisset opus, quid nomine sacro  
 Incestum phalerare juvat? prætendit operta  
 Bracteolam caries, agnum lupus, ulcera byssum.  
 Sed famam fraus nulla latet: non una duorum  
 Esse potest: nam prima fidem dum fœdera servant,  
 Alterius non uxor erit, sed præda cubilis,

\* Interea Grajum præceps perlabitur orbem.  
 Luctus, & Europæ dotatas nomine terras  
 Atmato rumore quatit læduntur in uno  
 Unâ omnes, seu quod populos injuria regum  
 Acrius incendit, seu regnis prælia Livor  
 Inducit, seu quisq; suas præsumit in iras  
 Quod fieri sibi triste potest, quod flere peractum  
 Quodq; pati potuere, gemunt hinc omnibus idem.

\* *Apparatus Græcorum ad bellum.*

Idem

Idem animus, similes scelerum præscindere motus,  
 Et thalamos sancire metu, ruit ocyus ergo,  
 Non iussa expectat populus, belli ardor inert  
 Nascitur, augetur forti sic prælia vulgus  
 Præcipit at viduos it solutura penates  
 Clara ducum series, Maleæ quos erigit umbo:  
 Quos Larissâ foveat, quos Græcia cætera nutrit.  
 Enumerem? facilesq; fide dictante meatus  
 Victrices Danaûm certo sequar ordine vires?  
 Quæ loca, qui reges, pelagus quod quisq; fatiget  
 Classibus? ac celebres hac novi parte camœnas  
 Fraudari titulis, anresq; offendere molles  
 Pauca tamen studio non ægrescente faventum  
 Succinctè dixisse velim, numeri; sigillo  
 Juratas signasse rates, fert bella bis una  
 Bis centum & decies centum, quas undiq; raptas  
 Cæcropii vocat unda sinus, & Apollinis æquor  
 Huc acies, huc arma meant, hinc bellica classis  
 Ordiri disponit iter, sic culmen herile  
 Imperii jussit, statuit consulta potestas  
 Ast ubi gesta Phrygum geminos vulgata Lacones.  
 Concussere, fremunt ambo, dolor excitat ambos,  
 \* Ambos ira quatit, non sic orbata leones  
 Lustra indignati lugent, non fulminis alas  
 Si gemit elingvis inopina silentia nidi.

\* *Ut Castor & Pollux tempestate submersi  
 sunt.*

Ha-



Haud mora conscendunt classem, Lesboq; relicta  
 Dum præceps animus, & nil decoctius audet  
 Ira recens, nullos expectatura sequentes  
 Haurit iter fluidum, pietas memor alta tenebat  
 Castor, & Iliacas jam jam pascebat arenas  
 Excidium latura ratus, nox obviat atra  
 Defensura Phryges, armatiq; aeris ira  
 Instrepit, & geminis expugnat vela procellis.

O pieras, qua nulla Deum præsentior ambit  
 Virtus: ô mitis fraterni candor amoris.  
 Sola hæc in geminos cessit discordia fratres,  
 Discordes habuisse metus: hic illius, ille  
 Hujus fata timet: quatiensq; illabitur æquor,  
 Inuergitq; latus puppis subitura profundum,  
 Æquoris occursum certatim vertice prono  
 Anticipare parant: & sic proclamat uterq;  
 In me dira Thetis, in me sævissime Triton  
 Has intende minas, tantos molire tumultus,  
 Hunc serves, huic parce precor: tandem acrius actio  
 Incumbente Noto, nil jam sperante carina  
 Ledæi juvenes nexis per colla lacertis,  
 Nata simul simili deponunt corpora fato.

Desine Cecropii funesta licentia pagi  
 Insectos generare deos: non fabula cœlum  
 Sed virtus non ficta dabit: quos cæcus ab alto  
 Mersit in ima furor, in summos erigis axes,  
 Et similes Jovis esse jubes: quos ignis in auras,  
 In scopulos sparsit fluctus, mentiris adeptos

Side

Sidera, gentilibsq; preces deludis acerræ.  
 Tyndaridis quos hausit hyems, dans Attica cœlum  
 Fabula, Castoreos casus Pollucis in ortum  
 Fingit, & alterni redimit dispendia fati.  
 Ac neutrum testata Deum, feralis utriq;  
 Atropos iniecit laqueum, quo fortibus ægros,  
 Quo fontes placidis inopes quo regibus æquat,  
 Sola tamen fatis Ledaum Lesbos amorem  
 Concessisse negat, captosq; secuta Lacones  
 Quos nec apud Phrygios, mediis nec repperit undis  
 Credidit esse Deos: steriliq; reversa favore.  
 Diis urbes auxit, thure aras, marmore templa.  
 Sic Britonum ridenda fides & credulus error  
 Arsurum expectat, expectabitq; perenne.

## LIBRI TERTII FINIS.

## HYPOTHESIS LIBRI QUARTI.

Argolicos Phrygiosq; duces locat ordine quartus.  
 Dira canunt iri destruam oracula Troiam.  
 Barbarica cum gente manus mox Græcia pugnax  
 Conferit, & Teuthras expirat vulnere tactus,  
 Mandat ad Elisios campos quem pompa celebris.

DARE-

## DARETIS PHRYGII

*De Excidio Troiano*

## LIBER QUARTUS.

**P**ostquam Mygdonias bellatrix fama per urbes  
Armorum vulgavit opus, concussa minaci  
Barbaries motu, trepidis conjurat in arma  
Viribus, & totos Priamo Mars excitat ortus.  
Primus opes Phrygibus Zelia tradente sequaces  
Commodat Amphion, socium cui Pindarus arcum  
Consortem Adrastus gladium rapit, hospes iturum  
Instruit Amphimachum Colophonia ducit alumna  
In bellum Lyciam socio Sarpedone Glaucus.  
Marticolæ Thraces Xantipum, Memnona Mauri,  
Pæonida Phorcum, sequitur Zizonia Remum,  
Ephemus & Capesus, & quorum nomina longum  
Æquato sermone sequi, stipare cohortes  
Certant, & sese numero vel robore vincunt  
Dat Ganges Arabem, Syrium largitur Orontes,  
Dat Scythicos Tanais: geminoq; obnoxia mundo  
Ripa duplex, bellis populum partitur utrumq;  
Nacta ducem geminum, migratq; in prælia quicquid  
Hermus aquis, Taurusq; jugis includit, & omnis  
Iliacos legio tendit munire penates.  
Nos inter fremitus, certantūmq; ardua regum  
Robora, pugnaces jactantius armat alumnos  
Troia potens nulloq; locum sperante priorem

E

In-

Indigenæ vires cognataq; celsius arma  
 Consurgunt, toto sed Troilus agmine princeps,  
 Fulmineusq; Hector, par bellis impetus, æqua  
 Vulgi tempestas titulis præcellere certam,  
 Et dubia alterno contendit fama favore.  
 Coetera fraterni Martis numerosa potestas,  
 Ductu quemq; suo discretis fulminat ausis.  
 Ut quot Priamidas, tot jurent Hectoras esse:  
 Quot Troes, tot Marte partes tibi Troile dicant.

Nunc utinam, quo quisq; animo, quo fulserit ore  
 Quis membris inscriptus honos, quis pectora motus  
 Extulerit meminisse queam, vultusq; peremptos  
 Suscitet eloquiū virtus, oculitq; sepulti  
 Pectoribus vivant scripto præcone tyranni.  
 Sic olim positos populis mirantibus offert.  
 Elingvis pictura vires, sic cultu profatur  
 Charta duces: oculis hæc blandior, auribus illæ  
 \* Celsa duci Priamo latè surgentibus armis  
 Effulsit roseum cervix caput, ardua scribunt  
 Membra virum, blandeq; genas terrore minaces  
 Regius ornat honos placidæ vox nuncia mentis  
 Nil tumidum, nil triste sonat, propiorq; precanti  
 Mollibus imperiis famulantes infruit aures,

Hector magnanimum librato culmine pectus  
 Erigit, intorto candet coma crispâ capillo,  
 Succinctum complexa caput: blandeq; recisos

\* Priami descriptio.

Fura-



## DE EXCIDIO TRO.

Furatur vox. bleſa ſonos, pernicio membra,  
Mens placida in cives, faciem lanugo ſerenam.  
Induit, ac viſus acies obliqua cadentes  
In geminas ſpargit partes, ſemperq; ſupina  
Occiduo ſtabilem contriſtat lumine vultum,  
\* Ore pares, patremq; geris, matremq; ſecuti  
Priamida gemini, ſtudio certante Minervam  
Partiti, colit hic artes, hic arma fatigat:  
Deiphobum Mayors, Helenum demulcet Apollo,

Troilus in ſpatium ſurgentes explicat artus,  
Mente Gigas, ætate puer, nulliq; ſecundus  
Audendo virtutis opus, mixtoq; vigore  
Gratior illuſtres inſignit glòria vultus.

Imperii cupidus, habiles prolatus in armos,  
Sidera vernat acie Paris, ore ſerenus,  
Eloquio lenis, pede præceps, ſtrenuus armis,  
Vertige flaveſcens, frontemq; aſtura ſuperbiam  
Præſeruat conſura genas, in ſumma recurrentis  
Tempora: nevé vagans formæ fûretur honorem  
Cæſaries, utramq; comam ſua detinet auris.

Crine minax, vultu placidus, ſermone ſerenus,  
Affatu facilis, oculo nigrante venuſtas,  
Conſiliisq; pius, ſtabiles libratur in artus  
Æneas, fuſis humeris, & lumine grandis.

Antenor, tenui productus corpore, ſura  
Succincta motu facilis, quo nemo ſuorum  
Inſidias vel noſſe prior, vel neſcere major,

Regius incendit Hecubam decor argua pingit

Et Glo.

Gloria, nec partu species effata frequenti  
 Marcida, vectoris. uteri dispendia sentit.  
 Mens victrix nil molle monet, nil debile dicat,  
 Sonti difficilis, at miti blanda rigorem  
 Exiit, afflictus clemens & civibus æqua  
 Forma, modus, pietas, sensus, pudor, auctius ornant  
 Andromache erectam humeris, visusq; serenam.  
 Non membris egressa modum, non cæca futuri,  
 Fulta gena tereti, suspecto crine cruorem  
 Mentitur, flagratq; acie Cassandra micanti.  
 Iliadum populo victore Polyxena vultu  
 Præradiat solisq; decus speciale meretur  
 Lactea membrorum series, ridentis ocelli  
 Blandicie, pede fulta brevi, procera venustas  
 Poplitis, erecto librans vestigia-gressu.  
 Articulos non æquat ebur, non lilia colli  
 Ardua non ritulum pavonis fimbria crinem,  
 Ipsa humilis, simplex, facilis, nil turget herile,  
 Nil varium fingens, nunquam frustrata potente.  
 Martius ornat honos Agamemnona, fusa vigorem  
 Celsaq; membra fovens, vultu præcone potestas  
 Enitet, & regem species armata profatur  
 Mixta virum phalerant cirrho cadente decora  
 Virtus, nobilitas dives, facundia prudens.  
 Grator æquato Menelaum forma venustat  
 Fulta statu virusq; comæ-geniale rubentis  
 Mens domat: ipse actu mentitos iudice crines  
 Arguit, acceptus noto gratusq; merenti.

Audax

Audax, magnificus, hilaris, pius æquat Achilles  
 Vultu Phæbum, animo Gradivum, Pelea membris:  
 In pectus laterum laxatur culmen, in arctos  
 Crispatur cirrhos, coma myrthea, crinis in armos  
 Deprimitur, poplesq; gradus confurgit in altos.

Actorides acie grandi, vernansq; decoris  
 Artubus, eloquio leni, cui cura juvare  
 Muneribus, constare sibi, disponere cunctis.

Vox teneris distincta jocis, mens ardua, fusi  
 Artus, Locrensis titulos Ajacis opimant.

Ajacem Telamone satum coma pulla venustat  
 In torquem collecta levem, modulata ferenis  
 Lingva sonis, mens fraudis hebes sed strenua bellis.

Ore hilaris, modiceq; humiles collectus in armos  
 Dux Ithacus, prudens consultum pendere gnarus  
 Obliquare dolos, doctus captare loquendo.

Voce ferox, animo præceps, fervente cerebro.  
 Audentiq; ira, validos quadratur in artus  
 Tydides, plenisq; meretur Tydea factis.  
 Sic animo, sic ore fero, sic fulminat armis.

Nestora magnificat morum prudentia custos  
 Consilii librata fides, & sobria dandi  
 Gloria: porrectoq; humeris, senioq; nitenti  
 Nasi grata minus brevis in curva sedentis.

Philiacides vernante gena, candente capillo,  
 Alite mobilior, Scythica torrentior aura,  
 Ardua nulla timens, animum non viribus æquans.  
 Nil grave, nil durum censet, nil linquit in ausum.

*DARES PHRYG.*

Ore virum fassus, indignariq; minaces  
Suspendens cervice genas, livore superbo  
Obliquat socios Pyrrhus, scribuntq; ferocem  
Ardua membra, teres oculus, projectior alvus,  
Texendis vox ægra sonis, teneroq; laborans.  
Eloquio, lingua bletos frustratur hiatus.

Naupliaden tenui progressum corpore, lenem,  
Magnanimum, prudens animi moderatur honestas,

Arduus in fastum, pingves demensus in artus,  
Crispanti vestit humeros Podalyrus umbra.

Gæsaries ceu ruffa jacens, patientia supplex,  
Vis temere ausa nihil, pietas Machaona, pinguit.

Impia præcipitem natura Meriona mergit  
Invidiæ cinctum stimulis, curæq; tenacis  
Defessum excubiis, teretes cumulatur in artus  
Carnea massa tumens, animiq; ebullit Eryonis,  
In caput, in corpus reliquum, livescit inustum  
Sanguineis pectus maculis, gena disputat hydriis,  
Indicio pejore virens: & mentis anhelas.  
Incusant furias flammæ incendia crinis.

In medium librata statum Briseis heriles  
Promit in affectum vultus, nodatur in æquos  
Planicies crinita sinus, umbræq; minoris  
Delicias oculus junctos suspendit in artus:  
Divitiis formæ certant insignia morum,  
Sobria simplicitas comis pudor, arida nunquam  
Poscenti pietas, & fandi gratia lenis.

Tyndaridis geminis geminum nihil, unicus ambo

Oris



Oris honos ambit, similis flavesceat utriq;  
 Crinis; par hilares augescit risus in orbes:  
 Æquus membra modus, concordēs pectora motus  
 Conciliant, ipirantq; unum genā, lamina, mores.  
 Sola pares variis præsumunt nomina formas  
 Distinxisse notis, ac victor vindice vultu  
 Eludit dubios error, vocumq; repugnans  
 Dissidio, alterno confundit nomine nomen.

Inclita cognatos æquat Spartana Lacones  
 Vultu, crine, genis: sociæ cunabula stirpis  
 Pars oris testatur honos, at plenius haurit  
 Sidereum Ledeæ Jovem, totosq; per artus  
 Lactea materni spirant mendacia cygni,  
 Nativum frons fundit ebur, caput exsert aurum  
 Æquatis crinale comis, genæ candida byssum  
 Æquat, dextra nivem, dens lilia, colla ligustrum.  
 Auris inexplēto crispata volumine, visus  
 Excubitor. nasusq; vagi venator odoris  
 Poscunt æternum titulo certante triumphum.  
 Productum modice mixtum candescit, & alta  
 Lenius ut pressis insidant basia labris,  
 Parcias in rutilum consurgunt ora tumorem,  
 Fundit apex humeros, pressum tegit ubera pectus,  
 Illic succingit levitas, tractusq; lacertos:  
 Pes brevis incessu terram libante supino  
 Lascivum suspendit iter, crurumq; decora  
 Mobilitas compto libramine ponderat, artus,  
 Sola superciliis labes interflua raris,

Audaci macula tenues discriminat artus.  
 At nimis insignes latebras secretius ornat,  
 Vitalesq; colit thalamos, & digerit urbem  
 Interior natura suam, cor principe motu  
 Libratum disponit opus, modulamina lingvæ  
 Limat pulmo loquax, at modico dispensat hiatu  
 Splen risum, facili fel castigatus ira  
 Uritur, ac teneri scintillat mollius æquo  
 Pruritus jecoris, meritæq; insignia famæ  
 Mergens, nativi titulos incestat amoris.  
 Hoc monstrum non ales edax, non labile saxum,  
 Non axis torquens, non mendax vicerit unda.  
 Cum bene fracta tepet, moriturq; sepulta libido,  
 Respirant plenis incendia pristina fibris.  
 Sic Helenam totam pars unica mergit, & ipsum  
 Excitat in cladem regnis certantibus orbem.

Jam Pandionios collato robore portus  
 Argivæ tenuère rates, spatiumq; negabat  
 Terra viris, velis aer, & puppibus æquor,  
 Quum tandem licitos poscebant bella meatus,  
 Et jussus libare vias, ac Delphica missum  
 Fata explorabant, refugasq; evoluerè Parcas  
 Actoride socio Phæbum prælibat Achilles.  
 Mira fides, quos præcipites in prælia traxit  
 Imperus atq; omnis nocuit mora. sponte quietis  
 Pigrescunt votis, placideq; oracula poscunt.  
 Ægra dolor differt suspiria, gloria palmam,  
 Ira minas, hærent suspensis agmina bellis.

Expe

*De EXCIDIO TRO.*

Expectatq; antri veniam Mars ipse loquacis.  
O variis delusa modis gens credula curæ  
Gentilis risu an lachrymis, an flente cachinno  
Ægypti portenta querar? Memphitica sulcos  
Religio vestit, in cortice marcet, in hortis  
Crescit, nunc terrâ serpens, nunc aera fulcans.  
Plus errant responsa tamen, plus spiritus ille  
Quem miseræ poscunt animæ, quæ nomine pulchro  
Præsumunt censere Deum. At non mugit in antro  
Quem suus autorem mundus sonat ista priorum  
Noxia simplicitas in nostros defluit annos  
Incestatq; fidem, nam ceu Balearicus augur  
Gentiles distingvit aves, vel voce, vel alis,  
Vel gestu vario venturis omina ducens,  
Ridentem sic odit anus præsaga soporem,  
Sic oris vacui calum timet augure plausu  
Piæriæ volucris, aut indice nunciat aure,  
Hospitibus numerum discessurisve recessum  
Multa quidem captata diu fortuna secuta  
Expediit, insidiansq; hosti male credula fallit  
Pectora, ut in fatuum declinent pronius usum.  
At melius, ne labe levi mens casta labaret,  
Augurium nescisse fuit, veterumq; sepulti  
Cessassent ritus: quorum decreta secuti  
Grajugenæ sumus oracula Delphica votis  
Implorant, prior Æacides lictoribus aras  
Inbuit & donis tandem solennibus emptas  
Inachidis voces pandit venalis Apollo.

\* Vincitis ultores Danaï, grave Marte bilustri  
 Haret opus, decimum sequitur victoria bellum.  
 Talibus Æacides fatis excitus, in omnes  
 Secretum tripodum socios partitur: & ecce  
 Testorides Calchas mediis congressus in antris,  
 Concordeiq; deos, & consona fata revolvit.  
 Hic patriæ & propriis scitatum oracula regnis  
 Venerat hosq; adytis monitus effudit eisdem  
 Numen idem: Non ô superis gratissime vates.  
 Vana petis, dabitur patriis clementior aer  
 Sulcis, jejuni populator Syrius anni  
 Occidet, & plenis pingvescent messibus agri.  
 Tolle moras, te bella vocant, pete Cecropis urbē,  
 Ultrices dispone acies: tibi bellica cadet  
 Turba manu, Mopsus oculis & pectore Nestor.  
 Sera quidem, sævisq; virum mercanda ruinis  
 Inachidas Iustro ditabit palma secundo.  
 Ergo hilares socias jungunt in fœdera dextras  
 Æacides Calchasq; pares quippe altus utriq;  
 Gentis honos, regni æquus apex: at major Achillē  
 Spirat amor belli, Calchas tranquillior extis  
 Evoluisse deos & cœli nosse meatus.  
 Tres unit jurata fides consortia prima  
 Tertius auget amor, nec jam partitus amicum  
 Invidet Actorides, sed pontum lætior haurit  
 Et reducem torquet socio Calchante carinam.  
 Ut tripodum vulgata fides per castra, per urbem,  
 \* *Oraculum Phebi de victoria habenda.*

Per



Per puppes, certo jam claruit indice, cunctos  
Bellū juvant, cunctis jam pulchrum vincere, tardū  
Marte frui: munit eques armis, nauta ceruchis,  
Civis messe rates, pauci quos debile pectus,  
Mens plebeja, jacens animus, nescire triumphos  
Jussit & abjecti, mersit caligine fati,  
Aut acies metuunt, aut lente vincere damnant  
Longa decennalis mensi dispendia belli,  
Quum casus cedant variis, cum praelia nulli,  
Sanguine cum multo paucorum gloria vincat.  
Hos tamen, hos etiam regum reverentia flectit,  
Et passura pares consors vicinia motus.

Ergo animos hebetes mendax audacia frontis  
Dissimulat, clamorq; minax despumat in ausus.  
Haud mora, corripunt classes, his pendula pandit  
Dextra sinus, cervix alios defixa fatigat  
In fluctus latura rates, hi robore textas  
Ædificant in transtra vias, mordacis habenæ  
Nexibus indulgent alii, laxantq; carinas:  
Quum subito egresfos inopino turbine turbat  
Nimborum pincerna Notus: noxq; imbris haustis  
Ebria, tela, viros, puppes, humentibus umbris  
Involuit, cogitq; ipsos dubitare magistros.  
Errat cœca freti classis, solitoq; procella  
Egressus objecta negat, fluitantia pinum  
Percellunt medjam repetito verberare vela.

Primus ut à prora surgentes conspicit imbres  
Testorides, frustra; duces contendere, divos

Præsa-

Præfagò jubet ore sequi nolentibus austris  
 Cedere, & armatos ordiri ex aulide cursus.  
 Parent Æolios nutus vatemq; sequuti  
 Grajugenæ, flexis repetentes Aulida proris  
 Montivagæ Phæbes pacem implorantibus aris  
 Conciliant largoq; exorant thure meatum.  
 Ilicet irato bibulæ Tamanthidos arcu  
 Cœruleum mutante jubar, venteq; sereno,  
 In risum redeunte polo, deterfa meretur  
 Juno Jovem, atq; hilari solatur flentia vultu  
 Nubila, proscriptoq; Noto, leniq; susurro  
 Dante vias, majora petit suspiria classis  
 Ergo Deûm nutu librantis flatibus usa  
 Euboicas numerosa ratis descendit in undas.  
 Consumptura fretum, totum sub puppibus æquor  
 Ire stupet, cœtar perplexis navita remis  
 Quis prior, & junc̃tis confliguntictibus æra.  
 Sic geminas miratus Athos Xerxejus umbras  
 Ignotum velis textit mare, sic tua sylvæ  
 Voce potens Orpheu modulantia plectra secuta  
 Bistonios longis clausêre amplexibus agros.

Dum mediis spaciantur aquis, tecuraq; fandi  
 Otia sopitus pelagi non invidet æstus,  
 Jasonium relegens Philoctetes præviis æquor,  
 Has, inquit, passi Syrtes, his hæsimus undis,  
 Hos Cyanes tulimus scopulos. Phrixæa secuti,  
 Vellera, Lemniacis domus hæc, Tracensibus illa,  
 Hæc Paros, hæc Naxos, sic cuncta rogantibus heros

Explic:

Explicat, agnoscens veteris vestigia cursus  
 Æsoniasq; vias: sic quæ subeunda, magistrat:  
 Quæ vitanda, docet: quum tandem hostilis arenæ  
 Allapsi gremio, sævis clangoribus urunt  
 Aera, & iratis impingunt littora contis.

Protinus effuso per castra, per arma tumultu,  
 Littoreas populantur opes, & proxima ponto  
 Mœnia; Dardanii titulo male ruta tyranni.  
 Tandem comestis spoliis & divite præda,  
 Consumunt inopes flamma vidrice penates,  
 Ac classes repetunt: & quas fecere favillas  
 Illabi mediis gaudent per cœrula velis.  
 Prima tulit Tenedos gravioris militis iras,  
 Non solas dequeſta faces, non rapta metalli  
 Pondera, sed prorsus gladii consumpta furore  
 Expirasse gemit, jugulum puer ensibus affert  
 Imberbem, tremulumq; senex, & tyro comantem.  
 Hic ducibus strepitu sedet expectare sepulto  
 Iliaci responsa ducis: Calydonius heros  
 Decreto procerum socio legatus Ulyſſe  
 Deligitur, qui dicta ferat, qui pace sequeſtra  
 Res Danaûm, Spartæ spoliûm, raptamq; reposcat.

Interea Æaciden stimulantibus excitat ausis  
 Impatiens laugvere animus, furor intima pulsat  
 Martius, & reſidem mens arguit effera dextram.  
 Conſorti ſtudio ſimilis præconia famæ  
 Telephus affectans, it cuncto robore Mœſos  
 Prædaturus agros, venientia bella, Caycus

Hor-

Horret, & in voces cantu fridente remissis  
 Plangit alumunus olor: peregrinum Naiades hostē  
 Non ausæ vidisse timent, tutasq; sub undis  
 Venantur lachrymas, pecudum lascivia cessat,  
 Jam studiosa minus & floris, & amnis, & umbra  
 Quippe ferox urbes, fluvios, & pabula turbat  
 Æacides: rapitur quicquid vel dulce, vel usu  
 Egregium, vel Marte juvans, vel pace decorum.  
 Cultores juga quæstæ boves, fugiente colono  
 Decisum mirantur opus, mirantur abactum  
 Septa gregem, quacunq; vagum fert impetus hostē,  
 Castra, casæ sulci, sylvæ testantur Achillem  
 At Teuthras postquam bella increbescere sentit,  
 Civiles miseratur opes, & numina ruris  
 In prædam cessisse novam, parat arma, cohortes  
 Excitat, & totis occurrit viribus hosti.  
 Æacides oblata novæ præconia palmæ  
 Lætatus, variis intentas raptibus alas  
 Colligit, hostilemq; addens in verba cachinnum,  
 Sistite, ait, defensor adest, nec plura, feroxq;  
 Fertur in objectum nimbis torrentior hostem,  
 Ense metens medios, prostratamq; impete primi  
 Calcat equo victore aciem, res plena stupore,  
 Turba fugit, solusq; fugat, sic igne trifulco.  
 Tota pavet, percussa domus par ætheris iram  
 Sentit, at in cunctos spargit sua fulmina terror.  
 Haud aliter diræ furis exterrita dextræ  
 Barbaries, dat terga viro, fugientia primus

Indi.



Indice deprendit curru vestigia regis  
 Æacides, quippe æris apex radiantis inertes  
 Accusat latebras, ô noxia gloria rerum,  
 Tuta inopes fatis admittit fuga, notus in auro,  
 Dux timet, & vitæ discrimina ditia gestans,  
 Cum vellet latuisse, perit, jam sæva cruores  
 Hasta alias hausura fuit, primusq; tepebat  
 Mucro, cum parma repetitum Telephus ictum  
 Depulit objecta, dextramq; elusit inanem.  
 Missilis innocui mixta pudor asperat ira  
 Æaciden frendit, atq; ignoscentia torquens  
 Lumina, Tunè meos (ait) ausus fallere nifus,  
 Et steriles quassare minas? sic fatus, in ipsum  
 Vibrasset jaculum, timido cum Telephus ore,  
 Heu parce, exclamat: procul hæc fortissime gentis  
 Myrmidonum, avertant superi proba, tunè bis ullū  
 Percuties hostem? quisquis vel sensit Achillem.  
 Sufficiat cecidisse semel: tua fulmina passus,  
 Alterius non mortis eget, cur torua minaris?  
 Non tegimus, meruitq; tamen, scis ipse tumultus  
 Et Diomedæi furias gregis, atra nefandi  
 Septa ducis, longis hominum satiata ruinis,  
 Herculeæ cecidèdre manu: stratoq; tyranno  
 Tutior in patriam reducem Teuthranta regressus  
 Post crebras acies, & quorum bella recepit.  
 Ipse triumphanti fatus Hercule. Mesa subisse  
 Regna ducisq; hospes blandos coluisse penates  
 Gratulor, ac memini gratus: sed dicere longum

Quæ

Quæ mecum gessit, patris memor, hinc mihi lapsum  
 Erigere, & gladios tutari cura timentum,  
 Et tardum venisse pudet, quin Martia magnum  
 Si manus Æaciden, ut non sensura fatiget  
 Membra trahit, faciliq; animo nova svadet Erinny's  
 Ultra velle nihil, nil citra posse, ferendum est,  
 Cedimus, hosq; artus gelidos, hæc credimus exta  
 Ultrici calcanda rotæ sic fatus, in altum  
 Sublato|clypeo, pavidè tamen, ultima questum  
 Fata ducem monstrat, friget cruor, oraq; pallent  
 Eluctantè anima, tandem miseratur Achilles,  
 Agnoscitq; manum & mulcta fera furore.  
 Temperat, & pœnis tandem satiata supremis  
 Illaudata feros differt clementia motus,  
 At Teuthras ubi dura ægris incedere fibris  
 Altius, & certam minitantiæ vulnera mortem  
 Sentit. Habe Mæsos, inquit, te Telephe noster  
 Poscit honos, quis enim propior, quis dignior hæres?  
 Me tuus Alcides Thracensi urgente tyranno  
 Edomitis absolvit equis, sceptriq; quietem  
 Sanxit, & armatos in pacem reddidit annos  
 His meritis tibi regna damus, quæ perfida faci  
 Ira negat prædata mihi, te lenius astrum  
 In senium serosq; dies & summa reservet  
 Tempora, regno hilarem, vix hæc, & frigida fessis  
 Atropos inserpit labris, turbata rigescunt  
 Lumina habent sensus, vivoq; exuta calore  
 Membra gelu lethale subit, mens libera tandem

Evo.

Evolat, & socios rediv inspectura Triones.

Telephus ut vacuos spiranti sanguine vultus  
 Conspicit, effuso miserranda in vulnera fletu  
 Funus herile struit, quicquid vel mulcet odore,  
 Vel virtute ligat nervos, artusq; fluentes  
 Continet, aggeritur busto, compescit hiantem  
 Dextra premens ictum, fluctum domat arcta cruore  
 Fascia, & obstrusos frustra negat ire meatus.

\* Regia conspicuis moles inscripta figuris,  
 Exceptura ducem, senis effulta columnis  
 Tollitur, electro vernat basis, arduus auro  
 Ardet apex, radioq; stylus candescit eburno.  
 His excepta flix artus clausura verendos  
 Jaspide vestitur, gemmæ quas littoris Indi  
 Dives arena gerit, aurum quod parturit Hermus,  
 In varias vivunt species, ditiq; decorem  
 Materiæ contendit opus, quod nobile ductor,  
 Quod clarum gessit, ars explicat, ardua pandit  
 Moles, & totum reſerat sculptura tyrannum.

Prima ducis facies nascenti vagit in ære  
 Sidoniis variata togis, cunalis in altum  
 Surgit honos, trepidæ circum nutrixq; parensq;  
 Alternò teneros demulcent ubere fletus.

Proxima lascivis inhians discursibus ætas  
 Nunc labente pila, nunc se volvente fatigat  
 Buxo, nunc arcu credas curvata coire

\* Descriptio Teuthantis tumuli.

E

Cor

Cornua, & excussam, nervo stridère sagittam.

Tertia magnanimi loquitur primordia regis  
Accingens pictura virum, regale verendas  
Accendit diadema comas, sublime sedentem  
Fulcit ebur sceptroq; manus radiante superbit.  
Ipse nova vultum pictus lanugine, regni  
Maturum dispensat opus: belloq; togaq;  
Alternus, rerum vario poscente meatu,  
Commodat aut fremitus armis, aut otia paci.

In serum perducta senem pars ultima canos  
Colligit, & raris fulcantur tempora rugis  
Progressos testata dies: procul exitus ævi,  
Mors longè, & Lachesi stamen vitale ministrat  
Nondum fessa, soror, atq; fato major Erinny's  
Præcipitat festina ducem, tres ære propinquo  
Hærent irata Pelides fronte, precanti  
Telephus, exanimi Teuthras, pallere videres  
Ora, genas, aurumq; mori, cruor ætus in auras  
Exsilit, & minio rorant tabulata fluenti.  
Hæc super exiguo breviter collecta sigillo  
Fata viri, quis regis honos, quis funeris auctor,  
Quod fatum, quæ causa, patensq; hoc singula scripto  
Dux Theutras Mœsis, decus arvis, passus Achillæ  
Ense necem sensit, sceptri defensor aviti.  
Postquã busta ducis nigro deplanxit honore  
Fida manus, mœstaq; ululatum voce quievit  
Supremo jam fine vale, redeuntia ducit.  
Agmina Pelides, urbes invitus amicas

Tele-



Telephus & socios reſturus linquitur agros:  
Ipſe quidem plus pace acies, minus otia bellis  
Poſcat, & armatæ malit discrimina vitæ,  
Spe palmæ, at populi dilecto principe nudi  
Mœrentes vicere preces, ut regis iniret  
Excubias, molemq; datam: monet ipſe futuri  
Providus Œacides, cultis inſidere regnis.  
In ſulcos laxare ſolum, producere fruges,  
Et miſſa ſocias ſolari meſſe cohortes.  
Sic paribus vincet titulis, cum ad prælia donet  
Ille duces, ipſiq; manus: hæc fatus Achilles  
Ad Danaos maturat iter, ſed venerat ante  
Dux Ithacus bellum referens, pacemq; negatam  
Nunciat, ægreſcunt, indignaturq;, Pelasgi,  
Bella petunt, hæſiſſe dolent, & frondibus hoſtes  
Palladiis tentariſſe pudet, jam libera major  
Laxat frena furor, ſtimulat Bellona volentes,  
Mars cogit dubios, lugens per caſtra furentis  
Interpres animi clamor tonat, arma capeſſunt,  
Arma fremunt, augent lituiq; tubæq; tumultum,  
Et reſponſuris invitant vocibus Echo.  
Iſſet in Jalicos clāſſis Pelopeja portus  
Non exſpectata venia ducis: at nociturās  
Nox neſcit vicina morās, humilemq; ſoporat  
Decrepitus Titana dies, & anheſa ſub undas  
Admittunt radios Athlantia littora feſſos.

LIBRI QUARTI FINIS.

## HYPOTHESIS LIBRI QUINTI.

Prælia sub Priamo, sub rege Agamennone Quintus  
 Convocat, & primò cadit audax Prothesilaus,  
 Patroclūq; armis mendax, & Merion acer.  
 Tum Paris aggreditur Spartæ cum rege duellū,  
 Et latus Hæctoreum Pelides perforat hasta.

DARETIS PHRYGII  
*De Excidio Trojano.*

## LIBER QUINTUS.

**A**Rdua jam mediam pulsans Latonia cœlum  
 Noctivagos librabat equos, somnoq; profundo  
 Exarmata quies facilem spondebat ituris  
 Portum, svadebatq; dolos, dux ipse Pelasgis,  
 Nocturnum disponit iter, non verberare pontus  
 Erigitur, non voce sonat, iussosq; silere  
 Sulcat inoffensos tacito sub remige fluctus  
 Incessum furata ratis: sic cade tuorum  
 Exigua, innocuum lucrari fortè triumphum  
 Grajugenis fortuna dabas: at Martia Naupli  
 Proles erubuit fraudes, & furta negavit.  
 Ulтимus hic Danu'm ter dena classe secutus  
 Signa ducum, longaq; exustus febre, moratas  
 Inachidis excuiat opes, seq; obice morbi  
 Tentum, quamprimùm licuit venisse fatetur.

Hanc

Hanc ipsa ad vocem facies facit, aspera passo  
Conjurat pallor, & vultu teste merentur  
Verba fidem, at sospes animus, nulloq; dolore  
Fractior, imbelles artus, nervosq; negantes  
Exigit, & Martem manifestum svadet Achivis  
Ocyus audentem virtus animatur in iram.  
Jamq; dolis vicisse negant, sua quemlibet angit  
Gloria, qui jaculis longè, qui comminus ense,  
Qui pede, qui curru fidit ut classa mereri  
Promptior, agnosci petit, expectatq; videntem  
Percussura manus, & si quid nobile possit,  
In tenebris sepelire pudet, sic Martia pubes  
Mutatis hæret animis longiq; soporis  
Impatiens noctem vigiles expendit in usus.  
In somnum non fracta levem, seseq; vicissim  
Excitant hi tenso librant in bella lacertos,  
Intenduntq; gradus pugiles, pars plurima vultus  
Excertat, partem vestis furatur ahenæ  
In summos perducta pedes, ac deniq; jussi  
Armantur pariter galeâ caput, ægide pectus,  
Ense latus, pharetris humeros & stipite dextras.  
His instructa fremit in lucem turba morantem  
Vix passura diem, noctis dispendia damnant,  
Et venerem Titone tuam, cum prævia Phæbi  
Amplexu gelidô & sterili tardentur amore.  
Vota virûm valuisse putes, intensior orbem  
Spiritus astriferum torquet, semperq; negatis  
Elidens modulis stupidas novus impetus aures

Phæbeum maturat iter, sensère Pelasgi.  
 Sensit & ipse ducum princeps Ægeus Atrides  
 Adventare diem, mox nectens ordine puppes,  
 In mediis alnosq; breves & vela minora  
 Claudat aquis: at turrigeras pelagiq; potentes  
 Et bellare avidas primos disponit in ictus.  
 Cumq; metu prædone animi perculsa labarent  
 Agmina, & horrorem præsens instantia Martis  
 Incuteret, dux orsa movet, queis integrat iras.  
 Spem sancit, firmat animos, & roborat ausus.

\* Ultiores Danaï, non nectere verba necesse  
 Et longas cumulare preces: sese excitat ultrò  
 Virtus, at quisquis pavidus, timor obstruit aures,  
 Et precibus mens tarda negat, quin aspera rerum  
 Ni longum meminisse foret, sibi publica bellum  
 Causa daret: patimur cuncti, nec sola maritos  
 Urit hyems, taceo veniales hospitis ausus,  
 Et castum prædonis opus & numina læsa  
 Conqueror: at solus in nostras sufficit iras  
 Laomedontæ pacis rigor, hæccine regum  
 Et pietas, & clara fides? ô barbara verè  
 Savitia, exemploq; carens, & cognita nulli  
 Asperitas, quænam nudæ clausisset arenæ  
 Hospitium miseris, quos obvia Scylla, secuta  
 Tellus, & socio fregit Therys hospita fluctu?  
 At Peleus Telamonq; illic, genitusq; tonante



Amphytrioniades, & quos habuisse superstes  
Græcia gaudet avos: minus haud tamē ausa prophano  
Barbaries, sprevitq; Deos, generosq; deorum.  
Dū melius, nec se lentā Tirynthius ira  
Et superos vultus, paucis in bella secutis  
Accellit, vicit, rediit: bellum Hercule nullo  
Nunc erit, & nullum sensit prior hostis Achillem.  
Quod si gentiles animos cognoscere certum  
Certanteiq; ausus, dignetur nemo priorem,  
Erubeat sibi quisq; parem, quare inclyta pubes  
Tende per imbellem gladiis ulcoribus hostem,  
Tende, agē juro deos, facilem sine Marte triumphū,  
Ignayumq; queror: quid virtus alta, quid arma  
Bellica? terga dabunt omnes, & pectora nullus.  
Perjurumne viri poenas solvisse tyrannum  
Sufficiat? cecidit non exorabilis hostis,  
Infectus superest hospes: violentior ille,  
Hic peior, gladios igitur nec tela recondat  
Debira, terrarum: quisquis commercia, quisquis  
Integrare thoros castosq; impunē sopores  
Jungere securus curat, quid plura? voluntas  
Omnis in effectum causas habet, ite volentes,  
Ite duces, arces nullæ, nulla arma morentur:  
Et quos ter quina fregit Tirynthius alno,  
Innumera calcate manu, sic satur, & ortum  
Nox aperit proscripta diem, perjuraq; labi  
Pergami visuros vigiles properantior axes  
Sol rapit, ipsi etiam lentas causantur habenas

Quadrijugi, voluiq; rogant intensus orbem.  
Mira fides, ortus velox, & vespera nulla,  
Luciferiq; sui solis rota prævenit ignes.

Utq; hilaris grato lux omine firmet Achivos,  
Non oriens Tirana rubor, non pallor Eous.  
Inficit, at puro, qualiq; in luce superbit,  
Cum sine nube dies & se confractor umbra  
Colligit in conum; tali pater ore serenos  
Orditur cursus, miratur Achæa juventus,  
Duxq; iterum: Superisne manus & tela negemus  
Inachidæ? vocat ecce Deus, sol lætus anhelis.  
Instat, equis Neptunus aquas ac prævia mollit:  
Cærule, credo equidem, vires à gentibus istis.  
Laomedonteo poscunt ex hoste triumphum.  
Sed moror, exclamant Danaï, totoq; resultat.  
Vox animosa freto, non sic infibilat. Auster  
Frondebis hybernis, non tanto verna fragore:  
Flumina præcipitant montes, non flumina cautes.

Senferat Iliacæ custos Tritonidis. Astur  
Adventare ratès, celeriq; incerta per urbem.  
Discursu rapiens vestigia, nunciat arma.  
Arma iterat. Quonam usq; viri torpebitis? inquit:  
Ecce hostes, vidi ratibus rectum mare, jamq;  
Littus habent, querulas tollit plebs credula voces,  
Ac pueri lachrymis matres & voce secuti.  
Contendunt gemitusq; æquant, acuuntq; tumultû.  
Hic for ut Europam totis adnare carinis.  
Audiit, extimuit paulum, mox mente reducta.

Colli-

Colligit in vires animum, seseq; quod ardens  
 Ausa fugam virtus, peregrino pulsa timore  
 Cesserit, incusat, rapit illicet arma, nec agmen  
 Expectat, solusq; effracto cardine, solus  
 Evolat: exsiliunt pariter, longèq; secuti  
 Stripantur Phrygii sævos diffibulat urbem  
 Murus in egressus aut vix irer unda meantum  
 Expedit angustum, tot millibus arva secundis  
 Troilus anticipat spatiis, hoc tertius acer  
 Æquat Alexander, reliquos fert impetus idem,  
 Sed minor aut pedibus virtus, aut curribus ardor.  
 \* Primus ut Argolicos tonsis certantibus Hector  
 Densius allabi cernit. Quonam impetus? inquit,  
 Sistite Tantalidæ, mediis concurrimus undis,  
 Turores habet unda suos. Sic fatus, anhelos  
 In fluctus admittit equos, propiusq; minantem  
 Phillacidæ puppin torta transverberat hasta,  
 Affigitq; Lycum clavo, paucisq; cachinnum  
 Asperat, I pelago tutus, non te æquor & Eurus  
 Excutient, stabili pinum moderabere dextra,  
 Phasiacas dum quæris opes, turbantur Achivi,  
 Intendunt animos Phrygii, ferit astra tumultus:  
 Dissonus, ast Echo dedignans barbara Græcum,  
 Frangit inexpletas iterato murmure voces.  
 Ocyus Hysiphides vacuas rectoris habenas  
 Intuitus, subit ipse, & toto robore pinum  
 Præcipitat: volat illa, & sese infringit arenis:

\* *Exordium conflictus.*

Ira

Iratæ similis, ac sicco naufraga portu  
 Explicat Heminidas, mox cùm perjura teneret  
 Littora, & invisas primus calcaret arenas.  
 Prothesilaus, ait, Iter hac, hac ibimus [ inquit ]  
 O! socii, non tota Phrygum quam poscimus Ide,  
 Communes partimur agros, hæc fatus, in enses  
 Irruit, & quæ facies instat densissima, durum,  
 Extorquet violentus iter: tres littoris Indi,  
 Quinq; Arabes, septem Nabatheæ gentis alumnos  
 Consumit victrice manu, dabat obvia Phorbas  
 Pectora, & intentæ veniebat turbidus hasta.  
 At ferus Hysiphides præciso stipite ferrum  
 Decurit, ac maculis ruptis & casside fracta,  
 Pectore dividuo perducit in illa telum.  
 Stabat in occursum Pelagi Chaldaus, Orontes,  
 Dumq; rates inhibere parat suspensas in ictum,  
 Præcipitem, mersura Thetys, premit Inacha pubes.  
 Desuper, ille parens in gyros brachia spargit,  
 In mediis se librat aquis, nunc exserit ultro,  
 Nunc caput immergit pelago, varioq; timore  
 Aut longos haustus, aut tela prementia vitat.  
 Tandem dum fluctus gravior rimatur opacos,  
 Incidit in puppes, frontemq; insigitur uncis.  
 Acrius incumbunt Phrygii, contra, ira furentes  
 Et pudor Argolicos armat, nunc littora perdunt,  
 Nunc dubiam lucrantur humum, bibit unda cruorẽ  
 Alternum: at Phrygio Græcus sociare superbit.  
 \* Emicat immodicus animæ, metuensq; priorem  
 So-



Solus in extremum jamjam proruperat agmen  
Turbidus Hysiphides: populum vaga turba secutū  
Non unam scire manum creditq; pavetq;  
Cū mars ipse premit, acies prævectus utraq;  
Liquerat, ardebatq; arces calcare relicti  
Contemptor belli, sed anhelos fervidus Hector  
Objicitur: Quonam usq;? hic terminus, inquit, & ensē  
Nudat atrox, conumq; nihil tutante pyropo  
In pectus confedit ebur: mox intonat orsis,  
Qui quis es, i felix reliquisq; superbior umbris  
Hectorea mactate manu: ruit unicus ille  
Laodamia tuus, fidæq; oblitus amantis  
Non timidas in bella preces, non mollia jussa  
Pertulerat: primos teneri respectus amoris  
Cessit, ad armorum fremitus, at nescia fati  
Hemonis absentem suspirat mœsta maritum,  
Et non sensuros vultus premit, oscula figens  
Cerea, difficilesq; deos in vota fatigat  
Ne quicquam, jacet ille quidem, lapsusq; jugales  
Impedit, & curru non agnoscente fatiscit.  
Hunc ubi præcipitem volvi videre Pelasgi,  
Pennificat formido gradus, stimulatq; volucres  
Ire pedes: cunctis iter est ad littora longum,  
Et tardum repetisse rates. At fulminis instar  
Prosiluit Æacides, & formidabile frendens,  
Proh pudor Inachidæ, vixdum præsensimus hostes,  
Et jam terga damus, inquit: sylvæq; trabalis  
Robur, in obliquas quæ carbasa porrigit auras.

Cor.

Corripit, atq; iterat. Nunc ô nunc nemo sequatur.  
 Solus eam. vincam solus, fugit ilicet omnis  
 Turba Phrygum: non arva modo, non littora nudât,  
 Sed quicquid pontum Phrygias interjacet arces,  
 Accessu vacuo Danaïs patet; ultimus Hector  
 Tanquam instans cedit, indignatusq; moranti.  
 Arva legit gressu; cogit moderantius ipse  
 Æacides flectitq; gradum, & quia neuter in armis  
 Dissimilem sperat; hærent, audentq; paventq;  
 Alternoque truces obliquant lumine vultus.

Illicet in patulos acies diffunditur agros.  
 Argolica, & quo castra situ, quo milite tuta;  
 Qui teneant portus, belli moderator Atrides.  
 Digerit ille iterum raptis ad classica turmis.  
 Orditur pugnas, jamq; æmula prodit in arva  
 Bellatura cohors: contra sic [imperus urget].  
 Non defensuri properant Phryges, atq; ope spretâ  
 Quam turres muriq; dabant; sese hostibus ultrâ  
 Dardanidum pubes æquat, bellumq; lacessit  
 Ipsâ prior, nulli jam responsura vocanti.  
 Ut sibi distitiis acies vicinâ propinquis.  
 Et campo propiore stetit; non ignibus Æthna  
 Ruptis non geminis Isthmos lacerata procellis,  
 Non sic Hipporades antris fremit; omnibus ausus  
 Auger, & accendit iram fragor: improba nullum  
 Frustratur belli virtus, auriga jugales,  
 Seq; pedes stimulat, jam dextras undiq; miscent,  
 Et quærit sibi quisq; parem: sæpè impare pugna

Aur

Aut uni plures, aut pluribus obviat unus.

Alpera jam cunctis calet ira, bipennibus enses

Contendunt, hastæ jaculis, glandesq; sagittis.

\* Ecce Menecides Chironis cura secunda,

Alter amor, similemq; animis indutus Achillem,

Profilit in medios, stabant tres pectore juncto,

Aptabantq; manus in vulnera, prævenit ausus

Impactis Patroclus equis, umbone Diarcem,

Hypphilum curru proturbans, Hyphiton ense.

Hector in obliquas revocato lumine turmas,

Indignans cecidisse Phryges, ruit impiger hastam

Fulmineam quatiens, juvenemq; \* \*

Vectori collidit equo, confusa regenti

Membra refert sonipes, at festinant or instat

Priamides, prensq; jugo violentus in auras

Contorquet plenum galea caput, ipsa supremis

Vox nondum defuncta sonis, exile susurrat,

Ultor ubi Æacides? tandem super agmina longè

Labitur in Dorylam cassis, reliquoq; potitus

Corpore Priamides, spoliis auroq; superbus

Isset: \* at audentem contra ire Meriona præceps

Persequitur: tuq; & vita spoliabere & armis,

Quisquis es, exclamat: cumq; post vulnera multa

Incubuisset ovans rapturus opima, Menestes

Advolat, & focias animo indignantè ruinas

Hectoreum terit ente femur, fremit inscius ille,

Nec dolor in sensum vires habet: ac juga spectans

\* Patrocli cades. \* Merionis cades.

Cru-

Crurum tincta notis, dubius tamen unde, suusne  
 Fluxerit, an cœdis Danaæ cruor, emicat axe  
 Infensus, poscitq; faces, atq; hoste repulso  
 Igne rates populante premit, subit obuius Ajax  
 Jam tandem erumpens, & apertis Hectora campis  
 Irato mucrone petit. trux ridet Erinny's,  
 Cognatum lucrata nefas: at concita cæcos  
 Errorès aperit pieras, nec passa furentès  
 Communes declarat avos, illi arma faceſq;  
 Sponte relicturi, galeas ad mutua laxant  
 Oſcula, mutatisq; petunt tentoria parmis.

Interea stragis sociæ concessa sepulchris  
 Pax erat. Æacidès cæsum lugere fodalem,  
 Hemonii Hippiſphidem, te Creta paterna Merion;  
 Quisq; suos, jamq; ingeminos processerat annos  
 Fœdus: at in tanta populus quam sanxit uterq;  
 Pace, alia Inachios turbat discordia reges,  
 Et regni dubium culmen quatit. altera semper  
 Jura premens livor, & nil insigne cupido  
 In locios cessisse ferens, coguntq; premuntq;  
 Naupliadam, ille queri, cæcis quod nutet habenis  
 Imperium, quodd non tantis inscitia curis  
 Plistinia accedat quodd bellis seſgior' usus,  
 Quodq; alio miles egeat duce, singula texens  
 Obliquat proprium meriti decus, arma paratus,  
 Excubias, consulta, fidem: sic anxius ambit  
 Imperium, cæcus nimium, cui sola jubendi

Gloria, & innumeræ veniant cum principe pestes.  
 Dissensu vario certat favor, hic nova semper  
 Grata magis veterisq; jugi fastigia tolli  
 Clamant: ast aliis notos mutasse molestum,  
 Et longum didicisse novos, sententia nondum  
 Certa ducum, redeunt enses, & pace sepulta  
 Arma iterum rapiunt: conjectis undiq; signis  
 Collidit Bellona, viros, hinc Troilus audax,  
 Fulmineuq; Hector, & formidandus in armis  
 Aeneas: proles contra suspecta tonanti  
 Aecides, gemini Atridae, Calydonis alumnus,  
 Certantes acuunt iras, sic Auster in Arcton  
 Irruit, in Zephyros Eurus, sic Aëolus armat  
 Hybernas acies, Æthnæaq; fulmina vincit.  
 Hector continuò treis fundit Marte, Bôetén  
 Saxis, Archilochum gladio, Pröchenora telo.  
 Indignata ducum virtus coit omnis in unum,  
 Unum omnes contisq; premunt, gladiisq; lacessunt,  
 Et quicquid cupidis Mars usu, Mulciber arte  
 Ingessit fatis, cumulant, tortoris Iberi  
 Jactus, insidias Parthi, libramina Daci.  
 Ille, velut Siculis insurgens umbo procellis,  
 Instantesq; premit, atq; iras ridet inanes.  
 \* Parte alia Paridem Phrygios in bella vocantē  
 Infestat Menelaus agens, paucisq; profatus  
 Increpat: Agnoscisne hospes? reminiscere tandē

\* *Pugna Paridis & Menelai.*

Spar.



Spartanos, coluisse lares: ad mutua veni  
 Hospitia, heus agè redde vices, duc Pergama tecū  
 Si qua domi rapienda tibi, quonam usq; moraris?  
 Junge manus, num terga paras? Ille arte Cydonum  
 Fretus, leirea delibat cuspide frontem  
 Principis: atq; addit. Inunc, accedo petitis:  
 Sic Helenam visure, veni, crudescit in irim  
 Plistinides, non sic frendunt rapta ubera tigres  
 Hyrcanæ, Scythiciq; fues, Mauriq; leones.

Astiterat socias Ajax Locrensis in iras,  
 Hortaturq; ducem. Jovis igne citatius ambo  
 Objectam spargunt rurbam, mediosq; per enses  
 Accelerant, prior Alipedes Menelaus ituros  
 Anticipat, prensisq; jubis, simul ibimus, inquit,  
 Sed jam Troja procul dixitq; & stare negantes  
 Infrenos impingit equos, pallere videres  
 Primiaden, cum jam celeres moderatus habenas  
 Hector adest, parmamq; comes Cythereius heros  
 Objicit, ereptumq; hosti Trojamq; reducū  
 Restituit thalamis, & bellis mollibus aptat.

Macte Paris, sic terga paras? sic praelia linqvis,  
 Atq; hostes ignave tuos? at Martius Hector  
 Fraternas acies & bella vicaria tractans,  
 Vulnerat, interimit, fugat, indefessaq; mutat  
 Spicula ubiq; potens & ad omnes integer ictus,  
 Labitur Horcomenes jaculi sude, Schedius, ense  
 Helpenor, Dorius conto, Polyxenus arcu,  
 His addens saxo Palamenem, Opistriphon axe

Protri-

Protritus, septem mortes manus explicat una.  
 Haussisset Phimachus Phegiæ latus, at ferienti  
 Suecessisse timens, victor dat terga, fugacem  
 Æneas oculis, & arundinis arte securus  
 Trajicit, & fixæ (moriere) in murmurat auri.  
 Haud minus Æacides dextra stomachante, Sileum  
 Hippolytumq; metit, fati Eufenius iisdem  
 Asteriusq; ruunt, teq; ô Xentippe metenti  
 Tydides socium letho dedit, atq; ita cædes  
 Alternant hinc inde pares, & funera librant.

Rarior Argolicas ferro populante catervas  
 Agmina laxabat miles, sociosq; superstes  
 Quærebat jam turba suos: cum tempore raptò  
 Imperiale tonans, acies Agamemno labantes  
 Increpat, hortatur, jubet, instruit, atq; obit omnes  
 Oebalio sublimis equo, citiusq; futuras  
 Spondet opes: nec enim Mœlas armare cohortes  
 Telephus, & plenas Danais dare differet alnos.  
 Haud mora, præcipitem faciles reperisse tumultum  
 Ictibus indulgent omnes: jam quærere longum  
 Quæ feriant, tardumq; dari: manus omnis in hostē  
 Fulminat, & nulli furit irrita, gaudia Martis  
 Horrida deliciasq; truces, effervere passim  
 Aspiceres, fluit huic in vultus pulchra genarum  
 Rapta dies, mento hic linguaq; & nare recisa  
 Informes aperit rictus, his auris adempta,  
 His manus, his nutans humerus, pars viscera lapsa  
 Labitur, ac manibus nitens sese eripit hosti.

G Hinc

Hinc caputū largus stagnat cruor, indè reliQi  
 In cumulum surgunt trunci, curruſq; retardant  
 Ipſe nec hybernīs nivibus, nec grandine verna,  
 Nec riguo paſſus Symois Thaumantidos arcu  
 Majores miratur aquas, & ſanguine raptō  
 Diſſimilis redit in pelagus: Venientia Triton  
 Funera, & expellens horret Thetis, omnia luſtrat,  
 Omnibus incumbit, centenq; millia volvit,  
 Et non inventum totiens lucratur Achillem.

Preſſerat occiduum Phæbus jubar, aſtra viciffim  
 Aere deterſo, lucemq; ſtupentibus umbris  
 Sidereum pepigère diem: conſulta vocati  
 Argolidæ tenuère duces, jamq; ibat Ulyſſes  
 Tydide ſociante gradus, Priamq;, ferebat  
 Vota ducum, vulgiq; preces, videt Inacha longè  
 Arma Dolon, creditq; dolos: mox acer ab ipſis  
 Deſilit excubiis, & quò properabit inquit?  
 State viri contrà, pacemne huc fertis an arma?  
 Illi Palladiæ legatos arbore pandunt,  
 Exorantq; aditus: jam regis copia, jam res  
 Edita, jam redeunt, tres ſuſpenduntur in annos  
 Dextris bella datis, at ſcœdera Martius Hector  
 Incuſat, paciſq; moras, fractiſq; novandas  
 Inachidis tanto conjeſcat tempore vires.  
 Incutunt alias cunctis belli otia curas,  
 Hi moris, illi caſtris, utriq; ſepulchris  
 Invigilant. vix flore ſolum laxaverat æſtas  
 Tertia, deiſet. rabida in discrimina campi

Proſi.

Profilii hinc, inde duces, rotat efferus ensem  
 Hector, & ingentes animos fortuna ministrat  
 Supremos speculata dies, obitusq; decoros  
 Factis illustrat insignibus. Autiphus antè,  
 Post Philbus clausere virum, libratur utriq;  
 Fraxinus, & medium suspendunt Hectora, at ille  
 Obliquam revocans hastam, sic excipit ambos,  
 Lugeat ut primus oculos, cerebrumq; secundus.  
 Euphrobum premit Æacides, dumq; ille recedens  
 Hastile incussum dextra obnitente retardat,  
 In turbam offendit, sociumq; Lycaona præcep  
 Obruit: insequitur victor, prolapsaq; transit  
 Pectora, consortes mittens ad tartara manes.

Troilus Ideam rapiens per prælia clavam,  
 Myrmidonas septem solo consumit in ictu,  
 Atq; alios septem, si septem fortè fuissent,  
 Proturbasset agens, ipsumq; ardebat Achillem  
 Ferre manus contrà: sed tot centena cadentum  
 Millia, tam varios gemitus, tam dissona fata  
 Indoluit Phœbus, celeresq; immergit habenas  
 Mæstior, & subitis conterruit agmina bellis.  
 Nox erat, & longo defessum Marte jacebat  
 Andromache complexa virum, cumq; aspera belli  
 Quæssisset, gens utra prior quæ nomina regum,  
 Qui vultus, quid Dardanidæ, quid gesseris ipse  
 Egregium, passusne metus, sopita marito  
 Incubabat, & primi, nebula cessante soporis  
 In veras matura quies purgata figuras

Dira monet. Stabat thalamis junctissima laurus,  
 Secretos amplexa lares, inimica securis  
 Hanc à stirpe metit, rorantes sanguine rami  
 In stratum geniale cadunt, plura ingerit horrens  
 Monstra sopor: jacet interdum sine conjuge, toto  
 Fusà thoro, nudos rursus videt oris hiatus  
 Sanguineos sedare sinus. Tandem ægra soporem  
 Rumpit, & horrendis iterat clamoribus, Hector,  
 Hector ubi? timidaq; manu scrutata cubile,  
 Ingeminat, meus, hicnè meus? lenire pavores  
 Ille, & adhuc segnes paulatim demere somnos  
 Cœperat, illa fidem visis nunc credula donat,  
 Nunc negat amissumq; putans complexa maritum,  
 Omnia certa timet, & nil tamen ausa fateri  
 Armatum prohibere parat: muliebribus ille  
 Nil monitis motus, timidi præfagia sexus  
 Spernit, & impatiens bellantibus acer abesse  
 Poscit equos, tunc verò amens, tunc anxia vocem  
 Tollit, & oecursus omnes rogat, exit & intrat  
 Incerta, ac parvum matris lamenta stupentem  
 Astyanacta trahens, calcandum in limine patri  
 Obicit, induerat galeam, curruq; sedebat  
 Celsior: Andromache Priamo prænumcia clamat,  
 Heu morimur, succurre pater, vix principe jussus  
 Tandem hæret, patiturq; moras, moderante cætervas  
 Memnone, sed nusquam Phrygia sub casside viso  
 Hectore, mens Danaïs major, fiducia major,  
 Major in arma manus, majorq; licentia campi



Audaces proferre gradus. jam Pergama juxta  
 Effugiant Phryges, exclamant matresq; senesq;  
 Quid pulchrum vel triste fuit de mœnibus arma  
 Conspicere, & miseris quatiunt ululatiōus urbem  
 Hector in Adromachen oculorum fulmina torquēs,  
 Ergo iterum prohibebis? ait: stimulisq; jugales  
 Præcipitat, non sic Ossæa per ardua Mavors  
 Armigero terrore ruit, mucrone Gelonos  
 Fracturus, vel falce Getas, vel cuspidē Thraces.  
 Illum ubi franxineum rapientem in prælia telum  
 Agnovere duces, dant illicō terga, retroq;  
 Svadet iter custos animæ timor; at ferus Hector  
 Anticipat celeri fugientia pectora cursu,  
 In terga irasci spernens, teloq; trabali  
 Hydomea petit, cui strage Leontius æqua  
 Concidit, at Stolenus fugiens, atq; Hyfidus instās,  
 Spiranti certam referunt in vulnere mortē.

Ultimus Hectoreum Polybetes senserat ensem  
 Altiūs impressum jugulo, non defuit augens  
 Supremam fortuna manum, transegerat armos  
 Armaq; & in geminos discreto corpore truncos  
 Solus inoffensus clypeus restabat, & illum  
 Dum victor mutare parat, lavamq; superbus  
 Argolica Junone onerat, fremit acrius illa  
 Marte suo, facibusq; Jovis: sic pronus in iram  
 Sexus, sic priscus svadet dolor, excitat ergo  
 Æaciden, non ille quidem certamine, tanto  
 Tentasset conferre viro, sed Juno negantem

Sollicitat, stimulat Palles, pariterq; precentes  
Præbent hæc animos, hæc iras, utraq; vires.

Postquam perventum propius, sisusq; dearum  
Robore fulmineum præceps nudaverat ensen  
Æacides, trepidi cèdent hinc, indè manipli,  
Ipsaq; sponte hærent retro data prælia regum  
In campi majoris opus: mox sævus utrinq;  
Clamor, utrinq; metus, cupiunt vidisse furentes  
Et vidisse timent: facibus configere jactis  
Fulmina bina putes, prior occupat Hector Achillæ,  
Fraxineamq; trabem vibrat: volat illa, femurq;  
Heus humili nimis acta manu, nimis invida cœptis  
Lethiferis, hostile ferit pudor aggerat iram,  
Frustratq; manus at stricto dedecus hastæ  
Purgasset gladio, quum vulneris acrior ira  
Æacides ensen librat, divumq; suaq;  
Proturbat virtute virum: vix Mæria tandem  
Indignante anima, gelidos mens deserit artus. \*  
Exemplo turbata Phrygum, laxatur inert  
Turba fuga: trepidis violentior instat Achilles,  
Ac dextra majore furit, maciatur in ipsis  
Millia bellantum portis Tithonius heros  
Obliquum pectus & respectantia terga  
Objeit Æacidæ, læditq; ac læditur ipse,  
Seraq; vix tenebris dirimit nox bella secutis.

Hæu hæu quàm tenui nutant mortalia filo,  
Nil homini fixum. Fortunæ munera blandæ,  
Insidias non dona reor: semperq; timebis

\* *Hectoris cades.*

Sire.

Sirenum turbæ similes, sub sole sereno  
 Nubem, sub risu lachrymas, sub melle venenum.  
 Si tibi res, fallit casus: si forma, senectus:  
 Si vires, morbus: si nomen grande; litura  
 Postera: & in nullis fati constantia donis.  
 Ipse etiam has inter tenui virtute procellas  
 Fretus homo, aut laugvet moriens, aut mortuus aret,  
 Horum si neutrum, certè mortalis, & imos  
 Fraudatura dies medios merit Atropos annos.  
 Occidit hèn spes una Phrygum, Mavortius Hector  
 Occidit, æternos cui si natura dedisset  
 Artus, ipse tuos jaculandos Juppiter ignes  
 Otia tracturos ultro mandasset, at illum  
 Imperiis sentire suis obistere Parcæ,  
 Sensere, & viridis crescentiæ fila juventæ  
 Collata rapuere manu, ultore perempto  
 Facturæ Phrygiam licito majore ruinam.

## LIBRI QUINTI FINIS.

## HYPOTHESIS LIBRI SEXTI.

Anxia Sextus habet dubio certamina Marte,  
 Cædunturq; duces, Sarpedon, Deiphobusq;  
 Troilus, & sequitur Palameden, Memnona Achilles,  
 Et Paris, urbs capitur, Priamus rex mittitur umbris  
 Fletq; Hecuba, ac Danaum reditum complectitur  
 idem

DARE-

## DARETIS PHRYGII

*De Excidio Trojano*

## LIBER SEXTUS.

**S**egnior explicitis mærentia signa catervis  
 Troja movet, rotant clypei, cristæq; gravantur  
 Incubus, angustum crebris singultibus aurum  
 Rumpitur, arma nocent, toto nihil agrine latum,  
 Dulce malis: signa ipsa minus pignantia vento  
 Mentis laxant animas, morituraq; tardis  
 Flatibus inclinant faciles langvere dracones.  
 At sonipes, animi non argumenta superbi  
 Iratis iterat voces, non pulvere capto  
 Multiplicat suspensa levi vestigia gyro.  
 Non fremit incertum, sed tota immergitur arvis.  
 Ungula, submittitq; equitem, aurigamq; perosus  
 Avertit collo venientia frena reflexo.  
 Stridentem litui gemitum, stridentia reddunt  
 Jussa tubæ, nullq; sonant, non triste tumultus  
 Talis in adversas trahitur duce Memnone turmas  
 Mœssa Phrygum pubes, poscunt remeare, negantq;  
 Venturusq; Hector semper post terga videtur.  
 Quamiter Hyblæi mellita pericula reges  
 Signis inire datis, labente tyranno  
 Alterutro, viduos dant agmina stridula questus

ET

Et subitum vix nacta ducem metuentia vibrant  
Spicula; & imbelli remeant in praelia rostro.

Jamq; Argiva phalanx, lætis jactantior armis  
Prodierat, tollitq; animos celeremq; triumphum  
Hectore dejecto sperat, dux digerit arma  
Naupliades voti compos, curasq; timendas  
Induit, & duro fruitur miserandus honore.  
Atrides regis insignia ponit, & ultrô  
Exuit imperium, nec enim venisse fatetur  
Jure ducis, fieriq; satis, si principe quovis  
Freta cohors, redeat post diruta Pergama victrix,  
Nil refert, quis, ubi, quando, sed qualiter, & quid;  
Factum: durabunt actus, & transiet autor.  
His addit, se jure siqui potiore Mycenis,  
Et stabilem regnare domi: nec signa priora  
Sic ambire cupit, ut fesso pectore malit  
Et vigiles Lunas, & duros ducere soles.  
Martius Æacides mutatas solus habenas  
Arguit, at raptò Palamedes Marte superbus  
Vincere contendit titulis, regemq; mereri.  
Ergo iterum cœdunt acies, properatur utrinq;  
Et medius decrescit ager, rapit agmina juncta  
Sarpedon, Lyciosq; enses, & turbine primo  
Hostibus invehitur qualis vexilla Gigantum  
Centimanus Briareus Phlegæo in vertice tollens,  
Imbelles risit Jovis ignes, tela Dianæ,  
Martis equos, Phæbi pharetras, & Palladis angves.  
Haud minor insurgens heros Jove patre superbus,  
Juro:



Junonem Argolicam congressaq; signa Deorum  
 Spernit atrox: quacunq; vagos raptatur in hostes,  
 Millia multa manu proturbat, millia multa  
 Axe superjecto fulmen sævire paternum  
 Credas, & tonitrus curru stridente minores.  
 Occidit infelix Gobius, nec lætior illo  
 Triptolemus, sventusq; feras incessere telis  
 Moenalius Cormas, quartus tot funera Perse  
 Ultus obit lævos misso Sarpedonis armos  
 Transierat jaculo: sed vix tamen ille coactus  
 Tandem vertit iter, vultuq; in terga rejecto  
 Ad cunctos hæret gressus, semperq; redire  
 Ardet, non posse indignans, pulsatq; vetantes.  
 At jam caligant acies, sparsoq; cruore  
 Deficiunt, quamvis victuro vulnere vires.  
 Interea Moelas properat laturus aristas  
 Demophoon, Garamas, & te Thestida volentem  
 Tertia cura vocat. Danaas hebetaverat iras  
 Belligeræ mellis, viniq; audacis egestas,  
 Et vires depasta fames, pax arma soporat  
 Inq; annum jurata fides: utriq; cohorti  
 Utraq; castra patent, fas civi Graja videre  
 Carbasa, fas hosti Phrygios lustrare penates.  
 Dum sic alternos aditus: alterna pererrant  
 Mænia, natarum sacrâ comitante catervâ  
 Hecforeos manes Tymbræ in limine portæ  
 Placat uterq; parens: cinis annuus, umbra laborans  
 Solantes epulas lamentaq; festa reposcit

Et tu.

Et tumuli lugubre decus, stant crine soluto  
Iliades, hæc quæsta virum, natum altera, fratrem  
Multæ, nunc pariter lugent, nunc singula plangunt.  
Cumq; aliis in pallorem candore sepulto  
Febricitent vultus, sola ore Polyxena floret  
Sospite & in faciem nil audent nubila mentis.  
Hanc videt, hanc optat, & acuto Cypridis arcu  
Saucius Æacides subitos suspirat amores.  
Utq; usui majore Venus producta, tenellos  
Spondæo stabilis animos pede: sic nova voti  
Causa, pares stimulos, similesq; immobilis ignes  
Haurit, & in thalamos periturum emollit Achillem,

Ergo nec armorum meminit, nec prælia curat,  
Jamq; redire velit patriosq; reducere cœtus,  
Et totam turbare aciem, si regia detur  
Virgo sibi, consorsq; thori, pretiumq; recessus,  
Instruit his Phryga Sergestum, cui proxima in omne  
Arcanum regale fides! pacemq; futuram  
Asserit, & totum cogendum in fœdera Martem,  
Si reduces sua Myrmidones præcepta sequantur.  
Audierat Priamus, remeat Sergestus Achilli.  
Pacta placent, sed bella nocent, faciliq; repulsa  
Crescit amor, lex hæc: Virgo, si publica cessent  
Arma, viro patrias nuptum tradetur in oras.  
Haud mora, cômunes reditus monet, & grave frustra  
Discrimen passos queritur, nec judicat æquum  
Unius in thalamum & muliebria prælia tantos  
Conjurasse duces, Spartanaq; damna medendo

Et po.

Et populum & reges longis consumere bellis.  
 Grata quies vulgo; Martisq; remissius ardens  
 Dignatur consulta furor: sibi craftina quisq;  
 Vela parat, sed mox accepto tempore, partæ  
 Maturant cum messe rates, quas donat Achivis  
 Telephus, insensuq; tamen quod signa sequantur.  
 Altera, ductoresq; novos, Agamemnone pulso,  
 Vixdum contigerant portus, mutata tumultu.  
 Agmina crudescunt alio, gladioq; reposcunt.

Torserat astrivagum pacta in vestigia Phæbum.  
 Annua mobilitas bisseños passa labores,  
 Et jam mixtæ acies: solus non prodit in arma.  
 Æacides, solus non militat, obice belli.  
 Vota hæere dolens, alios in prælia cogit.  
 Nauplades, faustumq; suis comitantibus omen.  
 Impete Deiphobum primo petit, utraq; jacto  
 Tempora transadigit jaculo, funusq; secundum.  
 Dat Phrygio lugere duci, rotat obvia tela.  
 Sarpedon, quantaq; cruor virtute relictus.  
 Sufficit in vulnus, vires expendit in ictus.  
 Prodigus instandi, nec juncta potentia fati  
 Prorsus abest, clypeum transit, lævumq; cruentat.  
 Obliquo mucrone latus, felicior ensis.  
 Naupliadæ, casuq; manum meliore secutus  
 Iræis flendum superis Sarpedona fundit.

His hilaris, multoq; aliis jactantior, ecce,  
 Ecce, iterat, quantos dextra victrice negantes  
 Enle palam sterno, quid plus testabitur aulum

Phle

Phlegra Jovem? Libycus Alciden? Thesea Minos.  
Talis erat Danâum princeps vix ista, nec ista  
Fas: plenis j. classe sonis, venit ecce sagitta  
In jugulum stridens. Paris hanc excussit in aurâs  
Assyriis melior, æquaturusq; Gelonôs.

Dux ruit, & tenues jactatrix gloria fructus  
Cum luctu lucrata perit: cunctiq; jacentem  
Mixtis confodiunt hastis at rege perempto  
Non se turba regit: cæso duce tota sequentura  
Debilis ægrescit virtus, arma ipsa videntur.  
Posse minus, sic si ruptis moderâtor habenis  
Deciderit, turbantur equi, leviora stupentes  
Imperia, & subita jam libertate potiti,  
Ceu timeant, incerta vago vestigia cursu  
Præcipitant, lege hac fugiunt, hoc ordine fusi  
Grajugenæ: jam cæstra procul, jam littora longè,  
Seq; terunt vicibus, & qui prior esse supremus  
Ast hosti propior metuit: mox pectore nudo  
Terga tegunt, armantq; fugam, sed nulla tueri  
Tela queunt, classes nullæ, munimina nulla:  
Incendunt, sternunt, perimunt, face, carbasa, cõtis  
Arces, ense viros, strages vulgatur, Achilles  
Dissimulat: sed tot cædas, tot tela secundus  
Sustinet Æacides, & defensore laborat  
Jam fessus clypeo, tandem miseretur anhelum  
Altiùs attollens pontum Thetys, & venienti  
Occurrit Phœbo, radios mensura morantes.  
Postera vix umbras lux solverat, undiq; miras  
Sur-

Surgunt, armatoq; acclivis tela cubili  
 Corripiunt, pars in clypeos cervice recepta,  
 Non madidum Mucronis ebur, non cassidis umbrā  
 Solverat, ast ipsis audax sopor incidit armis,  
 It tuba præceprix Phrygiis, it tibia Grajis.  
 Et litis litui testes, at prompta vocantes,  
 Anticipat virtus modulos, crudescit utrinq;  
 Pugna ferox: instant, cedunt, minuantur, & horrēt.  
 Alternansq; vices fortuna ferensq; triumphos  
 Exiguaq; fugas populis permutat utriq;  
 Urget eques pedites, ille inclinatur in ictum  
 Arduus, hi tollunt humiles in vulnere dextras:  
 Ibat Abas, cumq; aurigam turbare Melampam  
 Sublato mucrone parat, sensisse putares  
 Cornipedes, suspensa truces in pectora surgunt,  
 Implicitumq; serunt pedibus, stratisq; relinquunt,  
 Lærior eventu, filiusq; Melampus equorum  
 Auxilio, per arma virum, perq; ora superbo  
 Fervidus axe volat, calcandaq; corpora quærens  
 Non vacuum dignatur humum, tandē Anxuris hasta  
 Dictæi ruit incurvus, propriisq; fatiscit  
 Interceptus equis, clamantemq; ore supino  
 Parcite, nil miserans surdæ rota præterit axis.

Anceps pugna ducum, palmæq;, incerta fluebant  
 Bella diu, donec medios prorumpit in hostes  
 Troilus, horrificisq; comes victoria signis.  
 Qualis Pelleus, qualis Calydonius exul  
 Fulmineas habuere manus, prior ille, secutus

Al-



Alter: at hic superat urroq; potentior ambos,  
Utq; omnes claudam titulos brevis, Hectore major.  
Mirati cedunt Danaï, grandiq; procella  
Corda pavent, secura prius, pluresq; renasci  
Hectoras attoniti censent, sic Troilus ardens  
Fraternas renovat cædes: insignia dextræ  
Victricis sensisse dolor, spectasse voluptas  
Eminus Alcestem Nisæum, comminus Idam,  
Hunc jaculis, hunc ense metit, tantoq; sub hoste  
Nulli turpe mori, pars tanquam occumbere certet,  
Infiectis gaudet jaculis, & morte superbit.

Exierant Ithacus, Tydides, Nestor, Achillem  
Flectere: is in tantis unus te Troile dignus.  
Sed steriles rediêre preces, stat linquere fixum  
Bella duci, validaq; ipsos ratione rogantes  
Arguit: ac bellum pendit, quod causa pudori,  
Congressus damnis, & commoda nulla triumphis  
Facta fides ducibus, hortantur fœdus, at obstat  
Cui thalami propior spirat dolor, obstat Erinnyis,  
Obstat Parca tenax, fatoq; potentior omni  
Bella refert Danaïs scrutatus numina Calchas.  
Haud mora prosiiliunt ductore Agamemnone læti  
Ochalidæ, contrà non segnus æquor anhelis  
Priamides transmittit equis, vectore superbus  
Magnanimo sulcos suspendit in aëre currus,  
Et ratò desigit agros, ut tardior angvis  
Triptolemi, Veneris ales, Panthera Lyæi.  
Pulvere crescit ager, putriq; in nube sepultam

Præ-

Prætexit caligo diem. nec civibus hostes  
Internosse datum, donec revocante serenum  
Cuspide sanguineos campus confedit in imbres.

Straverat Alcidas Teucrum Leocontha, trabalē  
Eminus intorquens hastam, missamq; secutus  
Extrahere ardebat, ut teli laude madentis  
Aut formidandus Phrygiis, aut gratus Achivis  
Iret ovans, at glandiflua præventus habena  
Occidit, & juncto solatur funere Teucrum.  
Transigit Eurypylum jaculabilis hasta Menalcæ  
Occiduas ingressa comas, lævumq; per orbem  
Exit, & excussum defert in cuspide lumen.  
Lernæa Lycidam transigit arundine Glaccus,  
Qua cervix connexa humeris: jugulo illa patenti  
Insidias, galeæ clypei; intervenit oras  
Herculeis imbuta vadis: dupliciq; fatigat  
Morte animam, furit hinc virus, cruor inde secutus  
Missile, & incito tandem de stamine certant.  
Terfilochum Cromius, Xerxes, Creteona, Nisus  
Fundit Alyn: jacet hic jaculo, jacet, ille bipenni,  
Tertius intento districtus palpitat arcu.  
Rethæa Rhelus agit, Lybidam proturbat Aconteus.  
Stemona sternit Ion. Thessandrum vulnerat Argus,  
Mactat Achonta Pholus, Pholō, Ebalus, Ebalō Actor,  
Actora Thyodamas, & Thyodamanta Lycæus.  
Eminet asperior dextra majore laceffens  
Troilus Argolicos, & quanquam Anthenoris ense,  
Æneæ jaculum, prædonis tela tremiscant,

Hic

Hic tamen hic vincit, & lautos obruit omnes.  
Omnia in proprios lucratur facta triumphos.  
Miratur Bellona virum, stimulatq; furemtem  
Parcius, & docilem gaudet vicisse magistrum.  
Ipse alias discit iras majoraq; Mavors  
Prælia, & exemplum divus mortale secutus,  
Dum Scythiis instat, vivos reminiscitur usus.  
Ibat fulmineo Phrygiis mucrone fatigans  
Fervidus Umbrasides, hinc nudo Troilus ense  
Disputat, & mortem, menti quâ cella secunda,  
Attonito concludit atrox: frustra ille laborat  
Solvere, cum nequeat fatale necesse refelli  
Mox premit Ascalaphum, ruit ille in terga, nec hastâ  
Exspectat, fallitq; manum, sed fraxinus ictum  
Sicca redire negans reperit, figitq; jugalem  
Implicitum domino: trahitur retinentibus ille  
Scansilibus, potoq; perit in sanguine merfus.  
Contentus cecidisse virum, premit agmina victor  
Cœtera Priamides, & terna tricuspide clavæ  
Funera continuat, fossos gemit Astilus armos,  
Pectus Irys, vacuamq; excusis ilibus aluum  
Antiphates: sed sæva licet, tamen in gvine nunquâ  
Inferius grassata manus, tumidusq; superbit  
Poplitibus cœsis humilem infamare triumphum.  
Jam magis ardentem tenues consumere pugnas  
In populum tædet, vulgari tela cruore  
Immensus violare pudor, nec paupere fraudat  
Plebem anima furit in jugulos regumq; ducumq;  
H Acri-

Acrior, & quâ acies stipat gemmata cohortes,  
 Irruit, atridasq; ambos, sed dispare telo  
 Sauciat, hunc jaculis, illum sude, tertius enseni  
 Vulnificum passus plangit Calydonis alumnus.  
 Hos quoq; fudisset, sic nunquam debilis ira,  
 Sic præsens semper virtus: at turba profundo  
 Interjecta gravem frustratur vulnere dextram.  
 Ipsa etiam cœu nulla dies, sic rara tyrannis  
 Atropos, inque anima inopes audacia major.  
 Nutabant Danai, iunq; his spes nulla triumphii,  
 Nulla fugæ: fati fraudes, commenta deorum,  
 Et falsum Calchanta dolent, reditusq; susurrant,  
 Si nulli post terga metus, mox Nestor & ipse  
 Peliden Agamemno rogant: negat ille, suosq;  
 Myrmidonas in bella tamen concedit agendos.  
 Hos ubi conspexit rapido prodire tumultu  
 Treilus, huc tendamus, ait, quænam hæc nova pubes?  
 Quis novus hic pulvis? an & hos huc destinat Argos  
 Nunc primum, & totas properat consumere vires?  
 At superi melius, deerant quos perdere possem  
 Et Stygio mandare Jovi, gladiusq; timebat  
 Oris, saxo igitur, post fulmina Dardana discant  
 Utilius latuisse domi. Sic fatus Hypartum  
 Ductorem cunei, quâ flammeus umbo coruscat,  
 Robore fraxineo figit, teloq; moranti  
 Præcipitem perturbat equò: celer ille receptis  
 Gressibus, abjectâq; hastâ, clypeòq; relicto.  
 Acrius instantem fugit hostem: in castra recedens

Argo-

Argolica, illic ante ipsum mactatus Achillem  
Concidit, & fuso tentoria sanguine signat.

Frendit atrox, quantumq; ingens dabat ira lacertū

Erigit Æacides, ac toto robore nisus

Jam responsuros parat ictus, venerat antè

Lancea Priamidæ, levosq; invaserat armos

Hoffis: at innocuum fallit Tritonia telum.

Sentit, & adversos incusat Palladis astus

Troilus, at jaculo melior fortuna secundo:

Lædit enim libatq; humeros, & morte petita

Invenit indignans vulnus sine funere cuspis.

Tertia majorem cornus potura cruorem,

Rapta manu, venit ecce abies, & stridula certos

Molitur jactus celsos prælagus in armos

Erigitur sonipes: dubium, defendere tentet.

An timeat, gaudetq; tamen perculsus herilem

Anticipare necem, flexo tunc poplite sensum

Invitus proculcat herum, fatumq; ruentis

Hæu juvat, ille quidem nolit sed dum gravis urget,

Occupat Æacides, & jam surgentia ferrò

Golla merit: longeq; licet decurrere jussa

Cæsa viri cervix, truncus manet, ipsaq; nondum

Exarmata manus bellum factura movetur.

Quos casus, quæ fata querat? quos Troile divos?

Troile, cujus opem gemit Ilios orba sepultam:

Troile, cui merita spirant præconia famæ:

Troile, quem solum dignatur laudibûs Argos,

Macte jaces: quinq; antè Phrygi spes publica vitæ.

Hæ

Vix



Vix unum obsessæ tutorem Memnona mortis  
 Stratus habes: funus lacerum spoliare parabat  
 Æacides, prohibet Memnon, miseræq; parenti  
 Pignoris egregii lugendos destinat artus:  
 Ipse aliis lachrymas, sibi bella, aliisq; tumultus  
 Fœmineos, sibi tela movet, raptaq; superbum  
 Cuspide victorem vindex premit: ingvina telô,  
 Pectora libârat gladio, respexit Achilles,  
 Atq; indignatus furialibûs intonat orsis:  
 Et te fata vocant. Stygias prior hospes in alno  
 Exspectat, Stygias pariter transnâbitis undas,  
 Dixit, & Eoo jam dudum viscera regi  
 Fraxineo perfossa stylô, niger emicat altè  
 Sangvis, & exutos mulcet styx frigida manes.  
 Fit fuga Persarum futo duce, sævior instat  
 Myrmidonum princeps, sic mens acceptaq; svadēt  
 Vulnera: jam trepidos longum quæsisse tyrannos,  
 In vulgò jugulum violens furit, impetus iram  
 Mutat, & ultricem cogit plebescere dextram.  
 Ergò fugat pavidos, audentes fundit, inertes  
 Proculcat, redimitq; brevi longa otia bellô.

Viderat Iliacos fremere in certamine campos  
 Juppiter, & quanquam tardari pulvere visus,  
 Arma tamen cernit Vulcania, sævit, in hostes  
 Sævire Æaciden, gaudet cum talia spectet  
 Nupturam pepulisse Thetim: pallore minori  
 Phlegræos montes, Phlegræaq; bella timeret.  
 Ipsa virum strages numerat, natoq; superbit

Imme.

Immemor haud fati, mater sic gloria vincit:  
 Charaq; suspendit mirantem praelia fluctus.  
 Quippe videre juvat, & fas sperare triumphum,  
 Cum manus una fuget, fugiatq; exercitus omnis.  
 Haud aliter, cum canus ager, cum messis adulta  
 Cedunt æstivo fugientia jugera vento.

Ultimus effracti tardatus vulnere currus  
 Gardine jam clauso socios poscebat Jolas  
 Ingressum, periëre preces, en Pelias hastâ  
 Transactum affigit foribus, portæq; maritat.  
 Tandem, castra licet longè: pauciq; sequantur,  
 Urbs juxta, cedit vix exorante Minerva.

Crastina luctificos mœsto Thernone jugales  
 Vix aurora movet nunquam tam prodiga roris,  
 Tam largè satiavit agros, stupet ebria tellus  
 Hos imbres non passâ prius, sic ubere fletu  
 Natum quæsta parens, huic adimit axis uterq;  
 Lux pallens, laceræ nubes, & saucia cœli  
 Forma, nec Idalio spirat decor integer astro.  
 Titonum superesse piger, poscensq; sepulchrum  
 Odir videtur per secula longa cicadam.

Legerat in tumulos Nabathææ messis odores  
 Ambitiosa parens, natoq; suprema parabat  
 Funera, mox volucrum famulantibus astitit alis  
 Exequias factura phalanx, avis unica phœnix,  
 Et Progne non una venit, caver Ardea rostrô  
 Marmoreum flosore solum, Luscinia planat,  
 Psittacus inscribēs apices, Philomela precatur,

H;

Plan-

Plangit Olor, Turtur tinnit. Junonius ales  
Lustrales sparsurus aquas properabat: at omni  
Dura Phrygi, revocat metas Saturnia pennas.

Fortè Jovi referens Telchinum tela, videbat  
Rex avium, ac viso cunctatur funere, fulmen  
Deponens, aliasq; faces incensaq; thura  
Corripit, & sacris solatur odoribus aras.  
Jam flammæ sopita fames, jam plena soluto  
Urna viro, redeunt volucres, mulcentq; parentem,  
Annua Memnonio pactæ solennia busto.

Parte alia, natis flendos instaurat honores  
Infelix Hecuba, hêu quantos enixa dolores.  
Jam tumulos numerare licet, jam tertia plangit  
Funera, sic Niobæ geminis orbata pharetris,  
Quem peperit populum flevit, nec parcior ira  
Junonis: gravis huic Saturnia, Delius illi.  
Aruerunt lachrymæ, deploratusq; sepulchri  
Jam tacitus, jam siccus honos, at solus in atas  
Maternus crescit curas dolor, excitat ægram  
Anxietas animum, fraudesq; in vota ministras  
Ultor habet gemitus, strabant radiantia Phœbo  
Templa suburbano, nomenq; auctura tegebat  
Lanugo Thymbraea Deum, circumq; supraq;  
Umbrabat dominas foliis ornantibus aras.  
Huc Hecuba in facinus præcepit, invitat Achillem,  
Conjugii sacra fidem, venit ille, sed arma,  
Sed comites nulli, solùm sibi Nestore natum  
Jungit, vix gladiò cingi memor: omnia linquit,  
Dum

Dum miser optatos properat visurus amores.  
Quin vetat insidias credi fraudesq; timeri  
Ipse locus templiq; fides, at matris, adulter  
Dardanus imperio, post læsa cubilia sævum  
Nil reputans, pacemq; Deū delubraq; turbas,  
Occulit armatas post ipsa altaria turmas,  
Vix fallunt animi præsagia, venerat heros  
Martius, inq; ipso trepidus ter limine gressus,  
Fixit, ter rediit, atq; alternante pavore  
Erectæ sedere comæ: ter præscia fati  
Effigies lachrymata Dei, stupet ipse tumorem,  
Ter timuisse negat, ruit ecce invisa juvenus  
Voce minax dextrâq; ferox, mediumq; coronant  
Armata statione virum, prior occupat acer  
Priamides, Ne flecte gradum, sponsane petitz  
Amplexus habiturus abis! venit ecce, sed illam  
Ornatu studiosa parens, iussitq; moratur  
Mollibus, & trepidam primæ docet oscula noctis.  
Dixerat, & gladium vibrans, & vulnera præceps  
Prima petens, Nunc nunc addit, nunc si qua jacent  
Gratiâ, si quis amor lapsis, hoc sanguine, cives,  
Exspectant Phrygii suprema piacula manes.  
Ille quid? unde animi? vel quid fuga? turpe precari,  
Et veniæ spes nulla: tamen mox veste lacertum  
Multiplici munit, ac rapta cuspide, quantum  
Nuda potest virtus & vis obesa, repugnat.  
Et populum manus una metit, nec segnior ira  
Antilochi premit, instat, agit, laudisq; supremæ

Ambitus, & præceps dat desperatio vires.  
 Sic quercus geminas certat pagana bipennis  
 Centena truncare manu, vix vulnere multo  
 Exhaustæ tandem nutant, lapsasq; sequuntur  
 Immensæ pariter nemorumq; virûmq; ruinæ.  
 Haud secus heroes perstant, nec vincere pronum.  
 Teucris, mille licet mortes hinc inde fatigent,  
 Nec jam vulneribus pateat locus, improba donec  
 Ipsa virum virtus fractos consumpserat enses.  
 Mox Pryges incumbunt propius, prolapsaq; nondû  
 Congestis clypeis casura cadavera, fîsi  
 Quos nequeunt armis, armorum pondere vincunt.  
 Vidit, & ultorem Phœbus curvaverat arcum,  
 Tela dabat Pallas, vetuit pater igne, sagittis.  
 Obvius intentis, & pacem fulmine sanxit.  
 Gaudet Alexander, faveant cœu numina factis.  
 Et placeat fraus olla deis: av busq; ferisq;  
 Proh scelus, extorres artus & funera nuda.  
 Projecisset atrox, melior ni iusta moneret  
 Frater, & infandas Helenus comperceret iras.

Hên quas lugendi facies, quos undiq; vultus  
 Communis Donatûm dolor induit, inde querelæ:  
 Hinc lachrymæ, cum bina ducum cervice redirent  
 Funera, mortaliq; rogo duo numina belli.  
 Relligio præmissa daret: nec se pare luctu  
 Myrmidones Pyljine dolent; certamine pulchro  
 Fletur, & æquanti jamjam latet agmine Nestor.  
 Sic si destituat superûm pater, orba querantur

Side-



Sidera, & ignoto contendant funera fletu,  
Vincendi jam nulla fides: nec fata, nec ipsi  
Spem præstant superi, perstant tamen ire, deosq;  
Consultare libet, redeantne, an prælia firmant,  
Sed redeant potius, nec enim fiducia bellis.  
Æcide fuso, Calchas it, querit, & audit,  
Audit Achillea vincendum prole Pelasgis,  
Pyrrhus erat, quem fata dabant, hunc Scyrius hospes.  
Servat, foeminei quondam nutritor Achillis.  
Nec mora, decretò procerum, Menealus ituras  
Disponit classès, novitq; & dicere pronum  
Quas remò lassavit aquas, quos legerit olim  
Pòrtus, quæ freta, quas urbes, Calydonia virtus  
Dulichii: adjuncta dolis: cum puppe propinqua  
Te Delos, te celsa Samos, te Bacchica Naxos.  
Raderet, at reducem rursus Bellòna fatigar,  
Armato modulanda stylò, produxerat ardens  
Mygdonios: in bella Paris, jamq; agmine toto  
Maximus innumeris fratres æquare triumphis  
Destinat, augescunt animi, majorq; videtur  
Ipse sibi laxans arcus, & tela superbire  
Spargere morte alia, majoribus utitur armis:  
Nunc gladii pugiles, longo nunc fraxinus ictu  
Fulminat, hi propius audent, hic eminus urget  
Hic non arte citat contum Scythæ, gesa Sycamber,  
Pila Ligur, jaculum Medus, Perseusq; sarissas:  
Ense Thoanta, Lamum telò, sudè Dorcea fundit,  
Ora Phoas plangit, Lamus ingvina, pectora Dorceæ

Hunc

Hunc Pylos, hunc Pleuron, illum misere Celena.

Parte furens alia cognatos impiger hostes.

Turbabat Thelamone latus, seprena coruscans

Terga boum, hasta viro quercus, jaculabilis uni.

Unam passa manum, non ferrea suta superbum.

Velavere latus, sive has bellare proterva.

Non tulit ira moras, seu lato pectoris orbe.

Se totum latuisse ratus sic sœvit inermis,

Sic premit armatos: maturat fata cadentium

Terror & ignavis mors est vidisse furentem.

Hunc Paris intuitus paulum hæret an ense sequatur.

An jaculô: tandem Cortinia tela resumens,

Hic quia certa, manus, & nunquam furda volenti.

Corythor viduat arcu, pharetramq; sagittis,

Arcum lava premès, intendit dextera nervum,

Utraq; suspendit telum, insidensq; sagitta.

Ductor in angustum visus coit, ibat arundo.

Hinc pennis pectus tangens, hinc cuspidè lavam.

Jamq; emensa fugam lateri insidiata sinistro,

Ipsa morte madet, sed juncti frigora lethi

Ira ardens nescit, donec fuso hoste furentis.

Ultrix tempestas animi satiata quiescit.

Sic dextros in vora deos, alternaq; fata:

Felices habuere manus, felicior illa

Quæ cœdis scelerumq; faces, belliq; tyrannum

Abstulit, & mœchos dedit ire in tartara manes.

Vade nocens, quò noxa trahit: te sexta meretur.

Tenariz, spelunca domus, si quartus amores

Tia-

Tractus habet, quintusq; viros at adultera vitant  
Funera, & incesto congressos Marte tyrannos.  
Te plaga sulphureas Titanum amplexa catenas  
Demerso clausura sinu, nos ultima, & ima  
Poscit humus: tibi Styx odium, Phlegethōq; vapores  
Cocytus lachrymas. Acheron lamenta propinat.  
Te portu procul ire Charon, & limine cogar  
Cerberus, at tandem cum jam transmissus abibis,  
Occurrant Herebi pestes, mors omnis in unum  
Acceleret jurata caput: tibi Tantalus undas,  
Ixion radios, saxum remeabile reddat  
Sisyphus, ac Tityus volucres, hæc gaudia sumas  
Dum mare sorbet aquas, imbres dum nunciat Iris.

Postquam Helenē trepidas exurens nuncius aures  
Perculit, ingenti longum suspensa dolore  
Vox pariter lachrymæq; hærent, fugitivaq; fallit  
Mens, subitam mentita necem, vix rore madenti  
Frigidus in sensum remeat dolor, ilicet ori  
Et laceris irata comis, circumspicit enses,  
Et causas jam mortis habet, tacitèq; volutat  
Cujus furetur gladium, quem tela precetur  
Ipsa sua moritura manu sentire furentem  
Iliades, nimiumq; ausos lenire dolores  
Agrestæ vicibus: dux blandior ipse furenti,  
Quodd spretis nunquam Phrygiis optasset Achivorum.  
Finis erat lachrymis, pariterq; exhausta latebat  
In noctem progressa dies, at fervidus ira,  
Tydides, quamvis fractos, & in ipsa fugatos,

Mon-

Mœnia turbat Adis hostes, clausoq; laceffit,  
 Nocturna statione Phryges, non tellera fortem  
 Elicit excubiis, ultrò vigilantibus instant  
 Ignibus, & nullo pullantur pectora vento.  
 Vix emensa dies, redit armis impetus, urbem  
 Invadunt; tormenta rotant, dat vinea vires,  
 Et silices balista movens, testudo viatrix  
 Subdola, fossoremq; aries suspensus in ictum.  
 At Phryges instantes prohibent, nunc grandine saxi,  
 Nunc ferri nimbo, nunc sparsæ fulmine massæ.  
 Nulla tamen pavidis nudo fiducia Marte  
 Campestrès iterare manus; seq; urbe tuentur,  
 Virgineas donec Priamo peltata bipennes  
 Penthesilæa movens, hæc integrat arma, cohortes  
 Firmat bellatrixq; viris dat fœmina vires.  
 Panduntur portæ, refugosq; in castra Pelasgos  
 Pellit agens jugulis gladios, incendia velis.  
 Destinât, excutiens Tytides unus utrumq;  
 Clarius in nullis expressit Tydea bellis.  
 Ecce Neopteleus dena subit hospita pinu  
 Ægæas permentus aquas quis præhâ fatis  
 Fortunam miscere neget? dant fata Pelasgis  
 Pyrrhum, dat Scythicas Phrygiis fortuna catervas,  
 Prodiêrant in bella pares, stetit inde Pelasgum  
 In cuneos collecta acies, hinc virgine mixta  
 Trojæ frequens, utrinq; deî, sua quisq; coruscant  
 Numina, Palladiæ pacem mentitur olive  
 Cæcropidum clypeus gentili Marte minatur

Bi.

Bistonidum cassis: Mars undiq; & undiq; Juno  
 Plurima fraxineo nunc verberat: aëra peplo,  
 Nunc sedet in parmis, caput nunc surgit in arces.  
 At Phryx Idæa Cybele, Idaliaq; superbit  
 Cypride, fulminei Tyrias pars alitis alas  
 Incestat Ganimæde suo, sic ire decorum  
 Certantes, sic dulce viris configere divos.

Eminet horrificas rapiens post terga secures  
 Virginei regina chori, non provida cultus  
 Cura trahit, non forma juvat, frons aspera, vestis  
 Discolor, insertumq; armis irascitur aurum,  
 Si risum, si verba notes, si lumina pendas,  
 Nil leve, nil fraustum, latet omni fœmina factio.

Obvius ultrices accendit in arma cohortes,  
 Myrmidenasq; suos curru prævectus anhelos  
 Pyrrhus, non ducibus miles, non ultor Atridis,  
 Sed sibi bella gerit, meritosq; offensus in hostes  
 Arma patris ultor habet, sed tanta recusant  
 Pondera crescentes humeri, majoraq; cassis  
 Colla petit, breviorq; manus vix colligit hastam.

Prima Mycenæum dextra flagrante Menetum  
 Penthesilea petit, dabat hic convicia cunctis  
 Ore leo, sed corde lēpus, frendensq; stupebat,  
 Cum pavidae & nullis usæ Pelopeides armis,  
 Fœmineas audire tubas, at frigore nescit  
 Nativo geminum crudescere vulgus, & axem  
 Sarmaticum generare, animis gentilibus iram  
 Tunc sic increpitans, pudeat Mars inolyte dixit

En tua



En tua signa gerit, & nostra effaminat arma  
 Staminibus vix apta manus, nunc stabitis hercle  
 Perjuræ turres, calathos & pensa puellæ  
 Plena rotant, sparguntq; colos: hoc milite Troja,  
 His fidit telis, at non patiemur Achivi:  
 Et si turpe viris timidas calcare puellas  
 Ibo tamen contrà, sic ille, at virgo loquacem  
 Tarda sequi sexum velox at prælia solo  
 Respondit jaculo fatum miserabile lapsum  
 Hasta solo figit pendent vestigia præcep  
 Ire laborat equus cuspis vetat, atq; ità carptim  
 Infelix diro lacerent certamine corpus  
 Haud minus Adrestum Pyrrhus premit, ille decorum  
 Proles mortali vitam, sed reddidit hosti  
 Mox alias utring; manus dextraſq; minores  
 Accedunt | exempla ducum quis singula pandat?  
 Si fluctus Siculos, Lybicæ si messis aristas,  
 Hyblæas si sæcter apes, tot vulnera tantas  
 Haud tamen expediam cædes, nunquã ante Machaë,  
 Pluribus, aut tantis eguit Podalyrius herbis,

Jamq; humiles populata manus concurrere binos  
 Molitur fortuna duces, | nec longa morati  
 Arma parant, parentq; alacres, audentibus olim  
 Accessum non turba dabat, nunc largior usus  
 Camporum numerusq; minor, proba improba Pyrrhæ  
 Penthesilea premit Mars hunc, hanc implet Enyo  
 Ad sexum non tarda suum. Tritonia neutri,  
 Neutri Juno favet, Pyrrhum nec vincere malint,

In spa-

In spatium jam crescit ager, porrectus uterq;  
Contus, uterq; enses, admissos calce fatigant  
Cornipedes primas perdit sed fraxinus iras,  
Pars clypeis immeusa sedet, pars spargitur arvis  
Partem dextra tenet, mox certior ense propinquo  
Crudescit ferri rabies, prima erigit ictum  
Virgo, sed raptis obliquo vulnere cristis  
In clypeum descendit ebur, medioq; retentum  
Vix perfert umbone moras: dumq; elicit enses  
Altius impressum, lavam mucrone papillam  
Transadigit Pyrrhus, sic imperiosa virago  
Degladiata ruit, tanta est reverentia sexus,  
Sidonias in crura togas, sinuosq; texta  
Colligit, & multum fatis irata fatiscit.  
Fit fuga Dardanidum, turbantur Amazones, ager  
Ad sexum facilis rediit timor: undiq; terror  
Palantumq; metus, discors ignavia pugnat  
Præceptura fugam: nullis succurrere lapsis  
Fratribus, aut notos mens respexisse vocantes.  
Pars jam nata urbem, Danao pars præda sequenti  
Linquntur at pauci cum certa pericula cernant  
In portus redeunt, & fata decora merentur.  
Venerat extremi revóluto stamine penſi  
Fatorum promissa dies, decimusq; rotabat  
Speratum Titana labor, præſagia mille,  
Mille mali micuere minæ, metuenda comete  
Sanguineis cecinere comis, ac Phæbus uterq;  
Nunc duplex, nunc nullus erat: non crebrior unquã  
Ira

Ira Jovis, non plura novis portenta figuris  
 Visa prius, filicum lachrymis, sudore decrum,  
 Latrantum gemitu, partuq; in monstra soluto  
 Venturi jam clara fides, accendit Achivos  
 Testorides panditq; deos illi undiq; muris  
 Insultant, quâ terra patet: pars necere classes  
 Destinat, & cunctos urbis tentare recessus.

At Phrygii creditus Lædeos pace pacisci  
 Et tandem longis hortantur foedera bellis.  
 Svadet idem Anthenor; svadet facundior illo  
 Polydamas, svadet leni mitissimus ore  
 Dux Anchisiades, reges cecidisse queruntur  
 Et raras superasse manus: nec sola gemiscit  
 Illos aut Phrygii fines, at quicquid Idasperm  
 Gemmiferum, Scythiciq; interjacet æquoris algas  
 Belli damna dolere nec par fortuna Pelasgis.  
 Pugnat Achilleides, consultat Nestor, Ulysses  
 Fallit, & Atridas ultrix exasperat ira  
 Haud tulit Amphimachus, pacem negat, arma teposcit  
 Edicit laxare fores, Phrygibusq; triumphum  
 Destinat, aut pulchro victuram funere saniam  
 Ipse æquaturus fratres, verum Heclore major,  
 Sic cedat puer, & pugiles vir surgat in annos,  
 Quin Priamo licet in senium deiection atas,  
 Argentesq; negent onerari casside cani  
 In tene non marcet princeps, in principe vernat,  
 Miles, & imbelles audent certamina rugæ,  
 At ducis offendunt ausus, coguntq; timere,

Mobili-

Mobilitas suspecta Phrygum, bellum author agendū  
 Jusserat Anthenor, nunc svadet foedera: Sparten  
 Aeneas populatum ierat, tunc reddere praedam  
 Censet, & hostilem cupiat meruisse favorem,  
 Ergo dolis cassare dolos, & tollere fraudem  
 Fraude parat, formatq; artes, hoc ordine ductor.  
 Fingere sacra vovet, fusiæq; ad foedera mensæ  
 Invitare duces, dumq; una pocula tractant,  
 Irruat Amphimachus, armatis acer inermes  
 Occupet infidiis: sic tuti libera Martis  
 Copia & hærebit nullis victoria causis.  
 Interea questiq; diu, bellumq; perosi  
 In foedus cojere Phryges, juratur in usum  
 Perfidiae perjura fides, Anthenore dirum  
 Parturiente nefas, hujus consulta securi  
 \* Ucalegon, atq; Amphimadas. nec justior ipso  
 Polydymante Dolon, patriæq; in damna ruentis  
 Impius, & tantis Aeneas contonus ausis.

Nuncius Argolicis prodendas indicat arces  
 Polydamas, pacemq; in pactum fraudis habendam  
 Juratis poscit, tacitumq; in mœnia furto  
 Poscit iter Danais Nestor timet, hæret Ulysses.  
 Furta negat Pyrrhus: illos incerta morantur  
 Pollicita, & falli metuunt: hic vincere certus,  
 Nocturnis refugit bellis foedasse triumphum:  
 Res turbat suspecta duces, Phrygioq; retenta  
 Traditur Inachio legati cura Sinoni.

\* *Proditio Troje.*

I. *Pro.*

Promissis audenda fides, petit ille penates  
 Iliacos, dubiosq; Anchisa teste timores  
 Sôluit, & acceptas jurante Anthenore voces.  
 Ergo fidem ducibus testati numina pangunt  
 Inachidæ, lætiq; jubent, sua, seq;, suosq;,  
 In nullos nutare metus: dona insuper addunt,  
 Et firmant promissa datis, nec Pergama tantum,  
 Innumeras Asiæ spondent cum civibus urbes  
 His hilaris Phryx certus abit, quodq; hostis in urbē  
 Captet iter, quando veniat, quæ signa movendi  
 Militis, & cauto dispensat singula nutu.

Porta latens, tacitosq; dolis furata meatus  
 Inscriptum Pegasi tollit caput: hac iter Argis,  
 Huc jussi venere duces. Sol merlerat axem,  
 Venturis hoc tempus erat: fax igne sereno  
 Visa viris, hæc signa dabat, sic milite juncto  
 Securi dubiq; meant. Phryx indice flamma  
 Pandit iter, laxatq; fores, ô dira nocentum  
 Consilia, ô cunctis incognita crimina fastis.  
 Florebant Asiæ fines, florebat opimis  
 Troja suis, & rege potens, & milite tuta.  
 Nec superos, nec fata timens, victoria Grajum  
 Mentito Calchante brevi cessisset, at hostis  
 Indigena & (quo nil gravius) privata nocendi  
 Copia Testoriden vatem facit, invidet ipse,  
 Ipse urbem civis aperit, non cardo susurrat,  
 Non clypei, non tela sonant, scit turba filere.  
 Omnia clam, clarumq; nihil, prior urbe potitus  
 Impa-



Impatiens sævire dolis, & vincere furto,  
Exclamat Pyrrhus, nunc obvia tela parate,  
Ite Phryges contra, quonam usq; in somnia torpor  
Nil tuti superest, postes laxamus, & ecce  
Irruimus Danaï, si quos concurrere mecum  
Ira trahit, non egregium damnabitur umbris  
Martis opus, facient ignes spectacula vestri  
Fatur, & incendit rapta face Pergama primus,  
Ipse sibi patuisse volens, pars cœtera ferro  
Certatim, flammaq; furit: populator oberrat  
Ignis, & in medios gladii venêre sîpores  
Nox fêra nox verè, nox noxia, turbida, tristis  
Insidiosa, ferox, Tragicis ululanda cothurnis,  
Aut Satyra rodenda gravi, tu sola triumphas,  
Tantum nîsus steriles lucrata dierum  
Si mihi Carpathias lingvis æquare figuras  
Detur, & innumero crescant mihi pectora Phæbo.  
Non tamen expediam cædes, incendia, luctus,  
Quos Phrygiis nox una parit, pars ignibus enses  
Pars gladiis vitant ignes, casuq; gemendo  
Incurrit fatum, fati fuga sola timetur,  
Quæ prior in sensum, mors germinat utraq; passis  
Funera, fas multis geminos conferre dolores.  
Dira mali facies, ævoq; ignota priori.  
Hinc somnus vigil, inde odium: nulloq; rebelles  
Obiectante manus, ferienti copia dextræ  
Delegisse necem, jugulumne an pectus, an ora  
Occupet, aut cunctos in vulnere computet artus.

At quibus in mensas noctis productior usus.  
 Aut verbis vigilata quies, vulgante tumultu  
 Urbe frui Danaos, aut visis ignibus, arma  
 Defensura parant, sed flammis undiq; septi  
 Præreptum mirantur iter, frustra; parantes  
 Incensos exire lares, asperissima questi  
 Funera, consumptis pariter moriuntur in armis.

Expediam cædes? & singula fata revolvam?  
 Sed tenebris latuere manus, sed nocte perempti,  
 Sed premit umbratam nocturna inticitia Musam  
 Pugerat amplexus aras & templa tonantis  
 Infelix Priamus, nec enim fiducia dextræ.  
 Cesserat ira metu magno tamen arduus ore,  
 Non prece, non lachrymis, non vultu supplice regē  
 Exorat cui Pyrrhus atrox, reddisne Pelagis  
 Spartanæ, reddisne nurus? an prælia mavis?  
 Et nondum bellare times? cur stringis eburnos  
 Diis invite deos? læsisti numina sponte,  
 Cogor in exemplum: cecidit pater hostia Phœbo  
 Tuq; Jovi, dixit, indignatusq; jacentis  
 Cade frui, trepidum prenis à vertite canis  
 Eruit in vulnus, gladiumq; in viscera condit  
 Non longum cunctata manus, levis ire sub umbras  
 Vita hebes: ipse tamen membrorum pondere ferrū  
 Firmus cecidisse juvat, tandemq; dierum  
 Plerus obit, felix senio, lætusq; juvena,  
 Si stabili fortuna fide, si fixa maneret.

Toti Zephyros plus lædit hyems, post gaudia ludus:

Unde

Unde nihil melius, quàm nil habuisse secundum.

Postquam Hecubæ jam certa mali vulgata recentis

Fama rapit gressus, & nil cunctata per enses  
Audet iter, lacerisq; comis & pectore casō  
It quærens & quæsta virum. Quisnam, inquit Achivi  
Lugendos miserè secat artus? reddet? an illum,  
Prædam avibus, prædamq; feris sparsistis ademptum  
Quærendumq; mihi? cedunt turbata furenti  
Agmina, dantq; viam, regi illa instrata reperto,  
Hêu meus ingeminat, longè post tempore mutæ  
Hêu iterat repetitq; meus, sic sæpe diuq;  
In voces diffusa breves, vix deniq; questus  
Continuos nectit, & sic exorsa, profatur.

\* Quos gemitus, quæ digna satis lamenta rependes  
In lachrymas simul te dolor? non arguo luctus!  
Defecère genæ, fletuq; exhausta profundo  
Lumina caligant, acies hebet, insita dudum  
Plaga, sed & lingves siluère huc usq; dolores.  
O cœlum, ô superi, quibus irritata peperi  
Fœmineis nil ausa modis, quo crimine tantis  
In pœnas damnata malis? si digna necari,  
Cur vixi? hêu, miseris longo nil tristius ævo.  
Num thalamos, partus ne querar, sævissima nupsî  
Infelix peperi, potuit ditione serena  
Istè frui? mecum Parcæ nupsère nocentes,  
Et pariter stetit ira Deum, quin pignore multo  
In partus fœcunda fui, fatoq; sinistro

\* *Lamentatio Hecubæ.*

Et conjunx & mater eram: nunc orba creatis,  
Nuda viro, gemino didici contendere planctu,  
Claudendis lassata genis, & funere multo.

At te chare Hector, te tuta superstitite dudum  
Troile Troja fuit: nec enim pars impia nostri  
Fax uteri memorandus erit, sic fatur, & ignes  
Quos Phæton tex nequeant æquare favilla,  
Quosq; neget tibi Roma Nero, miratur, & addit,  
Has nè faces peperit? peperine, & fulmina cessant?  
Hæc uteri foetura mei, nec solvit hiatum  
Terra vorax? peste hac timui, parcuntq; minaces  
Deucalionis aquæ? vos ô quos impia læsi,  
Vos potius quibus hæc peperit lamenta, nocentem  
Certatim leniate Phryges, sed ferior ira:  
Tunc tempus, cùm somnus erat, tuq; inclyte conjux,  
Tu thalami tumuliq; comes, tecum ibo sub umbras.  
Me miseram deerit ne hostis? ubi bella furentum?  
Pyrrhus ubi? date tela, viri date tela, seniles  
Sufficient in fata manus, discam ne vereri  
Argolicas captiva nurus? sic fatur, & omnes  
In luctum Danaos pietas extorta resolvit.

Et jam rorificas noctis nudaverat umbras.  
Sed nondum deterfa dies, ultrò ipse latebat  
Phœbus, & everfis, quæ struxit mœnibus, hostem  
Ingemuisse putes, præda omnis irarce Minervæ  
Congeritur, noctisq; lucrum: Trojæq; jacentis  
Metiri jam fata licet, tot ditia species  
Arma, deos, cultus, gemmas, ebur, æra, nec unquã  
Plu.

Pluribus intumuit victrix fortuna trophæis.

Postquam iusta ducum suffecit copia, vûlgo  
Speiq; avida tribuens vicit manus, undiq; latus  
Conclamant reditus tandemq;, sed exule bellos  
In sese natura redit, dat tempora vates,

Dat lucem qua vela parent, suntq; otia Grajis  
Interea, lustrare vago fumantia gressu  
Pergama pars odjis nondum furjisq; peractis,  
Rhetæos spoliât colles, latura cupressum,  
Funeribus, laurum sacris, & puppibus alnum.

Jam votis tumultisq; modus, classisq; novata  
Æquoreum sulcabat iter: rotat obvius ecce  
Auster aquas, geminasq; hyems & flumina & imbres  
Tempestas inopina movet: monet augur ituros  
Nordum placatis iterare piacula divis.

Iussa duces obeunt, memoriq; Polyxena Pyrrho  
Non inventa subit: frendit Phrygiolq; laceffit  
Efferus, hanc thalamis, Hecuba tradente paternis,  
Dux Anhiſiades absconderat, ô scelus ingens,  
Redditur invisus infelix præda Pelasgis.

At licet haud æquas, servata virgine poenas,  
Exul agi jussus Æneas pendit, & usus  
Puppe bis undena, quas prædo duxerat alnos  
Dardanus, exili comites habet, urbe potitur  
Anthenor, regniq; decus rex lectus adauget,

Astrictus sociis in foedera læta Gabinus.  
Hanc tamen extorto cupiens evertere sceptro  
Menalias mendicat opes, Dirceâ peterrat

(Oppi-



Oppida, digressis audax bellare Pelasgis  
 Æneas, sed casta novi molimina belli  
 Questus, in Hadriacas exul delabitur undas,  
 Hic urbi Coreyra novæ, quam struxerat ipse,  
 Nomen, & exiguo regnat contentus agello,  
 Romanis olim permissus mœnibus autor  
 At regina gemens, & nunquam credita Teucris,  
 Cernusium Cassandra petit, comitemq; secutus  
 Andromachen Helenus sic Ilios unica damno  
 Ubere regna, urbes populis, & gentibus implet.

Jamq; Phoronæi post diruta Pergama reges  
 Ægæum tenuère fretum, spolijsq; superbi  
 Iliacis, nulla cursus turbante procella,  
 Concordes secuère vias, quum carcere fractio  
 Effreni fremuère Noti, coeliq; tumultus  
 Dispulit aut pelago puppes, aut fluctibus hausi.  
 At vaga Locrorum classis, dum turbine fertur,  
 In scopulos projecta perit: quin fulmine quassa  
 Regia qua vedus Ajax, ratis, ipse profundis  
 Corporis obsequio frustra librat in undis.


Mox ubi victores audit remeare Pelasgos  
 Ajax Naupliades, titulos Pelamede perempto  
 Fraternos objisse dolens, livore maligno  
 Saucius, Argolicas ad bella nefanda puellas  
 Provocat, & sceleris causas molitus iniqui,  
 Hèn miseræ! quid sacra [inquit] quid vota tot annis  
 Deplorata juvant, servata jura maritis  
 Et nunquam temerata fides? rediære, sed ecce,

Fama

Fama nurus Phrygias simul adventare, premetq;  
Barbara servitio thalamos captiva priores.  
Immo age, Lemniadum memores audete Pelasgæ  
Par factum causis paribus, trepidatis inertes:  
Imperat indignis pellex regina puellis,  
Vix hæc, & subitos vulgavit fama tumultus  
Argolicos venisse duces, & rara deorum  
In finem producta fides, sis tempore longo  
Faustus sis quovis major, quid stultè superbis?  
Ultima felices ætas facit, en habet Argos  
Nil bellis quæstus, nil æquore passus Atrides:  
Victorem jugulum conjunx secat, audet adulter  
Insidiis mactare ducem, tristisq;, reverso,  
Egipie Diomede suo, non osculo, risus,  
& blanditias, sed bella mover, similesq; tumultus.  
Molite Argolides aliæ, vel fraude maritos  
Excipiunt, vel Marte negant venientibus urbes.

Ergo ubi Grajugenæ pulsi civilibus armis  
Cessere exiliis, & devenere Corinthum,  
Singula collatis vultum convicia bellis  
Ire parant prohibet Nestor, pacemq; suorum  
Consultu potiore petit: prece flectere cives  
Non armis tentare monet, nè publica damna  
Et regno pariat lis intestina ruinam.  
Sic damnis bellum nullis civile toporat  
Majestas dignata preces, & Marte sepulto.  
Foemineas non passa tubas. pietasq; fidesq;  
In dominos antiqua redit, sua cuilibet ultrò

Regna patent, patriamq; Samon delatus Ulysses  
 Syrenum modulos. Siculum mare, Monycha passus  
 Hospitia, Antiphatis mensas, & pocula Cyrces,  
 Dulichios tandem finis tenet, inq; pudicas  
 Penelopes post multa redit connubia tadas,  
 At fati præfaga quies horrendaq; visa,  
 Telegoni gladios cognataq; tela minantur,  
 Sic Circes despector obit, sic victima nati:  
 Sed senio validus, Asiæ sed victor opimæ.  
 Postquam Tyndaridem patrias remeasse Mycenæ  
 Claruit occurrit densis Europa catervis  
 Plistiniam mirata nurum flagrantq; videre  
 Everforem Asiæ vultum quin ipsa superbit  
 Accendisse duces, lacerasse in prælia mundum,  
 Infamem famæ titulum lucrata pudendæ.  
 Hæcenus Iliacæ questus lamenta ruinæ  
 Confusa explicui veteris compendia veri.  
 Vive liber, liberq; vige: sed si qua nocebunt,  
 Disce libens livore nihil sublimus esse.  
 Cum tibi mordaces obliquent læva/cachinnos  
 Murmura cum cupiant lingvis lacerare prophanis,  
 Sis utinam invidia dignus, quæ summa laceffit.  
 Quam pascit præsens, extremaq; terminat ætas.




# CORNELII NEPOTIS


ad Salustium Crispum Epistola,  
Cornelius Nepos. Sallustio Crispo. S.

70  
Quum multa Athenis curiosè agerem; inveni historiam Daretis Phrygii ipsius manu scriptam, ut titulus indicat, qui de Gracis & Trojanis memoria commendavit. Quam ego summo amore complexus, continuo transtuli. Cui nihil adjiciendum vel diminuendum rei formidanda causa putavi, alioquin meam esse posset dubitari. Optimum ergo duxi, ità ut fuit verè & simpliciter perscripta, sic eam ad verbum in latinitatem transverterem, ut legentes cognoscere possint quomodo res gesta essent, quas Dares Phrygiæ memoria commendavit, qui per id tempus vixit & militavit, quo Græci Trojanos oppugnarent. Minime Homero credendum, qui post multos annos natus est, de quo Athenis iudicium fuit, cum pro insano Homerus haberetur, qui Deos cum hominibus belligerasse descripserit. Sed Hactenus ista. Nunc ad pollicitum revertamur.

## FINIS.









180

6573

055913

Sc. Lavie  
o Aris & fo  
qui Aquila  
i omnino  
tem imbell  
arpachius tra



Biblioteka Jagiellońska



stdr0022357

